



ИТВЫВ КОДЗУВ

11
НОЯБРЬ
1977



Иван Васильевич ОДИНЦОВ — Октябрьской револю-
цияса ветеран, участвуйтліс Зимньої дворец босьтöмын.
Сылысь висьт лыддьöй журналлön лист бокъясысь.

Снимок В. Вежевлön.



ЛИТЕРАТУРНО-
ХУДОЖЕСТВЕННОЙ
ДА ОБЩЕСТВЕННО-
ПОЛИТИЧЕСКОЙ
ЖУРНАЛ

ТАЙО НОМЕРЫН

З. В. ПАНЕВ. Октябрлөн да выль Конституциялөн шондї улын	3
Серафим ПОПОВ. «Ленин мянкөд» кывбур чукорысь. Медводдза советской эзысь шайт йылысь баллада. Ленин лыддьö «Гөрд Печора» газет. Рөдина карта дїнын	11
Борис ШАХОВ. Визув паныд (повесть) . . .	13
Альберт ВАНЕЕВ. Дона да муса (кывбур) .	34
Александра МИШАРИНА. «Мыла сьылан сьөлөм вылын» (кывбур)	34
Н. НИКУЛИН. Ваньö вок (висьт)	35

Великөй Октябрлы — 60 во

Е. М. АЛЕКСЕЕВ. Талунья Вуктыл	40
Виктор НАПАЛКОВ. Эжва катыдын	42
И. В. ОДИНЦОВ. История бергөдчигөн	45

Челядьлы

Василий ТОРОПОВ. Жыдач позтыр. Тури йөктö (висьтьяс)	53
Йөз оз вунөдны сылысь нимсö	56

Критика да библиография

С. РАЕВСКИЙ. Революция да гражданской война темаяс коми литератураын	57
В. ДЕМИН. «Мунöны» поэма петөмсянь 50 во	62
В. ПАХОРУКОВА. Книгаясын талунья морт	64

ЛЭДЗÖ КОМИ АССР-са
ЛИСАТЕЛЬЯСЛÖН СОЮЗ

ПЕТÖ 1926 ВОСЯНЬ

11

НОЯБРЬ

1977

СЫКТЫВКАР

СЕВЕРНАЯ ЗВЕЗДА

✳
ЕЖЕМЕСЯЧНЫЙ
ЛИТЕРАТУРНО-ХУДОЖЕСТВЕННЫЙ
И
ОБЩЕСТВЕННО-ПОЛИТИЧЕСКИЙ
ЖУРНАЛ

✳
ОРГАН
СОЮЗА ПИСАТЕЛЕЙ
КОМИ АССР

Главный редактор П. Шахов

Редакционная коллегия:

*А. Ванеев, М. Игнатов, В. Попов, С. Попов,
С. Раевский, И. Торопов (зам. главного редактора),
Г. Юшков, В. Напалков (отв. секретарь).*

Ноябрь 5 луно республиканской музыкальной театрын воли КПСС Коми обкомлон да Коми АССР-са Верховной Советлон отувья торжественной заседание, кодос сйома Великой Октябрьской социалистической революциялон 60 вося юбилейлы.

СНИМОК ВЫЛЫН: юбилейной торжественной заседаниелон президиумын.

Снимок В. Вещицкий лон.



Октябрлөн да выль Конституциялөн шонді улын

Советской йоз, став прогрессивной войтыр ыджыд кыпыдлунон пасысны Великой Октябрьской социалистической революциялысь квайтымын вося славной юбилей.

Октябрлөн победа, рабочейяслон да крестьяналон мирын медводза социалистической государство чужом — мировой историяын медся ыджыд событие.

Ленин да Октябрь... Ми пыр сүтөдам орччон тайо вывти дона, сёлмөдз йиджтысяна кывъяссө. Ленинос да Октябрөс оз позы торйодны, найо петкөдлөны человеческой обществолон совмөмысь медся ярьюгыд да төдчана кадсө — капитализмсянь социализмөдз революционнөя вуджан кад.

Октябрлөн 60 вося юбилей — ыджыд да югыд праздник не сомын советской йөзлөн, но и му шарывса став уджалысь йөзлөн.

Великой Октябрь победалон исторической төдчанлуныс, социализмлон опытыс сыын, мый найо сетисны уджалысь йөзлысь медся справедливой общество котыртөмын ышөдана пример. Став странаясса уджалысьяслон медьюгыд надеяыс йитчөма социализмкөд. Со мыйла воысь-во ёнмө социалистической странаяслон отувъялун, марксистско-ленинской партиаяс костын дружба.

Октябрлөн победа восьтис шудлунлань, свобода лань мунан туй уна миллион увтыртөм йөзлы, кодъяс империализмкөд ёсь тышын мездысисны колониализмысь да мировой социалистической лагерь вылө, медводз, Советской Союз вылө мыджсьөмөн, стрөйтөны выль олөм.

«Ми лөсьөдим общество, — висьталіс Л. И. Брежнев, — кутшөмөс эз на төдлы история. Тайо обществоыс — мировой цивилизациялөн медся ыджыд шөдөдөмтор, общество, көні лөсьөдөма збыльысь мезд-



лун да демократия, общество, кодї видзоддэ аския лундэ да эскомон нюждоддэ тайдэ аския лунас туй.

Социалистическдй оласноглон зэв гырысь историческдй бурторьясыс, сылон ярьюгид торьяломьясыс — отувьялун да ерт сяма олом, странаса став нацияслон да народностьяслон дружба, нравственндй дзоньвидзалун да социальндй кыпидлун — тайдэ торйон нин ясыда тдчд Великдй Октябрьскдй социалистическдй революциялы 60 во тыран каддэ».

Квайтымын во — историяын абу ыджыд кадколаст. А видзодлыны кд, кутшом вовлытом одьясон совмис-быдмис миян страна, кутшом гырысь вермомьясон пасйома квайтымын воон социализм туй кузя мундмсд! Коммунистическдй партия да советскдй народ лдсьодисны советскдй социалистическдй оласноглы крепид экономическдй, социально-политическдй да идеологическдй подувьяс. Советскдй Союз, конд строитома совмом социализм, лои мирын медся вынйора странаясысь отион, государствоон, конд эм ен экономика, передовдй наука да техника, конд став народлон эм колана образование да культура.

Тддны позьтома вежсис страналон народндй овмос. Гырысь воськовьяс вочома производительндй выньяслон став юконьясын. 1917 воын серти юбилейндй 1977 воын миян странаын промышленндй продукциясд лоод вочома 225 пдв унджык. Онд кык лундн да джынйон промышленность вочд продукциясд сы мында жд, мыйта сйос вочисны ставнас 1913 во чдждн. Любдй мукдд государствоын серти талун Советскдй Союзын вочсьд унджык чугун, сталь, перйиссьд нефть, из шом, вочсьд цемент, тракторьяс, тепловозьяс да электровозьяс, хлопок да шабдд, минеральндй удобрениеяс да уна мукдд сикас продукция.

Пдртдма оломд капитальндй строительстволысь ыджыд программа. Страналон основндй производственндй фондьясыс быдмисны 37 пдв. И тайдэ сы вылд видзодтдг, мый квайтымын воысь матд кызь воыс уси Советскдй государстволы ковьялом война вылд да войнаон кысьтом овмос кыпдддм вылд.

Гырысь вежсьомьяс шеддддсны сиктса труженикьяс. Сдмын бдрья дас воон зерновдйяслон урожайыс соддс 1,4 пдв, а общественндй овмосын удж производительность — 58 процент вылд.

Ена бурмис советскдй йдзлон оломыс, странаын пдртдма оломд ыджыд социальндй программа. Окмысдд пятилеткаын выль социальндй могьяссд оломд пдртом вылд влдд видздма сы мында жд средствояс, мыйта воддза кык пятилеткаын найос отлаын босьтомдн.

Сэк, кор капиталистическдй странаясын лунысь-лун паськалд инфляция, уна миллион йдзлон уджтомалом, Советскдй государстволон экономикаыс совмд динамичндй, гырысь одьясон. Миян странаын пыр кеджлд бырдддма капитализмлысь сэтшом социальндй висьомьяс, кыдзи тшыгьялом, гдльлун, уджтомалом да неграмотность, социальндй да национальндй увтыртдм.

Советскдй народ горддтд аслас Вооруженндй Выньясон, кодьяс сюся видздны Октябрлысь шеддддмторьяссд, кодьяс асьыныс вынсд петкодлсны миян Рддиналон историяын медся сьдкыд да вир кысьтана войнаын — фашистскдй Германиялы паныд тышын.

Комын воысь дырджык нин миян страна олд мирндй созидательндй удждн.

СССР-са Верховндй Советлон внеочередндй сизимдд сессия таво октябрь 7-од лунд примитдс Советскдй Социалистическдй Республикаслон Союзлысь выль Конституция (Основндй Закон).

Миян страна оломын тайдэ кык зэв тддчана лддмторйыс оз сдмын отлаасыны кад сертыс. На костын йитддьясыс ена пдддджыкдсь. Выль Конституция — тайдэ, позьд шуны, Советскдй государстволон став квайтымын вочдждся совмомын отувья итог. Сйд ярьюгыда висьталд сы

йылысь, мый сійö мөвпясыс, кодъясöс сувтöдiс Октябрь, Ленинлөн заветъясыс бура пöртсьöны олöмö.

Сöветскöй Конституция — сöвмöм социалистическöй обществолөн Закон. СССР-са Верховнöй Сöветлөн сессия вылын Л. И. Брежнев ёртлөн докладын паськыда петкöдлöма сöвмöм социализмлысь сер-пассö, сылысь экономическöй да политическöй системаяссö, социальнöй структурасö да духовнöй сöвмöмсö, сылысь внешнöй политикасö. Петкöдлöма социалистическöй демократиялысь зэв гырысь шедöдöмторъяссö, гражданалысь паськыд правояс да свободаяс, а сiдз жö налысь могъяссö, Сöветскöй Союзлысь национально-государственнöй устройство, властьлысь органъяс да управление системаяс, миян государственностьлысь мукöд тöдчана подувъяс.

Сöвмöм социалистическöй общество мыджсьö вынйöра, передöвöй индустрия да бура механизируйтöм видз-му овмöс вылö, мый сётö позянлун сувтöдны сылөн медыджыд могөн — пыр тырвыйöджык могмöдны гражданалысь уна пöлöс корöмъяссö.

Сöветскöй обществоөн веськöдлысь да нуöдысь вынён, сылөн политическöй системалөн, государственнöй да общественнöй организацияслөн ядроөн лöö Сöветскöй Союза Коммунистическöй партия, висътавсьö Конституцияын. КПСС олö да служитö народлы, веськöдлö сöветскöй народлөн великöй созидательнöй уджөн.

Конституциялысь проектсö нель тöлысь чöж видлалöмыс збыльысь вöли всенароднöйөн. Сыын участвуйтисны сё нелямын миллионысь унджык морт — миян странаса став верстьö йöз лыдысь нель-витöд юкөнсьыс унджыкыс. Народлысь татшöм ыджыд активностьсö миян страна эз на тöдлы.

«Став народөн видлалöмын главнöй политическöй итогыс сыын, — пасйис Л. И. Брежнев ёрт, — мый сöветскöй йöз шуисны: да, тайö сэтшöм Основнöй Закон, кодöс ми виччысим. Сійö правильнöя петкöдлö миянлысь шедöдöмторъяс, миянлысь думъяс да эскöмъяс, веськыда индö миянлысь правояс да могъяс. Шедöдöмторъяссö вынсьöдöмөн сійö востö позянлунъяс, медым водзö стрöйтны коммунистическöй общество».

Став народөн видлалöмыс сетiс позянлун тöдчымөн бурмöдны Конституциялысь проектсö. Сöветскöй народ лоис аслас государстволысь Основнöй Законсö збыльысь лöсьöдысьөн.

Конституциялысь проект видлалöм сетiс ыджыд пöльза кызди уна миллион радöвöй труженикъяслы, сiдзи и став руководящöй работникъяслы. Опытыс, кодöс босьтöма тайö видлалöмсьыс, лоас бур подулөн партияса да государства став организацияслысь уджсö водзö бурмöдöм вылö.

СССР-лысь выль Основнöй Закон примитöм йылысь сёрнитöны талун став мирын. Тайö ещö öтчид висъталö öнiя мирын социализмлөн зэв ыджыд тöдчанлун йылысь.

«Ставнас активнöя донъялöмъясыс, пидисянь интересуйтчöм да пöся ошкöм, кодъясöс сетисны миян Конституциялөн проекты став мирса уджалысь йöз, — шуис Л. И. Брежнев ёрт, — тыртöны сьөлöмъяс гордостьөн сійö вермөмъясысь, кодъясöс шедöдiс сöветскöй народ, отсалöны ещö бурджыка гөгөрвоны сылысь зэв ыджыд интернациональнöй тöдчанлунсö».

СССР-лысь выль Конституция примитöмкөд йитöдын став сöветскöй народ водзын сувтöны гырысь да кыв кутана могъяс.

Медводз колö, медым Конституциялөн быд статья, быд положение тырвыйö пöртсисны олöмö став государственнöй органъясөн, став должностнöй йöзөн, став гражданоён. Сöветскöй йöзлы колö тöдны асьыс Конституциясö, асьыс правояссö да свободаяссö, гөгөрвоны асьыс гражданскöй могъяссö.

Колö тöдчымöн бурмöдны став государственной органьяслыс уджалан ногсö да методьяссö, колана тöдчанлун сетны быд звенолыс, уджалысьлыс кыв кутöмсö да водзмöстчöмсö кыпöдöм вылö, государственной дисциплина стрöга соблюдайтöм вылö, сы вылö, медым уджалыс йöзлөн эз кус творческой водзмöстчöмыс, бура матыстчыны налөн нуждаяс да корöмьяс динö.

Кутшöм ыджыд позянлуньяс восьтис Великой Октябрлөн победаыс водзтi увтыртöм да нартитöм народьяслы, зэв мичаа тыдалö мян Коми республика пример вылын.

Коми йöзлы, кызди и СССР-са мукöд нацияслы да народьяслы, Октябрлөн шондi улын квайтымын воыс збыльыс вöлины дзоридзалана воясөн. Вöвлытöм öдьясөн сöвмисны экономика, культура и öнi Коми республика лоис зэв сöвмöм индустриальной республикаөн. Кыдзи и мукöд союзной да автономной республикаяс, сийö пунктö тöдчана пай страналыс экономикасö сöвмöдöмö.

Öнi мян республикаыс дугдывтöг мунö из шом, нефть да нефтьыс вöчöм продукция, природной газ, технической са, целлюлоза, бумага, картон, фанера, бур качества вөр, пу плитаяс, пиломатериальяс, электротехнической изделиеяс, пушнина да страналы ёна колана мукöд сикас продукция.

Сöветской властьлөн первой воясö на В. И. Ленин ылö водзö видзöдöмөн бура аддзис, кутшöм югыд туй восьсö коми народ водзын да унатор вöчис, медым кызд позьö öдийöджык сöвмисны производственной выньяс Сöветской Россиялөн войвылын. Сы водзмöстчöм серти вöли котыртöма Печораын из шом корсьöм, вель ыджыд тöдчанлун сийö сетис и Ухтаса нефтьлы.

В. И. Ленин пыдисянь эскис, мый Коми край лоас дзоридзалана индустриальной крайөн. И тайö эскöмыс пöрис збыльторйö.

Революцияöдз Коми муын вöли сöмын нель жебиник промышленной предприятие, кодьяс во чöжөн вöчисны продукциясö сöмын 359,4 тыс. шайт дон.

1976 воын Коми республика иналис промышленной продукциясö 2 миллиард 193 миллион шайт дон, а таво лоас нöшта на унджык. 1977 воын производстволөн став объёмыс 1913 воын серти содас 353 пöв.

Коми республика, көнi олö öти миллионыс неуна унджык морт, öнi перйö странаса став из шомлыс 3,6 процентсö, нефтьлыс да газöвой конденсатлыс — 2,4 процентсö, газлыс — 6,1 процентсö, вөр лэдзö — 6,5 процентсö, бумага вöчö — 3,2 процентыс унджыксö. Республикаса народной овмös сöвмöдöм вылö 1977 воын сетöма 1,2 миллиард шайт.

1934 воын Воркутаын вöли перйöма медводдза тонна из шом, а 1976 воын Печорской из шом бассейнса горнякьяс мöдöдисны потребительяслы 25,8 миллион тонна — пöшти сы мында, мыйта перйылисны став царской Россияын 1913 воын. Вужвуйöныс вежсисны шахтёрьяслөн уджалан условиеясыс.

Öнiя шахтаöс позьö шуны комплексной механизируйтöм заводөн. Комплексысөн из шом перйöм сетис позянлун тöдчымөн кыпöдны удж производительность. Печорской из шом бассейнын выльөн на стрöйтöма «Воргашорской» шахта-гигант, кодi кутас сетны страналы во чöжнас 4,5 миллион тонна из шом.

Нефть перйöм мян республикаын заводитчис 30 вояс заводитчигөн. 1937 воын вöли перйöма сийös сöмын 51 тысяча тонна, а кольöм, 1976 воын — 12,5 миллион тонна.

Бөрья воясö гырыс öдьясөн кутис сöвмыны газ перйöм. Зэв дженыйд кадөн стрöйтöма магистральной газопроводьяслыс первой, мöд да коймöд öчередьяс, кодьяс йитисны республикалыс войвылös страналөн шөр районьяскöд. Öнi газовикьяслөн Вуктыл быд лун мöдöдö

потребительская 53,5 миллион кубометр кельидлöz ломтас. Ставсö жö 1976 воын Коми республика страналы сетис 19,6 миллиард кубометр газ.

Технической прогресс вöвлытöма кыпöдис удж производительностьсö народнöй овмöслөн быд юкөннын. Позьö босьтны пример вылö мян республикаын важся традиционнöй юкөн — вөр промышленность. Водзти, революцияöдз, да и Советскöй властьлөн первой воясö, вөр пöрданінын главнöй öрудиенас вöліны чер да пила, а вöрсö кыскалісны вöвьясөн. Талун леспромхозьясын став сьökыд уджьяссö механизируйтöма. Паськалісны удж котыртöмын виль формаяс да технологической процессьяс.

Зэв ыджыд экономической выгöда сетö вөр комплекснöя используйтöм. Öнi вөр колясьясысь да корья пуясысь, кодьясöс вöйдөр некöнi эз используйтлыны, вöчöны технологической чаг. Сійö мунö Сыктывкарса ЛПК-ö — бумага да картон вöчöм вылö.

1913 воын кө Коми крайын лэдзисны 726 тысяча кубометр вөр, öнi та мындасö лэдзöны «Комилеспром» объединениелөн леспромхозьяс öти тöлысьөн. Ставнас жö республика пасьта 1976 воын вöлі пöрдöма да кыскöма 23,2 миллион кубометр.

Сöвмисны вөр промышленностьлөн сэтшöм прогрессивнöй виль юкөньяс, кыдзи целлюлозно-бумажнöй, гидролизнöй да вөр обрабөтайтан промышленностьяс.

Ылöдз нималö продукцияыс Сыктывкарса лесопромышленнöй комплекслөн. Эжва вывса гигант — Европаын медся ыджыдьясысь öти — онас вöчö 319 тысяча тонна целлюлоза, 176,7 тысяча тонна типографскöй бумага, 40,3 тысяча тонна картон, 18,2 тысяча тонна кормöвöй рökс да мукöд продукция.

Локтан воясö ЛПК-лөн вынйöрыс нöшта на ёна содас. Öнi стрöйтсьö сылөн мөд öчередь, а 1985 воын, кор лöö сдайтöма уджö сылысь коймөд öчередьсö, тайö гигантыс кутас вöчны типографскöй бумагасö сы мында, мыйта öнi вöчöны сійöс ставнас мян странаын.

Революцияöдз Коми крайын эз вöv некүтшöм вөр обрабөтайтан производство. Дзик мөд серпасыс талун.

Öнi эмöсь сэтшöм гырысь предприятияс, кыдзи Сыктывкарса вөр пилитан да обрабөтайтан комбинат, Жешартса фанернöй комбинат, Княжпогостса пуысь плитаяс вöчан завод, «Север» мебельнöй объединение да мукöд. 1976 воын найö вöчисны 2,5 миллион кубометр тьöс-плака, пöшти 12 миллион квадратнöй метр пу плитаяс, 75 тысяча кубометр фанера, 14,3 миллион шайт дон мебель да уна пöлöс мукöд продукция. Тайö комбинатьясас öнi стрöйтсьöны виль гырысь заводьяс да цехьяс, кодьяс ёна содтасны тайö продукция вöчöмсö.

Вель ыджыд тöдчанлуныс республикаса производительнöй выньяс сöвмөдöмын электроэнергетикалөн. Öткодявны кө важсö талунья луныскöд, аддзан, күтшöм ыджыд воськов вöчöма Коми республика электрифицируйтöм кузя. 1920 воын Усть-Сысольскын (öнiя Сыктывкарын) вöлі стрöйтöма 40 киловатт вынйöра медводдза электростанция. 1976 воын вöчöма электроэнергиясö 4,5 миллиард киловатт-час. Сійö кык сайö пöv унджык сыысь, мыйта вöлі вöчöма 1913 воын став царскöй Россияын. Öнi мян республикаын не сöмын став олан местаяс электрифицируйтöма, но и токсö сетöны пöшти быдлаын сутки чöж. Öти морт вылö öнi электроэнергияыс мян вöө унджык Европаса уна мукöд странаысын серти.

Коми АССР-ын унатор вöчсьö водзö вылö электроэнергетической вынйöрьяс содтöм кузя. Стрöйтсьö ыджыд вынйöра Печорскöй ГРЭС, кодлөн первой öчередьыс токсö сетас 1978 воын нин. Тавысь кындзи, содтöд гырысь энергоблокьяс стрöйтсьöны Эжваса, Ухтаса да мукöд теплөвöй электростанциясын.

Сувтөдсьö мөгөн — Коми республикаын регыдъя кадён вöчны öтувъя энергетическöй система, а сы бöрын сийöс йитны страналён Европекскöй юкөнса öтувъя энергетическöй системакөд. Сийö кадыс збу нин ылын.

Народнöй овмöс Коми муын водзö кутас сöвмыны ещö на гырысь-джык öдъясөн. КПСС XXV съездлөн Директиваяс да дасөд пятилеткаса план серти индöма лöсьöдны Тимано-Печорскöй промышленнöй комплекс. Та вылö мян республикаын эм став коланторйис — нефтьлөн, газлөн, из шомлөн, титанöвöй да бокситöвöй рудаяслөн, калийнöй, повареннöй совьяслөн да мупытшса мукөд озырлуньяслөн месторождениеяс, а сідз жö уна вөр. Тайö комплекссö лöсьöдөм кузя унатор нин вöчöма да öнi вöчсьö: стрöйтöма да ещö выльöн стрöйтсьöны нефть да газ перьян уна предприятиеяс, из шом перьян шахтаяс, электростанцияяс, газопроводьяс да нефтепроводьяс, көрт туй да шоссейнöй туйяс, аэропортьяс, рабочöй посёлокьяс да карьяс. Нуөдсьö ыджыд геологоразведочнöй удж, дасьтысьсьöны проектьяс выль предприятиеяс стрöйтөм вылө.

Коми республикаын промышленностьлөн медтөдчана юкөнъяскөд тшöтш сöвмисны да сöвмöны и местнöй да пищевöй промышленностьяс. Вит вося план серти 1980 воын паськыда пöльзуйтчан төварьяссö лöө вöчöма 425,5 миллион шайт дон. Индöма стрöитны уна выль предприятиеяс.

Сöветскöй власть воясö вужвöйöныс вежсис серпасыс и видз-му овмöсын. Октябрскöй революцияөдз крестьянинлөн му вөдитан көлуйнас вöли гөр, пу агас, чарла да коса-гөрбуша. Талун совхозьясын да мукөд государственнöй овмөсьясын унджык уджьяссö му вөдитöмын и скöt видзöмын механизируйтöма.

Видз-му овмöсын öнi лöсьöдöма гырысь специализируйтөм совхозьяс да подсобнöй овмөсьяс, кодьяс төдчымөн содтисны видз-му овмөс продукция вöчөм.

Партиялөн Центральнöй Комитет да СССР-са Правительство пуктисны мог — öдийö сöвмөдны РСФСР-са Нечерноземнöй зонаын му вөдитөм да скöt видзөм, медым тырвöйөджык могмөдны уджалысь йöзöс видз-му овмөсса прöдуктаясөн. Мян республикаса видз-му овмөс сöвмөдөм вылө тайö пятилеткаын лэдзöма 360 миллион шайт капиталнöй вложениеяс. Тайö 1,8 пөв унджык öкмысөд пятилетка серти. Лöө стрöйтöма 44,5 тысяча скöt места вылө комплекснöя механизируйтөм фермаяс, уна олан керкаяс да мукөд культурно-бытöвöй стрöйбаяс, мый төдчымөн вежас сиктъяслысь чужөмбансö.

Экономика да культура оз вермы сöвмыны бур туйястөг, а революцияөдз Коми крайын некутшөм транспорт эз вөв, не кө лыддыны озыр купечьяслысь некымын ичөтик пароход. Сöветскöй власть воясö унатор вöчöма транспорт сöвмөдөм кузя. Талун көрт туйлөн кузьтаыс лöө 1,5 тысяча километр, кодi йитö республикаса став промышленнöй районьяс странаса центркөд. Стрöйтöма сідз жö асфальтөн да бетонөн вевттöм 1,4 тысяча километр кузьта автомобильнöй туйяс, 2,7 тысяча километр кузьта стальнöй трубопроводьяс.

Зэв ыджыд төдчанлуныс воздушнöй транспортлөн. Самолөтъяс öнi йитöны Сыктывкарöс не сөмын республикаса став карьяскөд, районьяскөд да гырысь сиктъяскөд, но и странаса уна карьяскөд.

Республикаын промышленность сöвмөмкөд тшöтш кыптисны выль мича карьяс: Воркута, Ухта, Инта, Печора, Сосногорск, Микунь. Стрöйтöма 46 рабочöй посёлок. Öнiя кадся социалистическöй карөн лоис мян республикалөн столица — Сыктывкар.

Воысь-во паськалö олан керкаяс стрöйтөм. Комын во чөжөн та вылө видзöма матö 2 миллиард шайт. Тайö каднас стрöйтöма 13,4 мил-

лион квадратной метр оланін. 1976 воын новоселье пасйисны 11,7 тысяча семья.

Республикалөн торытья да талуныя лун... Кутшом юкөн он босьт, быдлаысь аддзан кыпид вежсьомьяс. Советской власть воясо вөвлытёма совмисны народной образование, здравоохранение, наука да культура.

1920 воын Коми крайын велөдчан арлыда йөзлөн сомын нельөд юкөныс вөлі грамотнойөн. Талун республикаса быд 1000 олысь вылө, кодьяс уджалоны народной овмөсын, воө высшой да средней (полной да неполной) образованиеа 815 морт. Бура пөртсьө олөмө став том йөзлы всеобщой средней образование сетөм. Республикаын уджалө 670 общеобразовательной школа, 11 школа-интернат, көні велөдчөны 203,4 тысяча морт, эм университет, кык институт, заочной да рытья отделениеясса вузьяслөн кык филиал, 17 средней специальной учебной заведение. Высшой учебной заведениеясын дасьтөны 30 пөлөс разной специалистьясөс.

Народной овмөс совмөмкөд йитөдын зэв ыджид төдчанлун сетсьө профессионально-технической образование бурмөдөмлы. 1976 воын ПТУ-ясын дасьтөма 5,9 тысяча, а өкмысөд пятилетка чөжөн 25,3 тысяча квалифицированной том специалистьясөс, кодьяс талун уджалоны республикаса стройкаяс вылын, заводьясын да совхозьясын.

Лои дасьтөма уна лыда национальной кадрьяс, кодьяс талун уджалоны народной овмөслөн быд юкөнын.

Ыджид төждлунөн шымыртөма посни челядьөс. 1061 дошкольной детской учреждениеын воспитывайтсьө талун 92,3 тысяча челядь.

Төдчана вежсьомьяс лоины здравоохранение юкөнын. 1913 воын Коми крайын вөлі 7 больнича да 14 врач. Оні быд 10 тысяча олысь вылө воө 33 врач. 1976 воын санаторийясо да шойччан керкаясо ветліс 50 тысяча морт, 22 миллион шайт видзөма уджалан условиеяс бурмөдөм да производство вылын висьомьяс өлөдөм кузя мероприятиеяс вылө.

Коми АССР-лысь производительной выньяс совмөдөмын уна вөчөны учёнойяс. Научной учреждениеясын да высшой учебной заведениеяслөн кафедраяс вылын талун лыддыссьө 1,5 тысяча сайө научной сотрудник, на лыдын 447 доктор да наукаясса кандидат. Ыджид научной центрөн лоис СССР-са наукаяс Академиялөн Коми филиал. Миян странаын вылө донъявсьө учёнойяслөн уджыс.

Советской власть, социалистической оласног отсалөны гырысь өдьясөн совмыны коми народлөн культуралы. Республикаын уджалөны музыкальной да драматической театрыяс, музыкальной училище, некымын дас детской музыкальной школа, уна сө клуб, культура керка, библиотека, кинотеатр, кодьяс нуөдоны зэв ыджид удж йөзөс коммунистической воспитайтөм кузя.

Коми гижысьяслысь да художникьяслысь уджьяссьө төдоны оз сомын миян республикаын, но и став страна пасьта. Газетьяс, журнальяс, радио, телевидение оні эм пөшти став уджалысь йөзлөн оланіньясын. Коми народлөн пытшкөссияныс социалистической, форма сертиыс национальной культура совмө советской культуракөд өтлаын, содтө да озырмөдө ассыс национальной традицияссьө. Сэк жө сійө босьтө став бурсө, мый эм мукөд народьяслөн духовной олөмын да лоө ставнас интернациональнойөн.

Советской власть воясо ёна бурмис йөзлөн олөмыс. Та йылысь висьталөны көть со татшөм лыдпасьяс. Бөрья пятилеткаын республикаса уджалысь йөзлөн реальной доходьясыс содісны 33,5 процент вылө. 1976 воын шөркодь удждоныс содіс 186 шайтсаянь 233 шайтөдз. Кольөм вит во чөжөн вузалөма төварьяссьө 5,3 миллиард шайт дон, ёна унджык көкьямысөд пятилеткаын серти.

Ленинскöй национальнöй политика, великöй роч да мукöд народъ-яслөн зев ыджыд отсöг, партиалөн да государстволөн дугдывтöг тöждысьöм — со кутшöм подувъяс вылын сöвмис да дзоридзавны кутис миян Коми республика. Сылөн экономикаыс да культураыс талун — странаса öтувъяс народнöй овмöслөн торйöдны позьтöм юкөн.

Ленинскöй национальнöй политикаыс зев бура петкöдчö и сыын, мый öнi миян республикалысь озырлунъяссö перйöм вылын орччөн уджалöны 70 национальностылөн да народностылөн представителыяс.

Сöветскöй властылөн квайтымын воыс Коми республикалы тöдчана и сийөн, мый промышленность гырысь öдъясөн сöвмöмкöд тшöтш быдмис öнiа кадся рабочöйяслөн ыджыд отряд, кодi öнi вермö пöртны олöмö гырысь могъяс. Налысь бур уджсö пасйöма уна правительственнöй наградаясөн. Ставсö миян республика пасьта кольöм 35 воён наградитöма Сöветскöй Союза орденьясөн да медальясөн 88 тысяча сайö мортöс, ветымынлы сетöма Социалистическöй Уджывывса Геройлысь ним. Унаöс на пысь народ бöрийс властылөн Верховнöй органьясö: СССР Верховнöй Сöветса, РСФСР Верховнöй Сöветса да Коми АССР Верховнöй Сöветса депутатьясөн.

Талунья рабочöй — ыджыд грамотаа морт, сийö бура тöдö техника, сылөн эм ыджыд политическöй, социалистическöй видзöдлас. Сийö активнöя участвуйтö государствоөн веськöдлöмын, коммунизм стрöйтöмын. Сылөн уджыс пыр ёнджыка матысмö инженерно-технической работникьяслөн удж дiнö. Рабочöйяс петкöдлöны ыджыд водзмöстчöм уджын да общественнöй олöмын.

Миян страналөн выль Конституция сувтöдö сöветскöй да общественнöй организацияяс водзö кыв кутана да гырысь могъяс.

«Сёрниыс медводз мунö,— тöдчöдис ЦК-лөн майскöй Пленум вылын Л. И. Брежнев ёрт,— бöрийöм органьяслысь — Сöветьяслысь паськыд полномочиеяс ёна бурджыка олöмö пöртöм йылысь. Тырвийö колö используйтны сийö зев гырысь позянлунъяссö, кодьяс эмöсь кык миллион депутатлөн — став сикас йöзлөн, став профессияяса, став национальностыясса представителыаслөн.

Сöветскöй властылөн тайö вынийöра коллективнöй вежöрыс пöртö олöмö да кутас пöртны олöмö пыр кыв кутанаджык да уна сикасаджык могъяс. Сийö вермас да сылы колö бура контролируйтны став пöлöс исполнительнöй органьяслысь уджсö».

Миян республикаын талун эм 240 местнöй Сöвет, сы лыдын 170 сельскöй да 46 поселкөвöй Сöветьяс, кытчö бöрийöма 9530 депутатöс. Тайö зев ыджыд вын. Сöветьяс да налөн депутатьяслөн могыс — петкöдлыны водзмöстчöм, зильöм, медым быд лун да быдлаын уджыс мунис бура, ударнöя, медым став предприятиеясын да организацияясын ёнджыка паськалис социалистическöй ордйысьöм дасöд пятилеткалысь планьяс да заданиеяс бура да ас кадö тыртöм вöсна, уджлысь эффективность да качество кыпöдöм вöсна, удж производительность кыпöдöм вöсна.

Юбилейнöй волөн дас тöлысья итогыяс петкöдлöны, мый планöвöй заданиеяс да Великöй Октябрлөн квайтымын во тырöм честь кузя босьтöм обязательствояс бура пöртсьöны олöмö.

Выль Конституция примитöм отсалас Сöветьяслы да став йöзлы чужтыны выль творческой выньяс, водзö паськöдны социалистическöй ордйысьöм, кыпöдны индöм делö вöсна быд мортлысь кыв кутöм, быд лунья уджөн пöртны олöмö Сöветскöй государстволөн Основнöй Законлысь индöдьяссö.

«ЛЕНИН МИЯНКӨД» КЫВБУР ЧУКӨРЫСЬ

Медводдза сөветскöй эзысь шайт йылысь баллада

Владимир Ильич оліс медбөрря луньяс,
эз бура нин кыв, гашкө, висьомлысь дой,
то дыр кежлө вошлывліс дженьыдик унмыс,
то нинөм, мый вайлісны, сійө эз сөй.

Став му шарса мырсьысьяс кывзісны чөла,
кызд тіпиктіс Ленинлөн сьөлөмас вир,
өд зэв вылөдз кыпөдөм чарла да мөлөт
важ олөмлысь кырисны сьөд-гудыр йир.

А сьлөн эз тырмы нин чечывны выныс
да шуны на ёртъяслы кымынкө кыв,
мед выль государствоысь тшыналысь-тшынөн
и грөш мында озырлун некор эз кывт.

Лөк вөрөг моз тшыглун кө вочасөн чездіс,
и гөльлунлы сэтшөм жө веськалас пай...
Ой, кызд эськө сыысьсө медөдйө мездас,
оз кодкө, а эзысьөн дзирдалысь шайт!

Чеканитны босьтчисны сійөс да өдйө,
мед аддзылас ачыс Владимир Ильич,
кызд медводдза шайт вылас выль шонді өзьяс
да быдөнлы петкөдлас олөмлысь мич.

...Ме зэв бура помнита шогалан лунсө,
пось синва эз йизьөдлы көдзыдыс кор,
а медмуса мортыслысь палявтөм унсө
эз пальөд став мырсьысьяс бөрдөмлөн гор.

И медводдза эзысь шайт кута со кыин
да сывъяла му, коді некор оз берд,
а кувлытөм Ленинлөн нем повтөм пиян
и космоө лэптисны миянлысь Герб.

Ленин лыддьө «Гөрд Печора» газет

Войвылын омлялө төвпомса турөб,
пармаө пырас и сэні оз пөд.
Зэв ылыс войтырлысь олөмсө бура
некод оз аддзы да некод оз төд.

Тышыс гражданскöйлөн сöмын на кусі,
белобандитъясöс чергöдіс пом.
Войвывса пияныс этша мöй уси,
кодъяслөн сьöлөмныс вöлі зэв том!

Кыаыс садъмис да öтарö ойдіс:
шонділы туй сэсся коді оз сет?
Ленинлы киясö, збыль кыдзи мойдын,
вайисны сэк «Гöрд Печора» газет.

Войвылын, сідзкö, выль кодзулыс чужис!
Мед сійö ичöt, кыз гöрддзасьöм кор,
олөмсö Комились югдöдны кужас,
тöдмалас шуд сэтчöс уджалысь морт.

Ленинлөн тöждлуныс тырмымөн вöлі:
ыджыд му гöль, ёна киссьöма, тшыг...
Сійö эз аддзыв Печора ю пöлөн
йи пленысь мездмö кыз тулысся гы.

Нюмъевтіс кыпыда...
— Аттьö, бур ёртъяс!..
Сьöлөмыс зэв ыджыд радлунөн тыр.
Комиысь козинсö дыр видзис ордас,
кутлөны кыз медся донатор пыр.

Рöдина карта дінын

Вөрөгъяс кытшын Москва. Налөн биа пöсь ньöвъяс
чужан му сьöлөмö сатшкысьны дасьöсь быд здук.
Медсьöкыз төв сійö тышкасис, кынмаліс-төвйис,
тшыглунсö Ленин эз öтмоз мöй быдөнкөд юк?

Тшыглун да кöдзыдлун вөрөгысь абу жö бурöсь...
Стенас со карта... Эз öтчыз, а тысяча пöв
чужліс да бордъясьліс Ленинлөн вежöра юрын:
ломтас кысь аддзыны?—

со кутшöм медводдза мөвп.

Пес кутіс бырны, а из шомыс лөк вөрөг кыин,
кыз сійöс судзöдны? Карталань видзöдö Вождь.
Эм көнкö зэв ылын, унаысь лыддьыліс сійö...
Со кöні... Ылыс Ухта, Изьва юлөн сөдз вож...

Ставсö, мый кывсьö Ухта йылысь, тöдмавын корис,
шоныдлун козыналас йöзлы мед эндылөм му...
Миянлысь синнымöс жалиттөг мед öні ёрö
тысяча кодзулөн дзирдалысь енэж да ю!

БОРИС ШАХОВ ВИЗУВ ПАНЫД



ПОВЕСТЬ

ПЕРВОЙ ГЛАВА

1

Медбөрҗя туяс Шомысовос кол-льодис уна йоз. Чисталев петышт-лис ортсыо йоз радсыс да видзод-лис отар и модар: гөрд бархатыс вурөм дзоляник юрлөсыяс вылын орденъяссө нуысыяс кежисны нин Загородной улича вылө, а горт кол-льодысыясылон помыс — дас кымын легковой машина да кык ыджыд автобус — өдва-өдва вөрзис улича модар помас на. «Со өд мыйтаөнөс чукөртис медбөрҗяыс Порфирий Иннокентьевич», — шога мөвпыштитис Чисталев.

Кулөм бөрад пө, шуласны, быд морт шань. Но оз сы понда Чисталев пыдисянь шогсыс да жалит Порфирий Иннокентьевичөс. Институт помалөм бөрын Чисталев дас өтиөд во уджалө комбинатас, и начальникалис пыр нин Шомысов. И век вөлі мелі ськөд. Первой вояссө паныдасылігөн бать моз төждысьмөн быдтор йывсыс юасылас: кыдзи олан да кыдзи велалан выль уджад. И эз сидз прөстө, ылөсас, юась, а збыльыс көсийис отсавны...

Шомысовос бөрҗя туйө колльодысыяс мыйкө джын гөлөсөн сөрни-

тисны туй чөжныс, а Вадимлыс юрсө личкисны-копыртисны сьөкыд думьяс, сьөлөмсө йирис шог. «Со өд кутшөм мортыдлөн олөмыд артмө, збыль майөг йылө катшалөн пуксыылөм дыра. И частө кувтөдзыс мортыслыс збыль донсө ог вермөй гөгөрвоны, ог казялөй. Кытчөдз дзоньвидзаөн олө-вылө да мырсьөуджалө, мыйта огө дөзмөдлөй сийөс, ота-мөднымлыс вирнымөс мыйта огө пузьөдлөй-тшыкөдлөй!..» И ачыс сийө, Вадим Чисталев, бөрҗя вылас, торҗя нин, кор пуктисны главной технологөн, частөджык жө вензылис Шомысовкөд да скөравлис сы вылө. Сылы кажитчис, мый Порфирий Иннокентьевич и сьөлөмнас пөрысьмөма, консерваторөн лөөма, полө выльыс, да падмөдө уджас сийөс пыртөмысь. Чисталев ногөн, ки помысь вөчан уна удж, торҗя нин кирпич вөчан заводьясын, колө вежны, вуджөдны механизмьясөн да автоматьясөн вөчөм вылө. Та кузя найө частө вензылысны. «Тэ, Вадим, том на и зэв тэрыб мукөдөс мыждөм кузя. А ми кызь во чөжнас оборудованиесө кирпичной заводьясыслыс пөшти ставнас выльмөдим. Эжадор завод вөлі арталөма 15 миллион кир-

пич вöчöм вылö, а öнi ми сэнi 29 миллион вöчам. И Ягдiн, и Четлым заводъяс пöшти кык пöв жö содтöдчисны. Тайö нö öти местаын сулалöм? Кöсьян кö тöдны, миян заводъяс Союз пасьталасьыс зэв унаöнöс ордйöдисны удж петкöдлан лыдпасъяс сертиыс. А мый ки помысь вöчан уджъяс миян эмöсь на — абу ми мыжаясыс: промышленностьыс надёжнöй автоматъяс-сö оз на сет. Тэ инженер, сюсьджыка лыддысь. Косьтысян рама-яс вылö кымын кирпич сöвтан автомат эз вöчлыны, ставныслөн производительностьыс ичöt, и помся жугласьöны. Сэтшöм автоматъястö кö ми öнi сувтöдам — кирпичесö этшаджык кутам вöчны и стрöитысьясöс республика пасьта кирпичтöг колям. А найö и öнi кирпичьыс тшыгыялöны, а тэ аслад наполеон-овскöй планъясөн заводъяс реконструирутöм кузя нокеян. Шöр могыс миян — государственнöй план тыртны».

«И ме сы йылысь жö:— вензывлiс Вадим,— мöд во нин кирпич вöчан планъястö ордйöдлам, и водзö вылö некутшöм надея абу. Талунъя подулын миян производствоыд оз сэсся вермы водзö содны».

«Резина кö кутан помтöг нюжöдны, и сийö орас. Сидзи и миян кирпичнöй заводъясын содöмлөн пом воис. Öнi колö уджесö бура котыртöмөн кутны шедöдöм уровеньсö и öттшöтш заводитны выль завод стрöитны. И колö стрöитны не прöстö завод, а завод-автомат».

Кымынысь эз пансьывлы татшöм сёрниыс, Шомысов пыр быттö кöдзöдлiс Вадимлысь пöсь кöсийöмсö, грека мусьыс ордчöмысь, буракö, видзис.

Но таво Вадим венiс жö медбöр-ын Шомысовöс: тулыснас котыртiсны командировка мукöд кирпичнöй заводъясö. Нельöн: Чисталев, ачыс Шомысов, комбинатса главнöй конструктор Долгушин и Эжадор заводса директор Малеев ветлöдлiсны Украинаса, Белоруссияса да Эстонияса заводъясöд дас лун. Вит заводён удитiсны тöдмасыны и быдлаысь мыйкö да мыйкö аддзисны выльöс аслыныс вылö. Бөръя по-

мыс налөн вель уна документ чукöрмис: технической паспортъяс кутшöмсюрö механизмъяс да автоматической установкаяс вылö, кирпич косьтан да öжигайтан выль режим кузя арталöмъяс да индöдъяс. Но мөрчис ли мыйкö сьöлöмас Шомысовлы — сьöкыд вöли гөгөр-воны. Сийö дас лун чöжөн та йылысь ньöтчид эз гарыштлы. Сöмын гортас матыстчитөн нин ачыс панiс сёрнисö, кыпыда да гажая:

— Но, Вадимушко,— кутшöм нин эськö сийö «Вадимушко» комын кумим арöснад да, но татшöм небыдасысьöмыс Порфирий Иннокентьевичлөн кызкö зэв сьöлöмсянныс артмö да ньöти оз дойд,— беспокойнöй тэ головушка, улöмал-таки старика,— рочыштiс нюмъялöмсорөн. Сэсся нюмъявтöг содтiс:— И збыль, вöлöм, миян бөрö кольччывсьöма бур йöзсьыс, во вит-ö-квайт мында. Вот тiянлы, том войтыр, и мог: дасьтöй доклад миян ветлöм да видзöдлöм-аддзылöм йылысь, и мед сэн вöлины асланыд вöзйöмъяс, кызди аддзылöмторьясö олöмö пöртны гортын. Кутам видлавны техсöвет вылын. Думыштлöй и арталöй, мый миянлы аслыным позьö вöчны. Мед сийö, шуам, программа-минимум пыдди лö. А сэсся позяс и думайтны аддзылöм заводъяс письыс медся водзын мунысьсö ордйöдöм йылысь. Бара жö артыштлöй, мый да уна-ö кад ковмас миянлы сы вылö. Мед сийö лö, шуам, программа-максимумөн. Сета тiянлы срок тöлысь. Тырмас?

— Тöлысь?!— чуймис Долгушин,— да ми öти вежонён дасьтам.

— Эн тэрмасьöй, могыс абу сэтшöм прöстöй, кызд тiянлы чайтсьö. Техсöвет вылö миянлы колö петны дась предложениесөн да эскöдан экономическöй арталöмъясөн. Аскисянь жö и босьтчöй. Ковмас кö — содтöд йöзöс пуксьöдам артавлыны да чертитны. И меным петкöдлöй, мый кутас тiян артмыны.

Видзöд со, ёна жö öзйылöма Шомысовлөн сьöлöмыс! Быд паныдасылiгөн сийö ачыс индалiс, кутшöм уджъяс кокньöдöм йылысь колö нöшта думыштлыны, кутшöм жур-

налясысь корсны материалъяссё сы кузя.

Мероприятиеяссё видлавны чукортчылігъясас Шомысов дзик мёд мортон лоліс, быттьо, этша вылө, кызь во ас вывсьыс шыбитліс. Кытчө и вошлісны сылөн вежджыкся ньөжмыд сёрниыс да вöрасьясыс! Весиг синьясыс тома да вильыша öйисны-югьялісны да ещö на ёнджыка ышмөдісны, ызейөдісны томджык инженерьясöс.

Колөкө чайтіс на, мый öні сійö олөмын заводитчө выль, төждысянджык, но и интереснойджык кадкочласт. А олөмыс босьтіс да друг кадтөг орис. Вөйдөрлун асывнас Порфирий Иннокентьевич долыд чужöма сёрнитіс аслас отсасысьяскөд, а пажын кежлас портөдыс абу вöма: керка дорас топөдöма сёлөмсö да моски вылас и усьöма. Суседьясыс уськөдчасны отсавны, а сылөн чужöмыс нин лөзөдны кутöма. Скорöйыслы кулөм йывсьыс акт пажны сөмын и кольöма.

Кутшöма эз көсйи, а эз удит Порфирий Иннокентьевич асьыс бөръя көсйөмсö олөмө пөртны. Кирпич вöчан производство выльö петкөдан программасö — ни минимумсö, ни максимумсö, сідз Шомысов ловъя дырйи эз и удитны видлавны техсөвет вылын, көть и дась нин пöшти вөлі.

Кулөм. Мый сійö сэтшөмыс? Йөзлысь олөм орөдысьыс? Природадон закон, олөм выльмөдысь? Тадз тай шулөны мукөд дырйиыс-а. Гашкө, сідзи и эм... Сөмын тай смертыд гежөда овлө коланаөн, дона гөстьөн. Крукыштас кодөскө и оз сөмын рөднөй мам-батылы да ныв-пиянлы, матіса рөдвужлы ыджыд шог вай, а уна йөзөс весьөпөртлас. Жаль мортыс. Вермис на эськө уна бурсö йөзлы вöчны, уна на и көсйис. Но — хлоп! — и сылысь инасьтөм думьяссö-мечтаяссö тыртісны муөн...

Шойна ягын прöщайтчан кывйөн шыөдчис парткомса секретарь Майбыров:

— Дона ёртьяс, — öдва кылана гөлөсөн шыөдчис сійö, гөгөртіс синьяснас колльөдысьяссö, сувтыштліс видзөдласнас сьöкыда

сыркьялысь Шомысов гөтыр да улө копыртөм юра пи вылас. — Сьöкыд, вывті сьöкыд... Ни сьөлөм, ни вежөр — нинөм оз көсйи миритчыны, мый миян радысь кусі бура удж төдысь да сійöс котыртны кужысь морт, йөзөс радейтысь бур сьөлөма велөдысь.

Сэсся збодермөдчыштіс да вынаджык, чорыдджык гөлөсөн помаліс:

— И мед көть мый, а смертыд абу жö на ставсьыс вына. Паметь, миян паметьным сійöс вермө. И морт сэтчөдз олө, быттьо и водзö миян пөвстын ловъя кольö, кытчөдз му вылын кольöны сійöс казтылысьяс. Бур да югыд паметь Порфирей Иннокентьевич йылысь миян сьөлөмьясын кольö век кежлө. Мед рөднөй войвыв муным лоö сылы гөнысь небыдджыкөн. Прöщай, Порфирей Иннокентьевич...

«Да, мөвпаліс Чисталев, кулөм бөрад пө көрлөн кольö сюрис, а мортлөн нимыс». Сійö писькөдчис йөз пөвсттыс гу дорас, ыджыд китыр босьтіс уль лыасö да койыштіс тшөтш. Горт вевт вылас лыа шаркнитөм шыыс кырыштіс морөссө, гөрддзасис горшыс. «Прөстит менö, Порфирий Иннокентьевич, ёнджыка кө дөсадитчөма лөи. Бур вылө ме көсйи. А тэнсьыд бөръя көсйөмьяс-тө ми быть пөртам олөмө. Быть!»

Чисталев босьтіс кодкө кнысь көрт зыр да мукөдкөд тшөтш зіля кутіс тыртны гусö.

2

А олөмас ставыс коли важинас. Комбинатлөн заводьяс вөчалісны да мөдөдалісны стрөитысьяслы железобетон, кирпич, керамзит, щебень. Сөмын комбинатын төлысьысь дырджык нин веськөдлө главнөй инженерыс, Павел Иванович Сажин, а дженьыдджыка кө — Палваныч. Сійö öні ИО, начальник мыйкө дыра кежлө.

Нинөм эз вежсы и Чисталев олөмын. Сідз жö, кызди и төлысь, кык төлысь сайын сійö быд выль уджалан лун заводитліс водз асывсьянь гимнастикаөн. Кыдзсюрö завтракайтштөм бөрын пыравлас челядь узылан жырьяс, медым

шылыкнытыштны сѳдз шабді кудель кодъ юрсиа Юленькасѳ, либѳ кыпѳдлас сійѳс йиркѳдзъс, топѳдлас морѳс бердас да инмѳдчылас аслас бритѳм щѳканас небыд-небыд банбокас — кор Юленька ачыс удитлѳ чеччыны да кузь дѳрѳм бѳжас дзугласьѳмѳн-крукасьлѳмѳн котѳртны папыслы воча; чупнитас гѳтырсѳ бан бокас да тѳрыба мунѳ удж вылѳ.

Шомысовѳс дзѳбѳм бѳрын планмероприятиѳс йѳвсьыс сѳрнисѳ Чисталев кыпѳдѳс вежон мысти главнѳй инженер кабинетын.

— Павел Иванович, кирпич вѳчан уджъяс бурмѳдѳм кузя кѳсйѳмъяс-ыд миян дасьѳс. Программа-минимум вылѳ Долгушинлѳн колана чертѳжъяс вѳчалѳма и. Позьѳ техсовет чукѳртны.

— Ладнѳ, Вадим Леонидович. Вайѳй меным бурджыка тѳдмасьны.

— Павел Иванович, ставсѳ миян вѳчѳма Порфирий Иннокентьевич индѳдъяс серти на. Сійѳ ачыс ставсѳ видлалѳс и вынсьѳдавліс... кѳтъ кырымпассѳ пуктыны эз удит...

— Но и мый? Онѳ сѳсся кыв кутныс меным... миянлы ковмас. Ачыл гѳгѳрвоан.

Бара вежон колѳс, а Пал-Ваныч ѳти кывйѳн некѳн эз казьтыштлы мероприятиѳс йылысь. Вадимлы лѳи выльысь шыѳдчывлыны, Пал-Ванычлы тѳд вылас уськѳдны.

— Да, да, тѳдмаси. Зѳв колана мероприятиѳс, сьѳлѳм бѳсьтчѳдан перспектива.— Сажин лѳдзчысис улѳс мыш вылас, дышпырысь мездѳс ныр тшупсѳ ѳчкисьыс да нѳжйѳникѳн кутѳс чышкавны стеклѳяссѳ носѳвикѳн, тамыш синъясѳн видзѳдѳс Вадим вылѳ.— Но... колѳ виччысьлыны, кодѳс ыстасны...

— Мый виччысьныс?.. Кодѳскѳ кор на ыстасны... Выхь морт, сылы бара кад колѳ миян уджъясѳн тѳдмасьны... А ѳнѳ тѳ начальник, тѳданныд выльсѳ олѳмѳ пѳртѳмыслысь коланлунсѳ... И тѳянѳс на, Павел Иванович, колѳкѳ, и колясны начальникнад...— мед синны Пал-Ванычѳс асланьыс, леститчыштѳс Вадим.— Уджаланнѳд важѳн нин, бура тѳданныд уджсѳ, йѳзсѳ комби-

натъс. Нинѳмла бѳкѳвѳйѳс кыскѳ корсьны.

— Сѳдз кѳ — выль главнѳйѳс пуктасны, буретш и лѳѳ сылы планмероприятиѳснас тѳдмасьѳмыс выль уджас ѳдйѳджык пырѳм ради...

Чисталев сѳмын синъяссѳ паськѳдѳс... Со тай! Начальникавны, буракѳ, Пал-Ваныч дась, но решайтны оз кѳсйы ни кылз главнѳй, ни кылз начальник! Гѳгѳрво пѳ сѳсся сійѳс!

А колѳ шуны, Сажинѳс гѳгѳрвоныс эз вѳв и сьѳкыл, бурджыка кѳ видзѳдлыны сылѳн удж вылѳ. Сійѳ полѳс йѳз индавтѳг воськов вѳчны, полѳс кыв кутѳмысь. Со сылѳн висьѳмыс! Да, сійѳ уна тѳдысь инженер. Сійѳн со и дзонь комбинатса главнѳйѳдз быдмис. И Шомысовкѳд уджавны сылы вѳлѳ кокни начальник паськыл мыш сайѳ дзѳбсьѳмѳн. Дѳвѳлен вѳлѳ и сійѳн, мыйѳдз воис. ѳнѳдз сылы и юрас эз воны мѳвл водзѳ кыпѳдчѳм йылысь. Но Шомысовлѳн друг кувсьѳм бѳрын Сажинлѳн виччысьтѳг чужис гуся дум, надея: а мыйла эськѳ ачыс сійѳ оз вермы лѳны начальникѳн? Сысы бурджыка тѳдысь инженерыс, веськыда кѳ шуны, комбинатас некод абу. Абу дыш, оз ю, йѳзкѳд оз лѳкав. Мыйѳн абу начальник? Но кор Чисталев вайис сылы кирпичнѳй производство выльмѳдѳм кузя мероприятиѳссѳ да бура тѳдмасис наѳн, повзис. Кирпич вѳчан планъясыс и ѳнѳ нин во-мѳд оръясѳѳны, а мый лѳѳ, бѳсьтчас кѳ сійѳ тайѳ мероприятиѳссѳ олѳмѳ пѳртны? Выхь оборудование пыртѳгѳн заводтѳ быть ковмас сувтѳдлыны... Сѳдзкѳ, нѳшта на ѳнджыка кирпич вѳчѳмыд чинас. Вот, шуасны — Сажинѳд оз вермы. Колѳ, думайтѳс Сажин ас кежсьыс, первой восѳ, но мед во джынсѳ кѳтъ, петкѳдлыны, мый меверма и кужа уджавны, и мукѳд дорысь ѳг ѳмѳльджыка. Сѳки сѳсся позьѳ и экспериментируйтны...

Чисталев висьталѳс ѳртъясмыслы Сажинкѳд сѳрнѳ йылысь. Долгушин пыр жѳ кинас и шеныштѳс:

— Э-э, аддзѳма, кодкѳд сѳрнитны. Шондѳс мѳдарсянь петас, Пал-Ваныч кѳ мыйкѳ ачыс решитас.

Пал-Ванычос начальникон эз пуктыны, а Главкса начальник Пётр Иванович Дрюмов ачыс вайодис выль веськөдлысьос мөд карысь. Кык лун Сажинкөд тшөтш найо кытшлалисны комбинатса заводьясөд да карьерьясөд. Сөмын коймөд лунас өбед бөрын Дрюмов чукөртис став заводсыс веськөдлысьяссө: директорьясөс, партийной да профсоюзной организациясса веськөдлысьясөс, цехса да карьера начальникьясөс. Комбинатсыс вөліны главной специалистьяс да отделса начальникьяс. Культура дворецса залын чукөрмисны морт квайтымын кымын.

Ляпкыдиник эстрада вылө сувтөдөм кузь пызан сайо пуксисны Дрюмов, Майбыров, Сажин и аркомын вита смоль сьод юрсиа, лөсьыд статя мужичөй. Сийо пуксис Дрюмовкөд орччөн, сюсь видзөдласөн гөгөртис залас пукалысьясөс.

Дрюмов кокныда кылөдчис да тыртөм стөканөн инмөдчыліс сы водзын сулалысь графинө. Звөныс көть артмис эз гора, но чушканзияслөн моз жувгөмыс пыр жө кусі, и залас лон чөв-лөнъ.

— Ёртьяс! Ті дерт, көнкө, төдан-ныд нин, кутшөм мөгөн ме вои. Ми кык лун чөж төдмасим, төдмасим эг куш удж петкөдлан лыдпасьяс серти, а веськыда уджалан местаяс выланыд. И ме чукөрти тиянөс сөрнитыштны, көсья тиянкөд юксьыштны менам вежөрө мөрччөмторьясөн. Но первой некымын кыв миян паськыдджык өтувья мөгьяс йылысь, кодьясөс талун решайтө главк. Думайта, тиянлы сийо интереснө жө лөө.

Дрюмов гөрд папкаысь босьтис гоз-мөд бумага лист да петис трибуна вылө.

Сийо сөрнитис лөня, эскөдана, и став пукалысьяссө шымыртис личлэдзлытөм интерес. Висьталіс, кутшөм ыджыд мөгьяс партия да правительство пуктисны министерство водзын муыввса и муувса озырлуньяс босьтөм да сийос йөз олөм бурмөдөм вылө бергөдөм кузя.

— Тиян Коми муын воысь воө восьталөны нефть да газ выль перьяннньяс, и сәні стрөйтчысьяс миянлысь корөны пыр унджык и унджык стрөйтчан материальяс. Ме сөрнитлі обкомса, тиян горкомса секретарьяскөд и найо, кызди и Главк, лыддьөны, мый комбинатлы колө өддзөдны удж содтан өдьяссө. Некытчө оз шогмы, мый комбинат мөд во орөдалө кирпич вөчан план, кирпичной заводьясныд кыскөны бөрө комбинатнытө дзоньнас. А обкомын меным төдчөдисны, мый республиканыд өна на нуждайтчө кирпичысь. Вот сы вылө и веськөдөй унджык внимание. Комбинатө начальникон Главк пуктис Кичигин Виктор Алексеевичос.— Дрюмов нюмъялөмөн видзөдліс пызан сайын пукалысь выль морт вылө, коді копиртыштіс юрсө.— Виктор Алексеевич уджалө миян системаын важөн нин, петкөдліс асьсө йөз кытыртны кужысьөн да зумыд веськөдлысьөн. Ми надейтчам, мый тиян өтсөгөн Виктор Алексеевич вермас и кыпөдас коллективнытө ыджыд вермөмьясөдз.

Комбинатөн выль веськөдлысьлөн чужкөм вылас ньоти визь эз вөрзыыв главкса начальниклысь висьталөмсө кывзигөн. Быттө эз и сы йылысь сөрнитны. Сөмын Дрюмов юалөм бөрын, көсийо оз Виктор Алексеевич мыйкө шуны, сийо сюся видзөдліс Дрюмов вылө, тэрыба чеччис да зумыда, весиг тушаыс быттө зөркьялыштіс, матыстчис трибуна дорас.

— Мый меным шуны первойысьтө? Ну-у, татшөм ыджыд комбинатөн веськөдлыны ме лыддя ыджыд чөстьөн. Кык лунся төдмасьөмыд этшаджык на да ме ог кут некутшөм анализ вөчны, но надейтча аддзыны тиянсянь менө гөгөрвоөм. Мөд ногөн сьөкыд лөө бырөдны тырмытөмторьяссө, кодьяс эмось комбинатын.

Выль начальник бара эз весиг нюмдыв. Кывьяссө быттө пинь пырыс, вөсни парьяс косттыс сөдзөдіс.

Тайөн и помасис совещание. Чукөртчылөм йөз нөжйөнникөн, ас костаныс варовитгөмоз, пуклөсьяс

косттыс вөрзисны петанінлань. Чисталев инмөдчыліс кинас аслас ёртыс дінө, лабораторияса начальник Николай Петрович Громов дінө:

— Серьёзной мортос, тыдалө, мянлы вайисны. Аддзылін, эз весиг нюмдывлы ньотчид. Ошкөмыс, буракө, сылы абу выльтор ни. И донсө ассыс төдө.

— Энлы, Вадим, цыплят по оее ни считают. Кывлін?— муртса шпыннялөмөн Громов көдзөдіс Вадимос.

— Э-э, сэтшөм-татшөмтө Москва-сяньыд оз на вайны,— эз сетчы Чисталев. Но водзөсө вензыны эз жө кут: збылысь, кадыс ачыс петкөдлас.

4

Дрюмовос Кичипин колльөдіс аэропортөдз. Колльөдчөмыс налөн сьөлөмяныыс лои, эз, буракө, прөста вош бөръя рытсө коньяк доз дорын пукалөмыс. Ена лои быдтор йывесье сёрнитөма. Главкса начальник, а ньөти эз вылө пуксыы. Шань морт вөлөма. Весиг кирпич вөчан плансө көсийс видзөдлыны да чинтыштны. Бур отсөг эськө вөлі первой кад кежлад. А өд сійө, Кичипин, падъялыштіс на — пыравлыны али не! Думайтис: гашкө, абу лөсьыд удж бөрад аслад начальстволы синмас сүйсыны, мед көть и гостиница нумерын. Со өд кызди вермис өшыбитчыны, эз кө эськө пыравлы. Оз позы, удж кыпөдөм ради некутшөм позянлунъяс оз позы лэдзны ас кисьыд. Торъя нин өні, кор сылы, коллективас выль мортлы, комбинатсө колө петкөдны водзын мунысь предприятиеас лыдө. Петр Иванович сідз веськыда и шуис: надейтчам и виччысям пө тэсянь тайө коллективсө передөвөйө петкөдөм.

Выль места. Выль удж. И чужтоны найө уна выль думъяс: ыджыд көсийөмяс, надеяяс и... воддза өшыбкаясысь быть мынтөдчөм.

Кичипин матыстчис ыджыд полируйтөм пызан дорө да чунь помьяс-нас инмөдчыштіс дорышас, көть эськө и окота вөлі сылы сьөлөмяныыс шылькнитны пызан пөвийс-

лись видзөдчан кодь югъялысь веркөссө, ассыс выль уджалан места-сө.

Талунсянь сійө ыджыд көзяин, ыджыд морт. Тасянь кутас командуйтны матө вит сюрс уджалысьөн. Ставныс кутасны олөмө пөртны сылысь көсийөмяссьө, тшөктөмяссьө. Да-а, вит сюрсыд абу витсө морт, кызди неважөн на вөлі сы веськөдлөм улын. Квайт завод, автохозяйство, мастерскойяс... Вот тані позяс асьтө петкөдлыны! Мед видзөдласны, кутшөмөсь овлөны прамөй веськөдлысьясыд. Первой лунсяныыс жө лөсьода железной дисциплина: менам кө шуөма — мед вөлі вөчөма! Көть сэсса места вылад кувсыы.

Эськө пыр жө кутшөмкө төдчана, синмө шыбитчан удж вөчны! Мед регыдджык вермисны казавны сылысь кужанлунсө и сюсылунсө. Сэки пырысь-пыр эськө и авторитет-ыд кыштіс.

Виктор Алексеевич, кыпыд да удал думъясөн тыр, матыстчис неыджыд өшинь дорө, и сылөн вирдыштіс мөвп: «Пыр жө заводита стрөитны выль здание, ёнөс, мичаөс. Мед сы дорө матыстчигас на йөзлөн уважение комбинат дорө чужис. Со мый колө мен медвойдөр вөчны!»

Сійө пуксис пызан саяс, сэсса бөр кыпөдчыштіс креслө лэдчысян тасьясас мыджсьөмөн да выльысь пуксис, быттө көсийс бурджыка төдмавны, крепыд-ө сы улын пуклөсыс.

Водзө вылө планъяс йымысь мөвпясыс шымыртисны сійөс пыр ёнджыка и ёнджыка. «Медпервой ас дор колө сувтөдны парткомса секретарөс. Сэки сэсса партком быдторйын отсасысьөн лоө».

Виктор Алексеевич чеччис лөсьыд, зумыд пуклөс вывесье да өдзөс дорөдзыс нин воис, но думьштіс да бөр бергөдчис. «Оз шогмы комбинатса начальниклы дзоля детинка моз первой лунсяныыс жө котравны өтарө-мөдарө. Сразу колө велөдны, мый талунсянь котравныс колө ме дорө. И менсьым кывзысьны».

Выльысь лөсьыдджыка пуксис пызан саяс да здук-мөд видзөдіс

пызанбокса тумбочка вылын сулалысь неыджыд селекторной аппарат вылө, корсис, кутшөм кнопка йитө парткомса секретаркөд.

— Ме кывза, Виктор Алексеевич,— вочавидзис кнопкасö личкыштөм вылө нывбабалөн кодь вöс-нидник да небыд гөлөс. Кичигин эз на удит велапны парткомса секретарлөн гөлөс дорö да быд пöр-йö, кор шыгасьлис Майбыров, öдвa-öдвa вермис дзeбны мырдөн петысь нюмсö, мед не öбидитны татшөм небыда сёрнитысьсö.

— Дмитрий Иванович,— нюмсö куттөг сибыд гөлөсөн шыöдчис Кичигин.— Менам эм сёрни тэкöд. Прöст кад кө лоас — пыравлы. Либö звöнитлы да ме вола.

— Минут вит-ö-квaйт мысти ме прöстма да пыравла.

— Бур, сiдзкö виччыся.

Кичигин гырысь воськолөн, быдсөн лайкнитчавлис восьлалигас, тшолкьялис öтарö-мöдарö кабинет вомöныс да дөвöля, вынөн ниpтис ки пыдöсьяссö.

Пырис секретаршагс — Татьяна Сергеевна.

— Виктор Алексеевич, тiян дорö вöзйысьö Чисталев.

— Чисталев... Чисталев...

— Вадим Леонидович. Миян главной технолог,— отсалис Татьяна Сергеевна аслас выль начальниклы дум вылас уськöдны.

— Корöй, мед пырас.

Татьяна Сергеевна докнитыштис юрнас. Кичигин колльöдис сийöс видзöдласнас öдзöс сайöдзыс да вöли-сти бөр пуксис аслас местаö.

Пызан дорас небыд восьласөн матыстчис вежавидзана нюмъялысь том морт. Кичигин порог вомöныс воськовтiпөн на тöд вылас уськö-дис пырысьсö: час-мöд ветлöдлис на-көд тшöтш заводъяснас тöдмасигөн. Сийö, Кичигин, весиг думыштис сэ-ки, мый татшөм гыгалысь небыд еджыд юрсиа, сöстөм да родысь видзöдласа том мортыдлы сьöкыд на, көнкö, главной технологавныд.

Кичигин кинас индöмөн корсис Чисталевöс пуксьыны. Мöдыс пуксис, первой классын велöдчысь школь-ник моз нюжöдис-пуктис кияссö во-дзас. Сэсся пызан вылас нинöм вöч-

төг куйлысь киясыс, буракö, лиш-нойөн кутисны кажитчыны да көс-йылис кытчöкö дзeбны найöс, но эз аддзы местасö, кыскис морöс зep-сыс авторучка да кутис бергöдлы-ны сийöс и вöлисти шыгасис Кичигин дорö.

— Виктор Алексеевич, миян кон-структоргяс да технологгяс Шомы-сов кувтöдз на вöчлисны кирпичной заводъяс выльмöдöм кузя план-ме-роприятияс. Но Порфирий Инно-кентьевич весиг техсöвет вылын сi-йö плангяссö эз удит видлапны...

Шомысовöс Кичигин эз тöдлы ни бурладорсянь, ни лөксянь, көть эсь-кö сiдзсö найö и аддзысьлывлисны гоз-мöдысь совещаниеяс вылын. Но мед көть и сiдз, некутшөм автори-тет сылы оз ков вöвлөм началь-никъяслөн, мед немтор эз торкав сылы комбинатсö паськыд туй вылө петкöдны да коллективсö нуöдны ыджыд вермөмгясöдз. Сийөн, тöдö-мысь, и чушис кабинетö первой пы-рысь мортөн жö воддза началь-никсö казтыштöмыс.

— Меным, комбинатөн тöдмасьöм бöрын, тыдовтчис жö нин, мый уна-тор на абу удитöма вöчны...— зэла-лыштөм гөлөсөн шуис Кичигин.

Дзoляник пызан сайын пука-лысьлөн воши колана нюмъялö-мыс, чужöмыс зумышмис, шемöса видзöдлис Кичигин вылө.

— Да, да, Чисталев ёрт. Ми öд абу нэрник барышняяс, мед öта-мöднымöс ылöдлыны да сьöдсö еджыдөн шуны. Ме радейта весь-кыда крапийöдлыны и мукöдлысь сi-йöс жö кора. Татшөмторсö кывзы-ныд, дерт, абуджык любö, но сы пыдди отсалö öдийöджык нелючки-яссö бырöдны.

Чисталев недыр чöv олыштис, сэс-ся зутшнитис авторучкасö пытшкös морöс зepтас, а кияссö, чуньяснас öта-мöдас тшaпкөмөн, пуктис ас во-дзас. Позьö вöли гөгөрвоны, мый öни сийö оз нин корсь, кытчö найöс дзeбны.

Пырис Майбыров.

— Тiян абу ас костса гуся сёрни, от мешайт?— пызан дорас матыст-чигөн на панис сийö сёрнисö.

— Парткомса секретарь, ме ду-мысь, некутшөм сёрнилы оз вермы

мешайтны. Пöжалуйста, Дмитрий Иванович, мян дорö. Чисталев ёртлөн вопросыс, ме ногөн, став комбинатлы инмö: кирпичной заводъяс механизируйтöм йылысь, шуö. Планъяс пö эмöсь.

— Планъясыс Павел Иванович ордын төлысьыс дырджык нин. Сийö тöдмасыны босьтліс, но выль начальник локтöдз нинöм эз кöсьы вöчны сы кузя. Вот ме, Виктор Алексеевич, и пыри тиян дорö, мед Сажинöс места вывсьыс вөрзöдінныд,— шуис Чисталев.

— Да, видлавтöмöсь на и эм, ме и ачым весиг эг на жö удитлы тöдмасыны, но эмöсь сэтшöм планъясыс, Виктор Алексеевич,— шуис тшöтш Майбыров.

Кичигин бара бергöдчис селекторной аппаратлань, кисö кытшлöдлыштіс кнопкаяс весьтöдыс да личкыштіс коланасö.

— Ме кывза, Виктор Алексеевич,— кыліс динамиксьыс Сажинлөн мича баритоныс.

— Павел Иванович, ме ордын Чисталев пукалö кирпичной заводъяс механизируйтан планъяс кузя...

— Да, да, Виктор Алексеевич, эмöсь мян сэтшöмъясыс...

— И мый ті думайтанныд сы кузя?

— А ме тиянöс виччыси... кутшöм... кызди ті видзöдланьныд та вылö...

Кичигин вылö кыпöдіс синкымъяссö, видзöдліс Майбыров вылö, коді довкиöдліс юрнас.

— Ладнö, Павел Иванович, аски меным бура доложитöй,— и личкыштіс кнопкасö главной инженерлысь вочавидзöмсö виччысьтöг, бергöдчис Чисталевлань.— Ме медводз ачым тöдмасы да сы бöрын нин и сёрнитны позяс бурджыка. Ставсö гөгöрбок артыштöмөн. Тиян эм ещö кутшöмкö юасьöмъяс?

— Менам ставыс.— Чисталев тэрмасьöмпырысь сувтіс да петіс кабинетсьыс.

— Кутшöмджык нö морт Чисталевыс? Мыйкö меным томджык на кажитчö комбинатса главной технолог вылад.— Кичигин чеччис пызан сайсьыс да матыстчис öшинь

дорын сулалысь парткомса секретарь дорö.

— Чисталев — менам зэв активной том коммунистъяс лыдысь. Бурсыма инженер и удж вылас лют. Принципиальной.

— О-о, позьö завидьтыны Чисталевлы, парткомса секретарь кö татшöм дон сетö,— нюмдіс Кичигин да бергöдіс сёрни сюрöссö.— Ме со мый йылысь нöшта кöсьи тэкöд сөветуйтчыштны. Миян ыджыд комбинат, прöдукцияыс разалö республика пасьта. А комбинатон веськöдлан зданиеыс вид вылас öнйя колхозной правлениеысь гöлыджык. Кызди партком видзöдлас, босьтам кö ми выль здание стрöитны? Солиднойöс.

Майбыров чуймискодь, эз виччысь татшöмторсö:

— Партком ошкас быд выльтор. Абу лөк и выль здание лэптыны. Сöмын öд сы вылö деньга колö, проект, стрöитысь...

— Сысь позяс и не шогсьыны. Кирпичным асланым, асланым жö стройучастоктор эм, да и стрöитысьяс отсыштасны, бура кö кутам накöд овны... А ме тöда административной зданиелысь зэв бур типöвой проект. Гырысь öшиньяса, вылыс судтаас актöвой зал морт куимсö вылö. Зэв бур жыръяс парткомлы да парткабинетлы вылö. Колö заводитны, а бöрын и денегатö Главк сетас. Ми быттö капиталной ремонт этийö керкашойыслы кутам вöчны. А Главклөн быд во пöшти татшöмторьяс вылас деньгаыс инö-артö воштытöмөн кольö.

— Мый лöпö польза вылö, партком ставсö доръяс.— Майбыров дөвöля довкинитіс юрнас. Сылы сьöлөм вылас воис Кичигинлөн первой лунсянныс комбинат вöсна тöждысьöмыс.

— Колö, колö, Дмитрий Иванович. Оз öд прöста шулыны: предприятиеыд пö вывескасянныс заводитчö,— эскöдана тöдчöдіс Кичигин. Сэсся аттьöалöмөн нюжöдіс кисö Майбыровлы:— Ме зэв рад, мый партком дась отсавны.

Мöдыс радпырысь воча нюжöдіс асьыс кисö.

Майбыров петöм бöрын Кичигин

бара корис секретаршасо. И казяліс, мый сылы любо видзодны тайо мича ён кокъяса, вёсни коска да вылын морёсьяса лёсьыдінник нывбаба вылас. И тыдало, сійо оз и ёна шойовошав, и донсо асьыс тоддо. Со, ни оти визь чужом вылас эз вёрзыв, синсо эз лапнитлы, быттьо мужичойлөн зэв донъялана видзодомыс оз сылы инмы.

— Татьяна Сергеевна, — небыда шыодчис Кичигин, — локтасны ко ме дінө ещё кодъяско комбинатса уджалысьяс пиысь, то одзосыс менам мед лоо восьса. Тод выланыд кутой тайос.

— Бур, Виктор Алексеевич, — том нывбаба здук-мод виччысьыштис на ношта мыйкө шуом да сёсса, лысьомнас муртса тодчана ворсодчыштөмөн, шливкнитис кабинетсыс.

И Кичигинлы дум вылас воис аэропортса выль тодсаыс. «Интересно, звонитлис оз Тоня?.. Вот эськө, звонитлис ко!.. Колө вөлі телефон нумерсо сылысь корны. Выль местаад век эськө згодитчис...»

5

Тонякөд Виктор Алексеевич тодмасис Домодедово аэропортын. Асьыс Главкын делояссө Кичигин помалис водз да пыр жө мунис аэропортө. Сэн нин, самолётсө виччысипмоз, көсийс и пажнайтыштны. Нельод секция дінті мунігөн, көні пасьявлісны билетьяссө налөн карө лэбысьяслысь, сійо казяліс мича том нывбабаос, коді чатөртчыштөмөн лыддис кар нимьяссө да самолётьяс лэбалам индом кадсө. Кичигин сувтыштліс жө, көть и тодіс, кор мунө сылөн самолетыс, синböжнас видзөдліс дженьыд соска кокни шөвк платтьоа ань вылө, сибыда шмонитыштис:

— Но и кыз, абу на кольома тиянос самолётныд?

Том нывбаба бергөдчис шыодчысланьө, видзөдліс сы вылө юр вывсьяныс кок улөдзыс, видзөдласнас сувтыштліс Кичигинлөн ыджыд да уна пражаа виж кучик портфель вылө, сёсса меліа нюмдіс:

— Абу на. Менө оз лысьт колыны некутшөм самолёт.

— О-о, сідзкө тай тиянкөд отлаын зэв надеино ветлыны.

— Ті нө лэбысьяс жө кытчөкө?

— Да, и виччысьны мем дзонь час. Со тай пижөма: Ягдін, куим час вит минутө.

Нывбабалөн гажаа югнитисны синьясыс.

Кичигин вежавидзана копыртыштліс юрсө:

— Да-а! Сідзкө тай ми попутчикьяс. Ме Ягдинө жө.

— Ме зэв рад. Виктор Кичигин.

— Тоня, — сідз жө вежлива вочавидзис мугөмөдз гожьялөм том нывбаба.

А водзөсө артмис ставыс кызкө жокниа да гажаа. Тоня вөлөма зэв сибыд да мелі, тшапитчытөм ань. Кичигин лэбзьом водзвылас нуөдіс ресторанө пажнайтыштны, и сійо сөгласитчис. Кичигин корис шампанской доз, Тоня бара жө эз ышнясь.

— Төдмасьом ради, сідзкө, Виктор... Виктор... — Тоня кыпөдыштліс шампанской тыра бокалсө.

— Алексеевич, көсьянынды кө ним-вичөн менө ыджөдлыны, — висьтасис Кичигин, бара копыртыштліс юрсө.

— Виктор Алексеевич, мыйкө ме тиянос ньөтчыд эг казявлы Ягдинсьыс, быттьо карыс миян абу и ыджыд-а. Неважөнөсь на сэн?

Кичигин дөвөльпырысь пасьқыда нюмдіс.

— Первойысь. Талун министерствоын выль должность сетісны и муна сэтчө төдмасыны.

— Во-от кызд! И кытчө жө, абу кө гусятөр?

— Мыйла гуся? Тиян сэн эм стрөйтчан материальяс вөчан комбинат, вот сэтчө.

— Да-а-а, — кузя нюжөдіс Тоня, тыр синмөн донъялана видзөдліс Кичигин вылө да нюмдіс, буракө, кутшөмкө аслас думлы. — Сідзкө, поздравляйта тиянос выль местаөн, выль уджөн... Ме, көнкө, медводдза поздравляйтысь Ягдиньсь, — гажаа серөктіс Тоня да мөдысь кыпөдіс бокалсө.

— Аттьө, Тоня. Сэтысь ті, збыльсь, медводдза и эм. — Сёсса синьяссө читкыралігтырйи содтіс: — Ме-

ным кажитчис, мый ті нюмъявны пондінныд менам висьтасьомысь.

— Эг, эг, Виктор Алексеевич, ме сідз... Прөстө, воддза начальниксө, Шомысовөс, бура төдлі...

Сэсса Кичигин отсаліс Тонялы чемодансө да нейджыд сумка вайны көлуй видзанінысь. А кор аэропортас воис Главкса начальник Дрюмов Ягдіно жө Кичигинкөд лэбны, төдмөдіс Тонякөд кызд важ төдсакөд нин.

Кичигин лэбис Дрюмовкөд орчча пуклөс вылын, Тонялөн билетыс вөлөма бөръя салонас. Но сөлігас на Кичигин удитіс Тонялы шмонитөм сорөн шуны:

— Ягдінад эн ёна тшапитчөй да шыөдчылөй жө.

— Видзөдлам,— сы моз жө нюмуніс Тоня.

Аэропортас пырмунігмоз төдмасьомсө Кичигин вунөдны нин кутіс, и со өти рытө, сизимөд часын, телефон трубкаын кыліс төдса мелі гөлөс:

— Видза оланныд, Виктор Алексеевич! Гөлөс сертиыс туйывьса төдсатө-пөпутчицатө эн на вунөдөй?

— Тоня, видза оланныд!

— Төдінныд на?— кылө, нимкодьмис нывбаба.

— Позьө өмөй татшөм мелі гөлөссө вунөдны либө кодкөдкө сорлавны!

— Но, но Виктор Алексеевич, энөй сідз... Кызди овмөдчанныд виль местаын?

— Аттө, Тонечка, өнөдз на командировочной моз гостиницаын. Көть эськө и өтка номер, но гостиницаыд, дерт, абу аслад патера.

— Эз на удитны Ягдінса сюсь аньясыс тіянөс пөлөнитны?— Тоня, кылө, гажаа сераліс.

— Эз на тай, полөны, буракө, начальник мортсьыд. Некодөс весиг гөститны корлыны. А мый, Тоня, ме кө тіянөс корла? Пыравлөй, здук кежлө көть югзьөдлөй менсьым пустынниклысь моз олөмсө. А?

— Д-да, ме ог төд... лөсьыд абу?.. А төданныд мый, Виктор Алексеевич, ме талун тіянланьө пөдруга дорө муна да, пөжалуй, удита кө, верма и кежавны здук кежлө. Интереснө өд төдмавны, кызди виль

ыджыд начальство миянын овмөдчө?— телефон пыр бара кыліс негора серам.

— Аттө тіян бур сьөлөмлы, Тоня. Ме коймөд судтаас, комын кыкөд номер. Лоа вывті, вывті рад, пыравланныд кө.

— Веськала кө— коркө өкмыс гөгөрын... Сідзкө нө, аддзысылытөдз, гашкө...— Тоня быттө мыйкө донъяліс-арталіс ас кежас, кывьяссө шуаліс ньөжйөникөн, коставлөмөн.

Гожся кузь лунтырнад доналөм шонді сьавкнитіс медбөръя зарни югөрьяссө вөр пу йывьясө, керка вевтьяс вылө да дзумгысис вөртас сайө. Но ывлаыс эз пемды, югыдыс син өртөг өшійис войывив му весьтө, небыд кельыдөн разаліс быд пельөсө, и лунся төвру дзикөдз лөнис, ни өти пу кор оз вөрззы. Быттө мойдын кодь гөгөр лөис...

Дзөляник журнальной пызан вылын— коньяк да шампанскөй дозьяс, яблөкьяс, вөсни чөланьясө вундалөм да песокалөм лимон, шоколадной кампетьяс. Рытъя кельыд югөрыс сукмөдыштө восьсаиньясас Тонялысь гожиөдсө, югыдджыкөн вөчө мича өткодь пиньясылысь югьялөмсө, небзьөдө-шыльөдө тупша-мыгөр да чужөм серьяссө. И водзас джуджыд креслө бөр вылө лэдзчысьөмөн пукалысь да гажаа варовитысь анялөн судзмөн матыслуныс шөйөвоштана ыркйөдлө Виктор Алексеевичлысь сьөлөмсө, пузьөдө вирсө. Сылы этша нин лөө куш любуйтчөмыс. Сійөс кыскө инмөдчывны, аслас пидзөсьясөн судзөдчыны да топөдчыны Тонялөн еджыд платтө увсьыс мыччысьөм гөгрөс пидзөсьяс дінө, шызьөмысла косьмөм парьяснас сатшкысыны небыд визьясөн төдчөдөм восьса морөс нөптолас. Сөмын мый вынсьыс вөлясө зэвтөмөн Виктор Алексеевич вермис кутны асьсө. «Эн тэрмась... сөмын повзьөдан... воштан. Кутчысь, тайө тэнад коньяк юыштөмсьыд вируд өзіө...»

Сөмын Тоня чеччөм бөрын нин, кор сійө кутіс мөдөдчыны гортас, Кичигин матыстчис сы дорө да кокниа кутыштліс пельпомьясөдыс. Тоня бергөдчис Виктор Алексеевич-

лы воча, княснас пыксыштіс сылы морёсас, докнитіс чатөртыштөм юрнас. идзас рёма читкыльёсь юрсиыс ваййөн ылыгысис мыш саяс.

— Виктор Алексеевич... оз ков... оз позь...— сөмын вом доръяснас, шытөг шөлкөдіс Тоня.

Кичигин кыліс, кызди пыксысь-лөн вочасөн слабмөны княсыс, сәс-ся и дзикөдз лигышмуніны найө, да Тонялөн пось вир-яйыс сетчис мужичөй вынлы — лякысис сы бердө, матыстчисны налөн чужөмьясныс, вом доръясныс...

Кор Тоня мынтөдчис Кичигин сывйысь, вель дыр сулаліс чужөмсө княснас тупкөмөн, сәсся ньөжйөни-көн, сы вылө видзөдтөг, шуис:

— Тадз мөй позьө, Виктор Алексеевич...

Сәсся краситыштіс вом доръяссө, синкым увсяныс Кичигин вылө меліа видзөдавлігмоз лөсьөдыштіс юрсисө да нюжөдіс кисө:

— Аддзысьлытөдз, Виктор Алексеевич...

Кичигин пөся, кыкнан кинас кутчысис нюжөдөм кинас да бара көс-йис топөдлыны Тоняөс морёс бердас. Но сійө стрөга докйөдліс юрнас:

— Оз ков, Виктор Алексеевич... Тырмас... талун кежлө. Қольмөм юрнад вөчөмтортө бөрын асьныд кутанныд жалитны... И ме тшөтш. Дум выланыд кө усыла — меным позьө удж вылө звөнитлыны. 9-32-87. Оз ков менө колльөдны...

Тоня тәрмасьомөн петіс номерсыс.

6

Ыджыд вына пресс нель пельөса мундштук пыр пычкис-петкөдіс шылыыд бокъяснас уля югъялысь сөй брус. И сэк жө мегыр кодь чукля көрт бедь помьясө зэвтөм сутуга брункийөдліс-орйөдліс бруссө отыжда торьяс вылө. Чисталев вель дыр нимкодьясис, кызди кирпич вундалан автоматыс ярскөба, мичаа өтрөвнө торйөдліс сөй бруссыс кирпичяс. Автоматыд автомат и эм! Оз тай, майбырөй, сійө сорасылыни оз мудз. Сөмын и тшолкакылө да брункийөдлө вылө-улө.

Но кирпич формируйтанинын та мында и вөлі нимкодьясынаыс. Водзөсө Чисталев сьөлөм дойтөг эзнин вермы видзөдны. Да, чачаяс кодь мичаөсь видзөдныд выльөн вөчөм уль кирпичьясыд. Найө нюдза, эз быттьө и өдйө, кывтісны лентаа транспортёр пөлөн сулалысь нывбабаяс водзті, а көкъямыс ки өдва-өдва удиталісны кватлавыны да сөвтны орччөн сулалысь вагонеткаясө. И сідзи — кузь лунтыр. Дерт, көнкө, смена помланияд дзикөдз лигышмунөм нывбаба княсад уль кирпичыд эзнин нель килоөн кажитчы, а, гашкө, пудьяөн. А помтөм транспортёр лентаыс, оз кө автоматыс жугавлы, бабаясөс и лолыштныс оз лэдзлы, көкъямыс час чөжнад нельөн комын өкмыс-нелямын сюрс кирпич косьтысян пачө мөдөдны. Нелямын тоннаөн морта-смена вылө воө! Оз өд прөста бабаясыд мукөд дырйыс гусьөн и восьса кевмысылыны: «Господи, кор нө лешак-машинаөс тәнө мор лыяс, кор лолыштны лэдзлан!»

Сьөкыд сулавны мортлы машина бөрын, ордысыны ськөд! Абу шогманатор тайө.

Чисталевьяслөн план серти татчө сувтөдсьөны кык автомат-укладчик. Отикыслөн ичөтджык на производительностьыс — сменанас комын сюрс кирпич — да сійөн ковмис кыксө индыны. И зэв бур, кык технологическөй визь лоө таңі: Отик-кө, өні жө, уджсө сувтөдтөг позяс первой визьсө вөчны и сы вылын велөдчыны-уджавны, а бөртиджык сәсся и мөд автоматсө сувтөдны; а мөд-кө, кыкнан технологическөй визьсө эштөдөм бөрын формуйтчан отделениеас лоө ыджыд резерв — кызь сюрс гөгөр содтөд кирпич дасьтөм вылө. Ставсө кө водзвыв бура артыштөмөн вөчны — тайөс позьө мөгмөдны кирпич вөчөмсө чинтытөг. Дерт, оз лококни. Но мый көть и чинлас недыр кад кежлө? Сы пыдди дас квайт нывбабаөс сьөкыдсыс-сьөкыд уджысь мездам! Думыштлыны сөмын — өтпыр дас квайтөнөс! А лолыштлас кө уджйөз кирпич кузяыс государство водзын — бөрынджык содтөдөн позяс вештысыны...

Чисталев думъяснас и видзодласнас выльысь ылосалис, кытчө сувтасны автоматъясыс да водзөсө эз сәсся кут манитчыны, муніс ожигайтчан цехө.

Ожигайтчан пачлөн нельөд камера дорө матыстчигөн, көні буретш ректісны дась кирпичьяссө, паныдасис сменаса начальникыскөд, Веня Климовкөд. Чисталев киасис сыкөд и пыр жө казяліс Венялысь зумышсө.

— Мыйкө тай зэв нин скөр талун, начальник ёрт?— шмонитыштіс Чисталев. Сылы сьөлөм вылас воө вөлі тайө латшкөс тушаа, зумыд да дзик наянлунтөм том мортыс. Бура, мый вермис старайтчис удж вылын. Сійөс тасянь и армияө босьтлісны, куим во Севернөй флотын служитіс, и, молодец, эз повзы заводын сьөкыд уджысь, важ местаас локтіс.

— Да медся рамыс тан злөдейө пөрас. Мөд лун куим ректысьысь удж вылө оз петны. Да и удж вылас петөмаясыс, унджыкыс, пөкмелляысла өдва кок йылас сулалөны. Кыдзи пөлучка — сьөм быртөдзыс палявлытөг юөны...

— Абу өд первойсы, Веня. Колө вөлі водзвыв накөд сёрнитлыны, лекция лыддыны, кутшөм вред вина юөмыд вайө, общежитиеас де журнөйясөс сувтөдны...

— Ва-ади-им Леони-идович!— шензьөмөн и дивитана видзөдіс Чисталев вылө Климов.— Ті сераланныд кө ме вылын-а? Кутшөм лекция?! Көдөс семьясьыс вөтлөмаөсь, коді ачыс пышъялө — кызвыныс жө важөн юсьөм йөз... Мөдар югыдас нин найөс велөдасны кывьяснад... Да и коді бурджыкыс миян удж вылө локтас?..

Сёрнитігмоз Чисталев да Климов кежыштісны туй вывсьыс бокө — лэдзисны кирпич тыра вапонетка йөткалысь электровоз да пырисны ожигайтчан пачас. Пыригас на на вылө пуркнитіс пөсь төв, а пытшкөсас вөлі быттө жара вөдитөм пывсянын. Огнеупорнөй кирпичысь тэчөм пач бокьясыс донавлөм бөрад абу на удитөмаөсь көдзавны да ымралісны жарөн.

— Вот,— Климов өвтыштіс ки-

нас,— ветымын прадус гөгөр плюс лоө... Видлөй татшөм жарад сизим час да джынтө пессыны...

Чисталев нинөм эз вочавидз. Сылы төдса вөлі, мый висьталіс Климов, ачыс та пыр муніс. Но сәки быттө эдјжык сэтшөм ёся сулав вопросыс ожигайтчан цехас уджалысьяс йывсьыс. А өні помся өти-тор и кылан: некодлы кирпичсө ректыны. Кадыс вежсис. Вот и лоө кодөс веськалөсө чукөртны. Видзөдан да трудөвөй книжка сертиыс мортыс төлысьысь дырджык кежлө некытчө абу өшйылөма, а босьтны лоө быть...

Чисталев инмөдчыліс и лөз, и пемыдруд, и лөзовгөрд визьясөн серласьөм пач стенас — пөсь, өдва кийд терпитө, видзөдліс ректысьысьяс вылө. Найө вөліны кыкөн. Öтикыс сулаліс стружиттөм пөвьясысь вөчөм джуджыд скамья вылын пырысьяслы мышкөн. Коскөдзыс пөрчысьөма, кыз дөраысь вурөм кушенча кепыся. Нылөдөмысла волялысь мышкуас сылөн ворсөдчисны мымыкьяса мускулъяс. Гач пөдпушкаыс мышсянын сьөдөдөма-көтасьөма шөртиыс улө лэччысь пельөсөн. Сійө пелька кватлаліс кирпичьяссө вылі радьясьыс да чургөдліс улын, пач под вылас сулалысь ёртыслы, коді кирпич дорө кирпич колскөдіс-тэчис тележкаө пуктөм поддон вылө.

— Тырмас, Гриша,— бөрья кык кирпич босьтігөн шуис увсаыс да тыртіс наөн медбөрья радсьыс пельөссө.

Скамья вылас сулалысьыс эз пыр бергөдчы, өшөдіс кияссө да лютлөткерис, первой веськыд кинас, сәсся шуйганас ниртыштіс чужөм вывсьыс пөсьсө. И вөлисти бергөдчис. Сулалысьяс вылө веськодя видзөдіс том морт, син вывсьыс вештыштіс брөд ва юрси пратьяссө.

— О, начальство, вөлөмкө, миянын,— радлөм ни дөзмөм петкөдлытөг шыгасис сійө да кокныда чеччыштіс скамья вывсьыс.

— Бур лун!— Чисталев меліа, но мыйтакө мыжа морт моз нюмялөмөн матыстчис уджалысьяс дорө, доккнитіс юрнас ректытөм кирпич радьяс вылө.— Пөсьөдө?

— Ог гегдалой, аттьо,— вочавидзис том морт, кодос ёртыс шуис Гришаон.— Колос эськө гырысь начальство письыс кодсюрёос татчө төлысь мында кешлө сувтөдлыны да. Мед юр вемсө шонтыштасны, гашкө, молекулаясыс суюсджыка кутасны визъявны да и миянлы отсөг мыйкө думыштасны. Быдлаын кнопкаяс личкалөм вылө вуджоны. Төлысь вывти йоз тшолкъялоны... Ми сөмын пось пьдзралан удж вочам, быттьо демидовской заводъясын...

— Көсьян кө төдны — буретш Вадим Леонидович медъенасө и төждысьо та кузя!— дорйис Чисталевос Климов.— Энлы, отсыштам...

Гриша да ёртыс элөдчөмөн пондисны нин кыпөдны бөръя колесаяснас рельсыс вывсьыс вешйөм кирпич тыра тележкасө, и Климов сибөдчис на дорө. Матыстчис и Чисталев.

— Кеж сэтысь, эн мешайтчы... Ещө кокъяснытө сюянныд колесаяс улас ли мый ли да кыв кут сэсся тиян вөсна. Бурджык юрнаныд отсалой... татысь миян пышъявтөдз...

— Но и пышйы, ог бөрөдзөй. Помся грөзитчан.— Климов выныштчөмөн отсыштіс налы, веськөдчис да шлич-шляч пыркнитіс ки пьдөсьясас сибөдм няйт-буссө.

— Ме ог прөзитчы, а синтө тәнсьыд көсья восьтыны... Йөй ме, сираси татчө, быттьо бурджык места оз сюр, а тэ и рад нартитны... Да вед, Егор?— Гриша видзөдліс ёртыс вылө. А сийө сөмын синъяснас воча лапйөдліс.

— Ме ог төд... Тэ кымынысь нин көсийлін да...

— Но өні сэсся тырмас... Юр вемъясөй тан дзикөдз косьмасны... Талун көкъямыс морт пьдди сөмын витөн уджалам. Асьныд видлөй сымда кирпичсө шыблавны...

— Чайтан, ог али мый гөгөрво ме!— дзикөдз, буракө, пикө воис Веня.— Ме али мый медся ыджыдыс тани, шашаритчин да он лэдзчысь.

— Миянлы тэ медматын и медыджыд. А тэ сэсся кыз кужан. Ачыл корсь, кодъясөс жмитлыны.

Чисталев вель дыр эз вермы гөгөрвоны, збыльысь найө, бригадир да сменаса начальник, пинясьоны али дурёны-спектакасыны, но шыөдчис жө сэсся:

— Думайтныд эськө, Гриша, думайтам жө да. Планъяс миян ыджыдось: пач ортсыс, эстчө цех помас, сувтөдам специальной машина — пакетирувщик. Косьтөм кирпичьяссө кутас пакетъясө пачас тэчны. Мостөвөй кран сийө пакетъяссө вывсяныс некымын судтаон сувтөдалас пачас. Сэсся кран отсөгөн жө кирпичөн шөтөм камерасө вевтялам специальной сотчөтөм да кокни материалъясысь вөчөм вевтясьясөн. А өжигайтөм бөрас краннас пакетъяссө лэпталам пачсыс и петкөдлам ывлаас да сідз веськыда и мөдөдам стрөитысьяслы.

— Да-а!— нюжөдіс Гриша,— гажа олөм ті миянлы дасьтанныд. Люкс. Тадзинад, гашкө, и ми, асьным, огө сэсся ковмөй?

— Тэ жө аски нин заявление пижан,— коса серөктіс Гришалөн ёртыс, Егор.

— Мыйла нө, тадзикөн кө — верма и виччысылыны, нинөм тэныд гигзыныс. Оз жө лэдз Климовыд-а, ме өд төда сийөс. Кран вылас уджавны велөдча. Артмө, кран вывсаыс главнөй кирпич вөчысьнас лөб: и сөвтны, и тэчны, и ректыны, и новлөдлыны кутас...

— Сідз и думайтам,— эз кусөд сымлысь надеясө Чисталев.

— Ладнө. Вениамин Петрович, эн скөрав. Бара на менө синінныд, ещө кольччыштыла,— мудера нюмъялігыр Гриша небыда шлапнитіс Климовлы пельпомас да ёртыскөд кокныда вөрзөдіс кирпич тыра тележкасө.

Чисталев гөгөрвоис нин, мый тайө, буракө, тшетшйысисны өта-мөд вылас скөравтөм йөз, но юалис:

— Ті, тыдалө, бура төдсаөсь Гришакөд?

— Төдсаөсь?!— он и гөгөрво, чуймөмөн, скөралөмөн али радлөмөн пьдисянь ышловзис Веня.— Да ми ськөд пөшти куим во өтлаын морфлотын служитім, өти отсекин сөйим-юим и узылім. Койкаясным орччөн вөліны. И партияө миянөс

оти лунö примитисны. Индийскöй океанынöсь буретш вöлим.

Веня чöв олыштіс, сэсся нюмъя-лөмөн содтіс:

— А ті лёка эн думайтöй, көть и жерійөдлө сійö пиньяссö. Ковмас кө — морöс вывсьыс яйсö вундас да сетас. А татчö сійö збыльысь ме вöсна локтіс. Ветліс гортас, Украинаö, да тöлысь мамыс дорын и оліс. Көть пö нин ме тэныд, йöйлы, от-сышта.

Чисталевлы Веня гөлөсысь кыв-сисны радейтана шыяс да водзö эз кут юасыны, и сідз лои гөгөрвоа-на.

Но Гришалөн шуасьöмыс, началь-ствоöс веськыда видöмыс Вадимлы пыдöдз йиджис сьолөмас. Да, прав сійö, сө пөв прав: космосö лэбалам и... татшөм сьöкыд, ки помысь вö-чан уджъяс заводын. Выль началь-никкөд сёрнитөм бöрын бара нин тöлысьысь унджык колис, а некод кыв ни джын оз казтывлы. Мыйкө выль могъясьыс сылы эз кажит-чы? Сідзкө, висьтавны колö, öтвы-лысь выльысь видзөдлыны. «Э-э, ва паныдтö пыжыд ачыс оз кат, буракö. Колö ёнджыка сынны...»

Павел Иванович Сажин гөрд ка-рандашөн кутшөмкө гижөд черк-йөдліс. Юрсö кыпөдлытөг öчки ув-сяньыс видзөдліс пырысь вылө.

— А-а, Леонидович. Привет. Пу-кышт, ме час регыд, — карандашнас тувкнитіс-индіс улөс вылө.

Здук-мөд нускис-черкйөдліс на мыйкө да сэсся гольскнитіс каран-дашсö пластмасса стöканö, некы-мын бумага лист сүйыштіс кучик папкаö, босьтіс ныр тшупөдсьыс öч-кисö да зэв збыльысь кутіс чыш-кавны стеклөяссö пызан йöрсыйс перйөм небыд дөраторйөн. Тамыш синьяснас видзөдліс Чисталев вы-лө, виччысис, кор сійö висьталас асьыс могсö.

— Öжигайтан цехын уджалысь-яс тэа-меаöс корöны кирпичсö рек-тыны сувтлыны, — ярскöба висьта-ліс мөдыс асьыс мөгсö.

— Мый, мый? — Сажин бөр лепи-тіс öчкисö важ местаас да дзоргөд-чыліс Чисталев вылө. Сэсся, дерт, гөгөрвоис, мыйын делöйс, тэрыба чеччис пызан сайсьыс. — Тэ, Вадим

Леонидович, некыдз он вермы эсі-йötөг... — паськыда шевгөдөм чунь-яса кисö бергөдлыштіс көсича весь-тас, тэрмасьтөг матыстчис öшинь дорас да осьтіс форточкасö, сэсся ньöжйөнникөн бөр пуксис аслас ме-стаö.

— Збыльысь ме висьтала, Павел Иванович, көть Қлимовлысь юав. Менö сэн кирпич ректытөгыс пра-мөя пөсьөдліс. Яндзимысла.

— Вот кызд! Яндысян, сідзкө?!

— Да, яндыся. Аслам инженер званиеысь, мый удж котыртөм кузя йөзсьыс кызь во вылө кольсьöма и менö, инженерöс, прөстөй уджалысь морт кычипиöс моз нырөн зульөдö-индалö, мый колö вöчны. А ме всё ровно ог вöч!

— Тэныд, Вадим Леонидович, ко-лө вöлі артистö, а не инженерö ве-лөдчыны. Сэні вот этш вылысь пе-төмъясыд, эмоциясыд ёо-она колö-ны! А инженерлы колö тölка арта-лөм.

— Ветлім тай, видзөдлім бур йөз удж вылө, арталім да рисуйталім-чертиталім бумагаяс вылө, а водзö мый?!

— А водзö? — небыда, лабутнöя нуөдіс сёрнисö Пал-Ваныч. — Тэ ас-сьыд долгтö и уджтö, кызд глав-нөй технолог, вöчин, и водзö сэсся решайтöны вылынджык сулалысь начальникьяс.

— Вот ме и көсья төдмавны, кы-дзи-мый вылынджык сулалысь на-чальствоыс решайтö.

— Қичипин первойя луньясас на бура төдмасис тіян планьясөн. Ме сылы ачым петкөдлі став арталөмъ-яссö и чертөжъяссö. И төдан мый сійö шуис? Вай пö ог кутöй тэр-масыны, а өддзөдам уджъяс заводъ-яссö вөрзьөдлытөг. А заводитам пö öтитор да мөдтор жуглыны — дзи-көдз ставсö торкам. Гөгөрвоин, кы-дзи выль начальство думайтö?

— Нинөм ог гөгөрво. Ставыс вөлі-ны «за»: ті, Павел Иванович, за-водса директорьяс, Шомысовöс, по-коникöс, вермим öзтыны, заводын уджалысьяс — кинаныс и кокнаныс «за», и со бара...

Чисталев жугыля копыртіс юрсö, пыдісянь ышловзис, синкым увсянь-ыс видзөдліс Сажин вылө. Мөдыс,

карандаш помъясö печлалöмөн, бергöдлiс сийöс пызан вылас. Сэс-ся шуис:

— Öнi комбинатын ставсьыс кыв кутö Кичигин, а ог ме. Мый нö ме верма вöчны, Вадим Леонидович?— ышловзис:— Сэсся и тiян ногсö збыльысь уна колö... Повзьöдчана уна... Öжигайтчан цехын öтар пом-сянныс стенасö колö жугöдны да ылöджык вештöмөн выльöс тэчны. Мостövöй крантö монтируйтны вер-мам сöмын цех вевтсö кык метра вылна кыпöдöм да колоннаяс сув-тöдöм бöрын жö. Кирпич вöчöмкöд öттшöтш татшöм уджъястö он ко-тырт. Сидзкö, кутшöмкö кад кежлö заводтö колö сувтöдлыны. Öтик, кык али унджык тöлысь кежлö? Ог тöд, но тöлысь кежлö сувтöдам — нель миллион кирпич стрöитысьяс-лы ог сетöй, кык кежлö кö — кöкь-ямысöс...

— Да абу сидз, Павел Иванович!— весиг чепöсйыштiс Чиста-лев:— Унджык уджсö позяс завод-сö сувтöдлытöг вочасөн вöчны.

— Э-ке-кек, Вадим Леонидович! Татшöм шылыда-гылыдатö сöмын кывнад да бумага вылын артмö. А олöмад сё вужляö крукасылан.

Чисталев öнi нин збыльысь скö-ралiс Сажин вылö. Главнöй инже-нерлы колö выль техника вöсна мый вынсьыс тышкасьны, аслыс кыпöдавны да ызийöдны мукöдöс, а сийö мöмъялö, выльсьыс кинас и кокнас пыксьö.

— Ладнö, Павел Иванович, тi кö он кöсйöй, ме ачым нöшта пы-равла выль начальство дорас пи-нясьыштны.

Павел Иванович лыбöдлiс пель-помъяссö да веськодя содтiс:

— Окота кö виртö тшыкöдны, пö-жалуйста.

Но Чисталев сэки сидзи и эз весь-кав Кичигин дорö. Первой Кичигин командировкаö ветлiс, а бöрын Чи-сталевöс асьсö ыстiсны.

Бара тöлысь колiс, и вöлись та йылысь сёрниыс выльысь кыптiс. И кыпöдiс Кичигин ачыс.

7

Совещание-рапорт вылö корöм йöз-чукöртчисны комбинатса на-

чальник приёмнöйын: заводьяс-ысь — директорьяс, комбинатысь — главнöй специалистьяс. Веськыда-сö кабинетас пырисны сöмын Май-быров да Сажин. Кичигин видлалiс бумагаяс. Сэсся Татьяна Сергеев-на, кабинет öдзöс вугсьыс лэдз-чысьтöг, мелiа висьталiс:

— Виктор Алексеевич, кодöс вö-лi корöма — ставныс танöсь.

Кичигин вештыштiс пызан выв-сьыс бумагаяссö, довкнитiс Татъя-на Сергеевнаны юрнас — корöй пö.

Пырысьяс пуксялöм бöрын Кичи-гин кыв шутöг лэлтiс пызан йөр-сьыс, тыдалö, вель сьöкыд, кыз бу-магаö тубралöм ёкмыль да видз-чысьöмөн перйис тубрассыс кык гöрд кирпич и сетiс öтисö медма-тын пукалысь Эжадор заводса ди-ректорлы.

— На, Малеев, тайö тэнад завод-ын вöчöмтор. Ачyd любуйтчышт и орччөн пукалысь ёртъясыдлы пет-кöдлы. Сöмын чорыда энö шамра-лöй — кирпичөн шуöмторьясыс вер-масны пазьмунны...

Малеев гöрдöдiс, босьтiс сылы мыччöм кирпичсö, бергöдлöмөн ви-дзöдалiс быд боксянь.

— Водзö, водзö сет, Василий Иванович, эн яндысь — ошйысь... Ставныд видзöдлöй, ёртъяс, кутшöм кирпич Малеев вöчалö. Тайö меным Ыджыдьягын стрöительяс козына-лiсны.

Кирпичыс кытшовтiс кысь-киö. Кызвыныс босьтlсны кинас да нюмъялöмөн öдийö сетlсны орччөн пукалысьыслы. Медбöрын кытшолö лэдзлöм кирпичыс бөр воис Кичи-гинлы и сийö пунктiс мöд кирпичыс-кöд орччөн.

— Ставныд видзöдлiнныд?— Ки-чигин недыр виччысьыштiс да шыа-сис Малеев дорö.— Сидзкö, Василий Иванович, сэсся вай тэ мянлы висьтав, мый тайö татшöмыс да кö-ни и кызд позьö татшöм дивöсö де-лöөдз вайöдны.

Малеев сувтiс, тöдчымөн шöйöво-шöма:

— Кирпич эськö тайö да...

Орччөн пукалысь ёртъясыс эз кужны кутчысьны, да кабинетас йиркмунис гажа серам.

— Да... Маркаыс, кӧнкӧ, 50. Но
качествоыс, дерт, абу зэв бур...

— Ёртъяс, кывлинныд: маркаыс пӧ
50 и качествоыс абу зэв, а прӧстӧ
бур. Сидзи колӧ гӧгӧрвоны?— наяна
орӧдис Малеевӧс Кичигин.— Теш!
Серам! Этайӧ косьтӧм, кузялаыс и
пасьталаыс чездасьлӧм сӧй ёкмыль-
ыс пӧ 50 маркаа кирпич.— Босьтис
ӧтиксӧ да видлис чегны кияснас.
Эз чег. Матыстчис ӧшинь дорӧ да
кыкнан помсянныс кутӧмӧн лич-
кыштіс ӧшинь выв дорышӧ, и кир-
пичыс троцкысис куим пельӧ: кык-
торйыс колисны Кичигин киясӧ, а
ичӧтикыс камгысис джоджӧ.— Вот,
инмӧдчмыны полан, не то керка
стрӧитны. И татшӧмсӧ тӧрыт Мале-
ев ыстӧма Ыджыдыягса стрӧитчыс-
яслы дас кык сюрс и маркасӧ кир-
пичыслысь накладнӧяс гижӧма
«150». Сто-о пяатъдес-ат! А ас-
фальта туй кузя вайигӧн джынсьыс
унджык кирпичыс торпыригӧн воӧ-
ма! Менам весиг кывъясӧй оз тыр-
мыны скӧравныс! Павел Ивано-
вич,— Кичигин шысис главнӧй до-
рӧ.— Тӧдмав, кодӧ мыжа и — при-
каз. Малеевӧс эн вунӧд сэтчӧ пас-
йыны. Мыжаясӧс накажитам, и на-
кажитам чорыда, мед и мукӧд во-
дзӧ кежлӧ думайтӧны.

Недыр чӧв олыштӧм бӧрын Кичи-
гин бергӧдчис Чисталевлань да
лӧндыжыка нин, но скӧрыс шысис
сы дорӧ:

— А главнӧй технолог мый мӧв-
палӧ татшӧм пакӧсьт йывсьыс?—
Кичигин видзӧдис Чисталев вылӧ
тшӧтш жӧ мыжа вылӧ моз.

— Мый нӧ ме верма шуны?—
сувтис да родӧмӧн вочавидзис мӧ-
дыс.— Лӧк, дерт, тадзи оз позь...

— Ме тӧянтӧг тӧда, мый лӧк. Ме
юала, мыйла татшӧм пакӧсьтсӧ лӧ-
дзанныд?— скӧрыс дӧжныштіс Ки-
чигин.

— Мыйла?.. Медводз, дерт, ма-
стеръяслӧн омӧль контроль. Но эм
и мӧд серьёзнӧй причина, Виктор
Алексеевич. Миян кирпичнӧй за-
водъясын став оборудованиеыс зэв
важ, технологияыс и...

— Тӧ нӧ век али мый татшӧм кир-
пич вӧчалынныд?— Кичигин орӧдис
Чисталевӧс.

— Эгӧй, дерт, но... Ме вот, шуам,

уджала дас ӧтиӧд во, и сӧк костӧ
программаыс пӧшти 40 процент вы-
лӧ содис, а оборудованиеыс кутшӧм
вӧлі, сэтшӧм и коли. Кыдзи кыз-
вынсӧ ки помыс уджалім — и ӧнӧ
сидз. Дерт, ӧна сьӧкыджык лои...
Унджык кутисны жуглыны ульнас
и коснас кирпичсӧ, омӧльджыка
сортируйтны... Колӧ оборудование-
сӧ вочасӧн вежны, уджъясӧс меха-
низируйтны — со кӧнӧ главнӧй брак
бырӧдан туйыс. Миян ставыс арта-
лӧма... ме сӧрнитлі тӧянкӧд...

— Тырмас, пуксьӧй,— бара вома-
лис Кичигин.— Ставыс яснӧ. Шог-
мытӧм качество улӧ кӧ главнӧй
технолог подув лӧсьӧдӧ — бурсӧ ни-
нӧм виччысыны. Вот мый, Чисталев
ёрт: ме куим тӧлыс уджала и ку-
им тӧлыс сӧмын реконструкция
йылыс и кыла тӧсянь. Таво кӧсь-
ян заводъяс косявлыны, а мӧд во
коркӧ вӧлисти бур качество сетны.
Меным татшӧм программад оз
шогмы. Меным колӧ, мед аски жӧ
ни ӧти ӧтатшӧм кирпич эз вӧв,—
пыркӧдыштіс юр весьтас пызан
вывсьыс лӧптӧм кирпичӧн.— Аски
жӧ! И менам главнӧй технолог кӧ
тайӧ вӧпрӧссӧ оз решайт, сидзкӧ
меным сьӧкӧд абу пӧпуттьӧ. И ме
ог сӧмын Чисталевлы тайӧс вись-
тав. Ставныдлы, Малеев ёрт. Ме
радейта, кор менам отсасьысъяс вӧ-
чӧны мый ме тшӧкта, а оз мый на-
лы аслыныс окота. Павел Ивано-
вич, аслыд отсӧг вылӧ босьт Чиста-
левӧс. Результатыс мед меным ас-
комыс вӧлі. Тайӧ вӧпрӧс кузяыс
ставыс!— Кичигин нуис кирпичьяс-
сӧ ӧшинь вылас да бӧр пуксис ас-
лас местаӧ, чӧв олыштіс, чышкыш-
тіс пызан вывсьыс гӧрд кирпич
буссӧ сӧстӧм бумага листӧн. Сӧсся
коса чӧвтис:

— Заводитам рапорт. Вӧчам сен-
тябрь дас лунся уджъяслыс ытогъ-
яс. Железобетоннӧй, Кравцов, пӧ-
жалуйста.

Ӧдӧй чеччис железобетон завод-
са директор Илья Семёнович Крав-
цов. Лӧз матерьеыс вурӧм куртка
морӧс зепсьыс сьлӧн чурвидзисны
вит кымын ручка да карандаш, ичӧ-
тик кучик пуртӧсын мыччысӧма
логарифмическӧй линейка. Кыскис
зепсьыс блокнот, листыштіс:

— Продукция иналом кузя план 105 процент. Номенклатура серти — нелямын кык плита этшаджык: формаяссө дзоньталім. Мукодыс — план серти. Төрүтсеянь ковмис сув-төдны ремонтируйтчан уджъяс: Мордвинов көртсө оз сет. Кык сме-на сулаліс арматурной — бара жө арматураыс эз вөв. Оборудование вочасөн ремонтируйтөм вылө зап-частьяс колөны — оз жө сет. Весь-кыда кө шуны — дзикөдз дзескөдіс миянөс Мордвинов ёрт. Со список, мый миянлы өні, пырысь-пыр, ко-лө,— матыстчис пызан дорө да пук-тіс Кичигин водзө.

— Керамзитобетоннойлөн и не-руднойлөн талун план эм, и кадсө колыны ог кутөй,— водзө нуөдіс Кичигин.

— Виктор Алексеевич, ме көсья жө Кравцов дор сувтны,— сувтіс нерудной заводса директор, зэв кузь тушаа дагырысь лысера шөр арлыда мужичөй.— Збыльысь, Мор-двиновыд дзикөдз топөдіс, и миян некутшөм запас абу. Шуам, под-шипник кө ковмас — первой колө перйыны сійөс местасыс да пет-көдлыны снабжениеса начальник-лы и докажитны, мый сійө важ нин да жугаланвыйын. И всё ровно Мордвинов оз сет, абу на пө жуга-лөма. Төрүт миян экскаватор стройысь петіс и өнөдз сулалө. Тадзнад миян орас мөд дас лунся планным.

— Мордвинов,— Кичигин өвтыш-тіс заводса директоръяслөн бума-гаясөн,— мыйла та мында бумагасө чукөртін?

— Тані найө бөрдөны, Виктор Алексеевич, а асьныс некод оз ду-майтны оборудованиесө бурджыка дөзьөрیتөм йылысь, уджалөны жу-гавлытөдзыс, «на-износ». Ми зап-частьяс кузя өкмыс төлысөн вося лимит «сөйим». И оз көсийны гө-гөрвоны, мый лимитысь өтдор ни-нөм миянлы оз сетны.

— Кутшөм нө тэ снабжение кузя начальник, куш лимит вылө кө миянөс көсьян пуксьөдны! Корсьны колө быдлаысь, быд ногыс, мый вы-лө сетасны — сы вылө и корны... Кыдзи материально-технической снабжение кузя управлениеса на-

чальникыслы звөнитны? — Кичигин босьтіс телефон справочник.

— Антоновскийлөн телефоныс 5-32-78,— тэрмасьөмөн висьталіс Мордвинов.— Но ме Анатолий Ти-хоновичкөд унаысь нин сөрнитлі. Сійө лимиттөгыд и сөрнитны оз көсйы.

Кичигин бергөдліс нин номер тэ-чан дисксө.

— Анатолий Тихонович, видза оланнөд. Кичигин. Да?! — Кичигин гылыда серөктіс.— Ачид, шуан, көсийн звөнитлыны? Ми тиянтөг ов-ны ог вермөй — сійө быдөнлы төд-са, но, сідзкө нө, и ме ковми мый вылө кө? Ладнө, тэ первой висьтав, кутшөм мөгөн көсийн звөнитлыны... Да, Совмин наряд серти мөдөдалам мукөд районъясө, а асланым стрөй-тысьяс збыльысь унаысь кирпичтөг колылөны. Сэтчө жө, планнымөс кирпич вөчөм кузяыс ми некыдз ог вермөй тыртны... Да помкаыс уна: то өтитор, то мөд... И оборудова-ниеыс важ нин, а запчастьяс абу... Кутшөм номер?.. 28?.. Уна-ө колө... Анатолий Тихонович, ладнө, тэ примит менсьым снабженечөс... Али ачым вола?.. Сідзкө, пыр жө, час мысти и локтас Мордвинов и, пө-жалуйста, бурджыка видзөдлы, мый миянөс киясөд и кокъясөд кутө, и отсышт. А ме, ас пайысь өні жө се-та чорыд команда, мед талунсянь быд лун тиян керка вылө лэдзисны нель-вит сюрс... Да, да, Анатолий Тихонович, некутшөм лимитъяскөд йитны ог кут, асланым пытшкөсса резервьясыс сета... Ладнө, сөрнит-чим, аддзысьлытөдз!

Кичигин пуктіс трубкасө да дөвө-ля ниртыштіс ки пыдөсьяссө, диви-тана видзөдліс снабжениеса на-чальник вылө:

— Кывлін, Мордвинов? На, босьт заявкаястө да вөч өтувьясөс и час мысти мед вөлін Антоновский ор-дын. И велөдчы, кыдзи колө делө-ястө решайтны.

— Хы, менам кө вөлі мый сет-ны — ставыс жө нин эськө важөн сюри...

— Кужны колө, кужны, сы вылө тэ и снабженец, Мартьянов,— Ки-чигин шыасис продукция иналан отделса начальник дорө.— Быд лун

куим-нэль сюрс кирпич медводз сет 28-өд нумера керка вылө. Сійөс УМТС заказ серти стрөйтöны.

— Виктор Алексеевич, стрөитысь-ясыд асыныс объектъяссö индалöны, кытчö кирпичсö сетны.

Кичигин скöрысь видзöдліс Мартянов вылө.

— Шомысов тiянöс дзикöдз вельмöдöма, быдöнлы колö дасысь тшöктыны.— Сэсся чорыда, кывъяс-сö костöдлөмөн, крапйöдліс:— Мөдысь висьтала — быд лун куим-нэль сюрс 28-өд нумера керка вылө. Ковмас кө — ачyd колльöдав быд машина. Мукöд объектъяс вылө верман ни öти кирпич не сетны, а сэтчö — лимиттöг. Гөгöрвоин?

— Гөгöрвоин... — синъяссö блокнот вивсьыс кыпöдлытöг вочавидзис Мартянов.

— Тайö нин мөд сёрни, сöмын гажаджыка колö... Водзö нуöдам рапорт. Малеев, кывзам тэнö.

Малеев чеччис дышпырысь, да и чужöмыс вöлі быттö шомаöс сёйöм бöрын.

— Дас лунөн планысь колим 80 тысеча. И пачас тэчны, и öжигайтöм кирпичсö ректыны йöз оз тырмы...

— Пöлучка бöрын кымын морт юём вöсна прогул вöчисны?

— Первой лунсö көкъямысөн, а витөн кык лун эз петавны...

— Кравцов, сетлы Малеевлы логарифмической линейкатö, мед артыштлас, кымын сюрс кирпич сöмын та вöсна воштіс.

— Ме тöда, сöмын ректысьöм вылын квайтымын тысеча гөгöр...

— Со көні тэнад йöзыд и планыд. Пуксьöй,— скöрысь орёдіс Малеевöс начальник.— Тiян моз ещö сöмын Четлым заводуын уджалöны: найö дас лунөн 56 сюрс кирпич жö плансьыс этшаджык сетісны! Чайтанныд, тiянлысь кийывсөн уджалөмтö бур дядьö кутас пыкны? А вот Ягдінсаяс оз мукöд вылө надейтчыны, асыныс тышкасьöны план вöснаыс. Дас лунся плансö вевтыртісны, көть сэтшöм жö условиясын уджалöны. Висьтав, Храмов ёрт, Малеевлы да Ипнатовлы, кысь тэ лишнöй йöзсö аддзин.

Храмов тэрыба чеччис места вивсьыс.

— Дас лунся план кирпич кузя мян тыртöма 101 процент вылө. А йöзсö? Кыдз ті велөдінныд, Виктор Алексеевич, корим отсыштны милицияса начальник Пименовöс, и сійö сетліс дас мортöс, хулигани-тöмысь арестуйтöмъяс лыдысь. Вит лун ректысисны пачысь. Дерт эськө найö норма джынысь унджык оз сетны, но век нин отсöг.

— Аддзанныд, мортыс сьökыд положениеысь петан туй корсьö, а оз помкаяс. И бура вöчö, колö сöмын ошкыны и мукöдлы пример босьтны. А лөсьыда думышtlөмөн век позьö аддзыны петан туй. Сетім öти жыртя квартира отделаc уджалысьлы — И Пименов водзö көсйысис отсавны мянлы. А кызд мөд ног? Государственной план — закон, и сійöс колö могмөдны любöй донөн. Көсьяныд кө планъяс тыр-тавны, колö йöзкөд унджык уджавны. Сёрнитны накөд частöджык, велөдны, инженерно-технической работникъяслысь дежурство лөсьöдны общежитиеясын, ыджыдджык удждон вылө ышöдны и сідз водзö, а не кияс кресталөмөн виччысьны: мый лоны лө. Сюсьджыка, сюсьджыка колö уджавны, директор ёртъяс! Вугралөм сорөн кө кутанныд нюжмасыны, и водзö некутшöм планъяс оз лоны. Но ме ог лэдз тiянлы вугравны. Тырмас! А коллы оз кажитчы — көть öні шыöдчөмнытö кырымала. Көді оз көсйы тышкасыны план вöсна — мед муно сэтчö, көні нем вöчöмысь удждон вештöны.

Кичигин чөв ланьтліс, видзöдыштіс пукалысьяс вылө да содтіс:

— Малеев, петав да водзвыв висьтав, мед смена вежсиг кежлас чукөртласны кирпич тэчысьяссö-садчикъяссö да ректысьяссö. Ме ачим накөд сёрнитла. Мекöд мунасны Малеев, Чисталев... — гөгөртіс видзöдласнас пукалысьясöс да сувтіс öдзöс дорас пукалысь кузь усьяса мужичöйö,— и удж да удждон отделса начальник Расов. Рапорт помасис.

— Энлөй,— кисö кыпöдөмөн сувтöдіс улöс вылысь чеччысьясöс Са-

жин.— Виктор Алексеевич, дась чукортчом вылысь пöжарной инспектор кöсийö сетны кутшöмсюрö юөръяс...

— Давай,— Кичигин довкинитис юрнас да кутис видлавны пызан вылас куйлысь бумагаяссö.

Сувтис кузь тушаа, форменной картуза, бокас полевой сумкаа пöжарник, тшапа кызöктис шамыртöм кулакас.

— Ёртъяс, ме тулыснас на видлавли тиян заводьяслысь пöжарной состояниесö да гижли тшöктöм. Но сийö тшöктöм серти, ёртъяс, тиян нинöм оз вöчсы.— Пöжарник вештыштитис полевой сумкасö да кöсийс мыйкö сетысь перйивны, но эновтчис, вылысь кызöктис кабырас.— Вот, шуам, Эжадор заводуын сэтшöм слабиник сирена сувтöдöмаось— öдва кылö...

— Да öд гора сиренатö кö ми сувтöдам да равöстам— йöзсö юр вошмöныс повзьöдам да ставыс садьтöгыс пышъясны,— шмонитыштитис Кичигин.

Пöжарник гоньгöдис морөссö, полевой сумкасö бөр вештитис мыш саяс.

— А сы вылö и сувтöдалам сиренаяссö...

Кабинетсö поткöдöмөн гримöбтис серам. Сöмын сёрнитысьыслөн чужöмыс важ моз зумыш вöли.— Ме некутшöм теш татысь ог аддзы: пöжар вылад котөрөн и колö пышъявны.

— Ладнö, абу тан менам театр,— воча шуис Кичигин.— Ти, Павел Иванович, асланыд кабинетö корöй сийöс водзöсö сёрнитны.

Йöз öдийö петалисны кабинетысь.

8

Кирпичной цехса гөрд пельöсын Кичигинöс виччысисны морт дас вит, унджыкыс вежсьöмаось, гортса сөстөм паськөмаось. Сöмын гозмөд морт съодасьöм уджалан спецовкаяснас на пукалисны клеёнкаөн вевттьöм пызан гөгөр да гораа зяткисны доминоөн. Найö и выль йöз воём бöрын эз вермыны пырсö ордчыны ворсөмсьыс, кытчöдз цех-

са начальнигыс, Сямтомов, эз чирьшт жинас öвтыштöмөн: «Тырма!» Ворсысьяс дышпырысь чечисны пызан сайсьыс да пуксялисны стен бердас сувтöдалөм лабичьяс вылö.

Кичигин пызан дорас матыстчигмоз видзöдлитис пукалысьяс вылö, видзаасис. Панис сёрнисö лöня, тэрмасьтөг:

— Ме сöмын на помали заводса директоръяскöд совещание и кирпичной заводса директоръяслөн рапорт бöрын думышти, мый колö тиянкöд, асьныдкöд, сёрнитлыны. Ме аскöд тшöтш вайöди Серафим Васильевич Лапинöс. Тöданныд, көнкө: миян медыджыд профсоюзной ен; удж да удждон отделысь начальникнымöс, Расовöс. Чисталев со миянкöд и, главной технолог, а сідз жö тиян асланыд директорныд— Иван Васильевич,— тöдмөдис локтысьясскöд пукалысьясöс.— Вот, кöсьям öтвылысь сёрнитыштын. Абу некод паныд?

— Абу, важөн виччысям. Весиг фототö нин вöли кöсьям корлыны да öшөдны красной уголокö,— наяна шуис öти, а мукöдыс гусьöникөн серöктисны.

— Тэныд эськө сöмын пиньястö жерйöдлыны, Суранов, да вина юны... Виктор Алексеевич пöшти быд лун миян заводö волö,— пинялис шмонитысьöс Сямтомов. А мөдыс сöмын паськыда шпынниялөмөн пельпомьяссö топөдлитис да öтарөмөдарö юрсö бергөдлитис.

— Нинöм, нинöм, Сямтомов ёрт, эн скöрав,— кыпыда шуис Кичигин.— Сідзкө, Сурановкөд ми эг на паныдасьлөй да сийөн оз и тöд. Мый нö, тадз и колö, Суранов, веськыда, мый кöсьян, синмас мөд мортлы висьтавны. Правильнö, миянлы частöджык колö паныдасьлывны, öта-мөднымлы висьтасыны, öтувья кыв да воськов корсьны. Сэки и уджным бурджыка кутас мунны. Мый могысь месö татчö вои? Висьталі нин тай, мися, сöмын на совещание вывсянь. И вот мый артмө: железобетонной, керамзитобетонной, нерудной заводьяс— ставныс планьяс тырталöны. Сöмын кирпичной заводьясын нинöм оз

артмы. Мый колö, медым и тi вер-
минныд план тыртны?

— Плансö чинтыны,—пырысь-
пыр жö вочавидзис гөлөс пельөс-
сянныс.

— План чинтöм — абу прорывысь
петöм, көть ме министерствоын
татшöм вопроссö и кыпöдi, и көс-
йысисны мыйкö вöчны. Но коркö
татшöмыс лоö ли оз на, а миянлы
өнi колö мöд петан туй корсыны.
Кирпич вöчөмсö чинтытöг.

— Тiян пö эм нин петан туйыс
да. Мый нö ещö корсынысö? Бур,
мый сьöкыд кипод уджъяссö көсь-
янныд бырöдны. Миянлы тай нева-
жöн Чисталев зэв мича серпасъяс
висьтавлiс.

— Да, эмöсь сэтшöм думъяс и
проектъяс. Сьöкыд уджъяс кутам
бырöдавны. Но тайö абу прöстöй и
тяп-ляп син лапнитiккостi оз артмы.
Кад колö, и оз этша кад. А кир-
пичыд стрöитысьяслы колö талун,
и аски — быд лун. А талун тiян
кирпич вöчөм кузя планныд сöмын
көкъямысдас процент вылö тырö.
Мый нö, өнi сэсся содтöд кисьтам
мый эм да кутам механизируйтчы-
ны? А кодi сэк костi кирпичсö
стрöитысьяслы вöчас! Оз, миянöс
некод оз лэдз сiдз уджавныд. Го-
сударственной плантö, ёртъяс, колö
и талун и аски тыртавны. А вот öт-
тшöтш и сьöкыд уджъяссö механи-
зируйтöм йылысь кутам думайтны.

— Но-о! — нюжöдiс öти том
морт.— Кывлiм нин татшöм сёрни-
ястö...

— Кыдз тiян овныд и ним-вич-
ныд? — дözмытöг юалiс Кичигин.

Мöдыс кокниа кыпöдчис лабич
вывсьыс да армияын моз, чужöм
вывсьыс нюмсö дзевтöг висьталiс:

— Ковальчук Григорий Василь-
евич, лунся сменаын ректысьысь...

— Тöдмасим, сiдзкö, Григорий
Васильевич, тэ том морт, комсомо-
лец, көнкö...

— Так точно, вöвлöм краснофло-
тец, коммунист,— армейскöй ко-
мандирыслы моз тшолкйöдлiс Ко-
вальчук, көть гөлөсас и кылыштiс
ворсыштöм.

— Видзöд со! — весиг шенмуныш-
тi Кичигин.— Да öд татшöм йö-
зыскöд Му шарсö позьö мöдар пут-

кыль бергöдны... Сетны кө налы
став позянлуныяс... Ме, ёртъяс, ыли-
тi кытшлавны ог кут, а со мый
вöзъя тiянлы. Шуам, 120 процент
вылö норма тыртiгөн кө сё бöрас
быд прöцент лыддыны куим пыд-
ди?..

— У-у-у,—пырысь-пыр шызисны
пукалысьяс.— 120 прöценттö вöчи-
гөн жар пачад суювъясыным петас-
ны...

— Энлöй, энлöй,—кияссö лэптö-
мөн лөньюдiс Кичигин.— Ме ог нин
босыт Ковальчук кодь багатыръяс-
öс, но и шөркодь мортлы норма
тыртны абу торъя сьöкыд. А омöль-
ясыд миянын оз и уджавны. Дерт,
кодкö кө пажынöдз кутас нель-ö-
витысь пуксьöмөн шпуткыны-курит-
чыны да пажын бöрын сiдз жö —
сэки кутшöм сёрни вермас лоны
норма йылысь! Либö, шуам, смена
водзвылас литра джын вина гу-
мыльтlöма да удж вылас öдва кок-
сö кыскалö? Сэтшöмыд оз сöмын сё
кызь, но и кызь процентсö оз вöч.
А медым норма тыртны, колö сö-
мын нормалнöя уджавны. А 120
процент вылö, дерт, уджавныд колö
сюсьджыка. Но öд сы пыдди пре-
мияыс кутшöм лоö! Быттьö норма-
өн джынйөн вöчин.

— А 119 вылö кө, шуам, кодкö
вöчис?

— А сё дас öкмысысь и удждон
лоö.

— Öти процент, и пыр жö сэтшö-
ма содö премияыс?

— Да.

— Ноко, кодкö артыштлöй, кы-
мын кирпич нö лоö сё кызь про-
центыс?

Сямтомов перйис дзольяник логар-
ифмической линейка да кутiс ар-
тавны:

— Звенолөн норма 12 тысеча, а
сё кызь процент вылö колö ректы-
ны 14 тысеча 400 кирпич.

— У-у-у, дас нель тысеча! — бара
шызисны пукалысьяс. Кичигин сю-
ся видзöдiс быд морт бöрся.

— Да-а, абу этша,— шуис сэс-
ся.— Но öд и премияыс сразу ку-
тшöм! Эм мый понда выныштчылы-
ны.

— Да-а!..

— Сiдз эськö да!..

— Виктор Алексеевич, — пырис сёрнио Расов. — Ми вед нормаястō да расценкаястō вежлавны ог вермōй...

— А код нō расценкаяс вежла-лōм йылысь сёрнитō? Расценкаяс кутшōм эмōсь, сэтшōм и кольōны. А тi, Расов ёрт, Серафим Васильевичкōд котыртōй бур ордйысьōм. Первой ректысьысьяслōн звенояс костын. Талун жō гижōй условияс-сō ордйысьōмыслысь и сәні индōй, мый звено кō тыртас нормасō 120 процент вылō, то сылы сетсьō премия. И куим пōвста вештысьōмыс премияс и пырас. Позьō тадзи, Расов ёрт?

— Ме ог тōд, колō гōгōрбок думыштлыны да артыштлыны...

— Некор дырсō думайтны. Аски асыв меным петкōдланныд условияс-сō и дасьтōй приказ. Аскисянь жō мед и заводитны. А кутшōм звено медуна вōчас, сылы быд лун колō сетны вымпел и вымпелыскōд нōшта шайт дас кымын. Вот сәк, ме думысь, и ордйысьōм лō. Сидз о́д, ёртъяс? — Кичигин нюмъялōмōн видзōдис пукалысьяс вылō. Найō код-сюрō вашкōдчисны ас костаныс, но пōшти ставныс вōлины гажа чужōмаōсь.

— Абу лēк, дерт, ставыс кō вись-талōм сертиныд лō...

— Кыззи ме шуи, сидзи и лō. Ме ачим медводдза вымпелсō сетны вола. А сы бōрын, Расов ёрт, думышtlōй, кыззи мукōд уджъяс вылас ордйысьōмсō котырны.

Кичигин бара чōв олыштіс да содтіс:

— Но, ме тiянōс талун манитышті. Абу кō некутшōм юалōмъяс, то талун кежлō, ме чайта, тырмас. Вайō бурджыка думышtlōй та-

лунъя сёрни йылысь да кутчысьлōй кыз колō ордйысьны.

Йōз о́дйō разōдчисны, и гōрд пельōсō колисны сōмын воōм войтыр. Кичигин гурнитіс пызан дорсьыс улōссō да вōлисти пуксис ёна мудōм морт моз. Лапин пуксис жō пызан мōдар помас, но мукōдъясыс колины сулавны.

— Аски, кык смена костас жō, Чисталев да Расов нуōданныд татшōм собраниесō Четлым заводын, а ми Серафим Васильевичкōд — Ягдінсаын. Серафим Васильевич, абу паньд?

— Татшōм сёрниясуд медся колана, Виктор Алексеевич.

— Вот и бур. Видзōдлōй тшōтш Расовкōд выль ордйысьōмыслысь условияс-сō да приказыслысь проектсō. Ми сьōрысь босьтам да собрание вылас и йōзсō тōдмōдам. И сёрниыс кокниджык лō. Сидз о́д, ёртъяс?

— Виктор Алексеевич, да о́д условияс-сō и приказсō аскиōдз ме ог удит гижны, — кевмысяна шыасис Расов.

Кичигин чорыд видзōдласōн муртыштіс сiйōс юрсяныс кок улōдзыс, и мōдыс быдсōн йōжгыльтчыліс.

— Тiян эм на и рыт, и вой, и асыв, и та мында кадыс али мый оз судзсьы нинōм абу кодъ удж вылас? Аски дас час кежлō мед ставыс вōлі менам пызан вылын. Виччысьныс унджык кадыс менам абу, — шуис и зумыд воськолōн, некōдōс кортōг, мōдōдчис о́дзōслань. Гōрд пельōсō кольōм отсасысьясыс здук-мōд шōйōвошōмōн сулалыштісны на, сәсся вōтчисны жō сы бōрся.

(Водзō лō на)

Дона да муса

Менсьым юалöй тi,
Мый мем светас медмуса,
И ме воча кыв корсьны
Сэк дырсö ог мöд:
— Нинöм вылö ог веж
Сöвет шондиа мусö,
Чарла-мöлöта флагöс,
Мый биьсь на гöрд.

Менсьым юалöй тi,
Мый мем светас меддона,
Ыджыд нимкодöн тыр,
Вочавидза ме сiдз:

— Лымъя эрдьяса му,
Менам чужан му — Коми,
Войвыв кодзувлöн дзирдыс
Да пармалöн мич.

Менсьым юалöй тi,
Мый мем олігам колö,
И ме воча кыв корсьны
Ог некытчö мун:
— Шуда вöлі мед йöз,
Кодкöд орчöн ме ола,
Кодкöд öтувья менам
И шогсьöм, и нюм.



Александра МИШАРИНА



Мыла сылан
Сьöлöм вылын,
Мед кöть слöта, зэра ар.
Арся войö
Дзирдöн койö
Серамбана Сыктывкар.

Абу важкодъ
Няйт да гажтöм,
Майбыр, талун абу чöв.
Кыпыд лола,
Мича, долыд,
Сійö виччысьö со тöv.


Коми муöй,
Мый кöть шуöй,
Абу зумыш, абу лөк.

Былын юра,
Тöдö бура
Водзö вылö ассьыс мог.

Лёкыс нэрмö,
Бурыс вермö.
Ёнджык öзйö сьöлöм би.
Кыптö ловным,
Кутам овны
Ёна мичаа на ми!

Нэмьяс кежлö
Олöм вежны
Эбöс эм и тырмас сям.
Локтан шудö
Эскöм кутöм
Лун-лун ойдö,
А оз ям.

ВАНЬО ВОК



ВИСЬТ



Гөрөм-көдзөм да пуктысьөм бөрын, кор садъяс вөччөны мича дзоридзьясөн, сиктын уджъясысь коласт овлө. Ми, челядь, сэк купайтчам полтойасын лун-лун, көдзыд на ва вылө видзөдтөг. Уялам полыйын, суналам, резям ваён — гажа али абу!..

Татшөм өти здукө кодкө горзыны кутіс:

— «Бородино» локтө! «Бородино»!..

Ю чукыль сайысь и збыль төдчыны кутіс юсь кодь еджыдтор.

Ой, кутшөм лэчыд гөлөса «Бородино»!.. Тутсігас ме пыр пышъя бокө и пельясө чуньясөс суйла.

«Бородино» со шлопкө-катө Сыктыв кузя, зэв нин бура тыдалө. Шызим-гызим челядь котыр, котөрттам крут кыр йылө, пекарня дорө, кытчө пароход пыр сувтлө.

Со «Бородино» сибөдчө кыр дорө, тутсансьыс дзижгө-петө пар, тайкө тутөстас.

Горзөны челядь:

— Тутөстө, тутөстө! Пельястө тупкө, пельястө!

Кодкө чирзө:

— Пышьямө бокө!

Ме лэдчыси йөр потшөс бердө, мед ог усь кок йылысь тутсігас, пельясө суйи чуньясөс. Аддза: пароход труба дор тутсаньсь еджыд ру пуркйө, а мем оз кыв немтор.

Лэдзисны пароходсянь кыр йылө трап и пароход гырк пытшкысь гузьгыны кутіс кыр йылө йөз. Коді мыйөн?! Пуысь и кучикысь чемаданаөсь... Чышьян тубрөсаөсь, ме-

шөк нопясаөсь. Ставыс тай челядь!..

Кыски ме пельясысь чуньясөс и кыла: «Ленинградса челядь воөмны!» Йөз чукөрын баба гөлөс ливкйөдлыны кутіс: «Ой, донаясөй! Збыль өмөй Ленинградьсь?! Бобөясө, коньөрьясө!»

— Мый сәні ливзөны?! Коньөрьяс, коньөрьяс — геройяс найө! Геройяс — вот кызд!.. — вомалө ливзысьсөс кок пөв йылас зіля бергалысь конюк Пронь, гражданскөй войнаса инвалид.

Сиктса нывбабаяс кутлөны, окалөны, бөрдөдөны воөмаясөс. Вьль йөз костын, и кор бөрдөны, ме пыр бөбмыла, сьөлөмлы оз ло лөсьыд, гашкө, сыысь, мый ме гортын эськө збой, а йөз дырйи полысь зэв. Видзөда: сиктсаяс ки пөлөдыс нуөдалөны воөмаясөс берегсянь. Вөтөда ме өтиөс, то мөдөс, коймөдөс, став дорас котралі, некод мем аддзөмторсө кисыыс оз лэдз. Сідзи ме и коли Ленинградса челядьтөг, эг төдмась некодкөд, он өд сәсся йөзкөд мырддысь челядьөн. И зэв жугыль ме вои гортө, и мед сайкалыштны шогысь, ветлі ассыным мөс вайөдны, сэк жө и төдмалі: сиктө пө детдом вөссьө. Детдом! Вөвлөм купеч Васькалөн пөвийөн

кышом кык судта виж керкаас детдом пö лоö!

Узыны ме воді усьпаныйыв пуксьомөн, но водз зэв чеччи. Отсышти мамлы картупель весавны да мый да и пукси öшинь курич вылö (ёна вöли ме радейта сэнi пукавны). Пукала и видзöда катыд, вöвлöм купеч Васька керкалань. Казяли: миянö кежис Марья Степановна, сельсöветса пред. Мамлы та йылысь пырысь-пыр юöрти, мамö ёна шай-паймунис, вольтöм гöстя пö пырö...

А гöстя сэн быттьö и вöвлöма, порог дорсянь и варовитö:

— Васильевна, зэв ыджыд могөн тэ дорö... Мопмöдан он?

— Мыйла ог, мыйла ог? Верма кö нин?— öтарö-мöдарö котралö керкати, джек-пызан вешталö-лöсьöдö, оз тöд, кытчö и воштысьнысö.— Пытшкöсас пыр, порог дорсяныс мый нин.

— Ог-ог. Ог эшты ёна!.. Ленинградсаясысь öти баб да внук... Лэдз, Васильевна, патераö... Кöть мöд керкаад, тövъянад...

Ме мамö дорö котöрти да ки пöлас кутчыси, шöпка: «Лэдз, мамук, лэдз!..»

— Мыйла нö ог? Мыйла ог? Лöсялас кö йöзыслы?— сёрнитö мамö да мыйлакö малалö-летö менсьым чорыд пратьяс руд юрсиöс.

— Сидзкö, позьö?..

— Позьö, Степановна, вешйы пызан саяс, мый лöсялис,— кыскыны кутис сой пöлöдыс предöс пызан дорö мам. Марья Степановна пыксьö да дольö:

— Ог! Ог эшты! Коркö мöдысь!..

Петис ми ордысь Марья Степановна да и тэрмасьöмөн мунис сикт катыд.

Воысьяс йылысь ме пыр жö юöрти Толя воклы, сийö ичöтджык мейсь. Ставөн босьтчим пелькöдны керка пытшкöс, асьыным и мöд олан керканымöс. Воккöд ми пыркöдiм да виль идзасөн сюялим перинаяс, тöлöдчим. Мамö чышкалис бусьяс, черань везьяс да мыськис джоджьяс кильчö помöдз, пукти́м самöвар, кодöс важөн нин эгö пюзьöдлöй. Синьяс ортöдз видзöдiм катыд, виччысям патерщикьясöс,

но найö эз воны, кöть лои нин вой шöр. Водалiм да виччысям. Войын некод эз лок. Водз чеччим. Сэки асьынас детдомсаяс телегаа вöлөн вайöдисны миянлы олысьясöс. Бабыс крукыльтчöма муöдз, кашкö ёна, кузь сьод сарапана, беддя. Дзоридзьяса еджыд чышъян увсьяс дзор юрси пратьяс син вылас лэччöмны. Внукуыс, тыдалö, визув: вежов синьясыс югнитлывлöны.

Мамö колхозö удж вылö кутис тэрмасыны, меным индис-велöдис мунтöдзыс, мый вöчны-овны. Мамö мунöм бöрын ме мöд керкаö петкөди кринча тыр свежой йöv, картофля сöчөнъяс. Мöдысь петавлигөн кори роч детинкаöс ас ордö ворсны.

— Тебя как имя?— рочася ме сыкöд.

— Ваня.

— Вай играем,— кыска ме ки пöлöдыс сийöс енув пельöсö, кöни Толя вок чачаясөн ворсö.

— Петкөдлы, Толя, асьыным пароходнымöс,— кора ме воклысь. Тайö пароходсö кык вок öтлаын вöчлим сейысь, мелйөн мавти́м косьтöм бöрас, нимти́м «Бородиноөн».

Но Толя син арыштöмөн ме вылö дзоргö, чужöмбаныс гöрд, паныд сувти́с, потшис чачаяслань миянлы туйсö, а «Бородиноöс» питшöгас сюийис.

— Тэ мый?— скöрми ме.

— Ог сет! Жугöдлас!— горöдис Толя.

Ме шогысь видзöдлi гöсть вылö, а сийö тракнитчис ме кийсь, котöртис öдзöслань, крапкис-петис керкаысь бöр. Ме сы бöрся. Ваня кымынь водöма вольпасяс да бöрдö, ставсö гөгөрвоöма, кöть и роч. Бурöдны босьтчыли, кыдья роч кывьясөн такöдны, но Ваня ёнджыка на бöрдны кутис. Скöр йылысь бöр котöрти гортö да топöди пельöсö вокöс:

— Тэ мый вöчан, яндысьтöм бугыль? Мый? Тэ йöй али тöлка? Мый öни сиктсаяс шуасны миян йылысь? Мый?

Толя чöv олö, нускö. Нöшта ёна вирöй пузис менам ырьянь чöv олысь вылö. Кватитi ме Толяöс шошаöдыс (верма: мем дас, а сылы сизим ар) и тойлалi ме сийöс гөбö-

чө да игналі сэтчө, гөбөч өдзөссө гезйөн сөрийө көрталі.

Ачым бара петі роч детинкаөс буродны. Коркө-некоркө зонка лөнис, мыссыөді ме сійөс да петім ывла чомйө ворсны. Ывла чомйын миян быдсямаыс жө вөлі: пес чуркаыс пилитөм көлесаяса тележкаяс, пусь жө тасыті-паньяс, сөйысь вөчөм гырничьяс, трактор-машинаяс, пароходьяс. Роч Ваньө лон рад, кутіс видлавны чомйысь чачаяс, ме сэк кості котөртлі карта сайө, сөй гуысь вайи лөз сөй, вөчи пароход:

— Ту-ту, Ваня!..

Ваня нюмъялө. Сэсся ме сөйысь мөді вөчны «Сивко» вөлөс, кодөн ме быд во юр кыскала видз вылын, но менам «Сивко» некыдз оз артмы, мыйкө кукань кодь тыдалө. Роч Ваньө шпыннъялө менам вөчөмтор вылө да «Му-у, му-у!» шуалө.

— Кукань,— висьталі ме, сэсся содті:— Знаешь? Это теленок — ку-кань.

Сэсся ме босьті джаджыйысь потөм пу пань да водзө велөді комиө:

— А это ложка — пань... Знаешь? Это ложка — пань, это теленок — ку-кань...

— Ку-кань, пань!..— гөрдлө Ваньө да чунынас индалө шуөмторьяссө. Мем усн дум вылө мамөлөн индөдыс, колө капуста кыскавны.

— Пошми,— жора ме Ваньөөс. Пуктасьяс дорө подөна векни туй миян амбара-вирича костөд мунө. Ме шевкъя-муна и друг крап-уси — сунгыси му бердө. Мый нө? Коді кокөс крукаліс? Кутім видзөдны Ваньөкөд, а си турун пратьясысь, кодьяс тані быдмөны туй пөлөн, лэч вөчөмны. Коді? Дзорьяла. Лэ-був пельөсысь синмө усылі кыйкъялысь Толя вокө. Сійө и лэчсө октөма. Ме малала доймөм нырөс, чышкала-пыркөда гачысь буссө и петкөдла воклы кулакөс. А Толя эльтчө:

— Он и кут! Он и кут!..— и петкөдлө миянлы кывсө.

Пуктасьяс кыскалім, сэсся гөдмалім — Толя петөма-пышйөма гөбөч өшинь пыр. Ваньөкөд восьла-лам гортлань, а Толялөн вуджөрыс тыдовтчыліс нин ылын, лыйө-пышйө карта сайясті. Ме горза сылы и

өвтча кулакөн. Ваньө гөгөрвоис да такөдө:

— Не дразни и не будет...

Менам юрөй пыр на пуө-уджалө, мөвпала, кутшөм нөшта выльтор петкөдлыны гөстылы. Кучки аслым плешкө: ягө кайлам, гашкө, тшакьяс нин петісны!

— Пойдем лес, Ваня?

— В лес? Зачем?

— Гриб искать.

— Грибы? Пойдем.

Кадыс водз на, мөвпала ме, став ягсө на котравны удитам, меным тшака местаясид төдсаөсь сідз, көть синтөг индала-вайөда сэтчө.

Кос ягын ме дыр котралі помысь помө. Ваня менам бөж пыдди, быттьөкө ме дорө көрталөма. Корси ме корси да өдва өти сюри. Ваня видлаліс менсьым сісь тшаксө да төдмаліс:

— Белый гриб.

— Да. Роч гөб,— вочавидзи ме.

Ме бара на котралі коз увьясті, но нинөм сэсся эз сюр, аддзылім сөмын кымынкө уртшак, кодөс ме кулялі да сөйим ульөн. Ме сэсся Поска Шор дорө кайигөн юалі Ванялысь тшакьяс йылысь, вөлөмкө, сійө сөмын картинка серти төдө роч поб да ельдөг, нэмнас абу сөйлөма тшак пуөмөн ни путөг. Ме висьтавлі көнджык кутшөм тшак медся быдмө, кызди сійөс вотны.

Палиб мылькьяс бокын ме пыр жө казялі оз тусьяс, воті содз тыр да вайи Ванялы:

— Пробуй.

Ваня видліс да дыр нювсис:

— Вкусный!

Ме висьталі:— Оз!

Сійө кывбөртіс:— Оз!

Ме радлі. Вотім чуман лякмөн да пөтмөн сөйим оз. Ме сэсся сук, чөскыд туруна Палиб гөра бокысь өкті азь гум кор, гөньө да сылысь вужьяссө. Ванякөд варовиті:

— Суп варим, чөскыд...

Палиб гөра йывсянь дыр видзөдім дзоридза видзьяс да гөрөм му-яс вылө, вөтлысыштім бобувьяс бөрся и чиркьяс куталім. Чукөртім-куталім чиркьясөс, кодзувкот карйысь кодзув колькьяссө ме өкталі мармелад банкаө, кодөс ме пыр кыскалі зептын. Зептын ме новлөд-

ла и көрт тувъяс да кольчаяс. Ворсанторъяс вылө ковмывлө быдторйыс. А Ванялы стөчмөді:

— Рыбачить пойдем, удочка знаешь?

— Удочка... Ерш, пескарь — о-хо!

— Вечером, когда заря...

— Ладно!— Ваня новлөдлө да нимкодьясө катшасинъясыс да купальничаясыс букет вылө.

Гортлань ми матыстчим мөс вайөдан кадө нин, а лэччигмоз пожөма ягысь бара на сюри кымынкө уртшак да кык роч гоб. Гортө воөм бөрын, Ванякөд өтвыв, ывлаын вөчыштөм плитаа пач вылын, ми пуим тшака шыд. Сэтчө ми тэчим и петшөр, кодөс нетшким канава бердыс, и Палибса азь гум коръяс, и шома турун, а пусьөм бөрас ме гудырті тшак ваө кык пань нөк. Во, тшак ва лои! Зэв нимкодъпырысь сөйим, пөтны он вермы. Чугун тыр пуөм тшак ватө муртса и кушөдз эг бырөдөй, колъыштім мамлы да Толялы.

А Толя вокө пыравлөма нин керкаө, нянь пөв вылысь картофеля сөчөнъяслөн лыдыс өна чинөма, а ачыс Толя некөн оз тыдав.

— Уф! Наелся,— сьөкыда вөрө Ваня пызан сайысь сувтөм бөрын.— Воздух, лес!..

— И речка!— содті ме.— Вечером!

Ми кайлім сөйөм бөрын межа вылө, турун сясөн весалам пинь костъяснымөс сөянысь, нянь кыдъясысь.

— Хорошо, тихо!— шуис Ваня.

— Мужиков нет, дети и матери не поют... Скучно,— рочала ме, сы вөсна мый меным забеднө, вирөй пуө Гитлер вылө. Ваньө, быттьө лыддьөма ме юрысь мөвпъясөс, другысь зургис пиганас Сыктывлань:

— Гитлеру шыш! Накося, на!..

Сэсса өдва ловъя кодь Ваньө унмовсис межа вылын, жуяліс, буракө, кузь лун ме бөрся кыскасьөмысь. Алөй-гөрд кыаа лөнь рытлөн чөвлунас кывліс мөсьяслөн да ыжъяслөн баксөмыс. Сикт пасьтала павъялө льөм пу дзоридз дук. Ме пөрччи ас вылысь батылысь пинжаксө да плавпи узысь Ваньө вылө, мед гут-гаг оз дөзмөдны, да жа-

ляддза эг и пальөд нин вуграсыны, көть унаысь матыстчывлі сы дорө видзөдлыны да садьмөдны. А аскинас став сикт петіс страда вылө. Ми мамкөд кыкнан вокным тшөтш — юр кыскавны. Сьөлөм выланым миян долыд.

Видз вылө мунтөдз роч Ванялы ставсө висьтавлім, кыдзи горт овны, и кокни сьөлөмөн, став йөзкөд тшөтш, тэрмасим видз вылө.

А рытнас миянлысь семьяөс виччысьөма шог.

Горт дорын телега вылысь чеччигмоз и сьөлөмөй менам юковтіс мыйкө абу лючки-ладнө кылөмысь, а мамө менө панйис, уськөдчис керка дорө, кытчө чукөрмөмаөсь йөз да кодкө ливкйөдлө кылө:

— Ой да мый нө нин да мый лөөма, кулө нин да!

Ме мамө бөрся сөйси йөз водзө, кильчө вылө. Кильчө вылын бок вылас куйліс роч Ваня да сьөкыда долаліс, кусыньтчывліс кык кусыньөн. Сійөс вукйөдліс, ачыс чужөм вылас то гөрдөдлө, то мел кодь еджыд лөлө.

— Больничаө колө нуөдны,— шыясис кодкө челядь пиысь, а кодкө ыджыд морт сылы вочавидзис:— Марья Степановна вөвла муніс нин...

Фельдшер Нина Ивановна бергаліс роч Ваня гөгөр: то юкталө йөлөн, то чуньсө сылы вомаc сөйө, медым пө восөдө. Ми мамкөд пөсьсө чышкалам Ваня чужөм вылысь, то кодзыд ваөн мысьсөдам.

Марья Степановна воис телегаа вөлөн, водтөдісны Ваняөс сэтчө перина вылө, телегаө жө пуксисны фельдшер да мамө. Райбольничаө мунісны.

Ме лысьті ассыным Сюрүкөс, юим воккөд свежөй йөв, но узыны эгө водөй, виччысим мамөс.

— Вов, мый нө лөөма, мый? Кулө оз нө, висьтав?.. Вова?..— юаліс Толя вок.

Ме арыштчи сы вылө:

— Тэ эн сөрнит! Эн шыась весиг!?

— Ме, ме нө мый вөчи?— бөрдзыны дась Толя.

— Мортсө дэ-дэльөдін!— өдва артмис менам, синва войтъяс төд-

лытөг гөгыльтчисны вом кӧтшӧ. И ме рытивбыд висьтавлі Толялы Ваньӧ йымысь, кызди найӧ тшыг нисьӧ пӧт вошласьӧмны-вӧйласьӧмны быдса тӧлысь Ленинград дорса нюръясын, сӧсся веськалӧмны партизанъяс дорӧ, а сӧсся и татчӧ Коми муӧ. И поездӧн, и пароходӧн, и быд ног...

— А ме... ме чайті ышмысь сійӧ,— шыясис Толя.

— Тэ чайтін, тэ чайтін,— нери ме вокӧс.— Тэ сійӧс дойдін, кор «Бородинотӧ» эн сет...

— Ме, ме...— Толя выльысь шогӧ уси.

Мамӧ больничаясь воис сёр, ми усыкӧдчим сы дорӧ юасыны.

— Отравитчӧма сійӧ,— жугыльпырысь юӧртис миянлы мамӧ.

— Мыйӧн?

— Код тӧдас, эз висьтавны,— шыясис мам.

— Мама!— чӧв олӧм мысти шыясис Толя.— Ваньӧыс сійӧ больничаяс жӧ куйлӧ, кӧні тай тэ бурдӧдчин, кытчӧ тай волім тӧнӧ видлыны?

— Сәні, пиӧ, сәні. Визинас ӧти больничая и эм.

Узим ли олім ли ми тайӧ жар, номъя, но лунъюгид войсӧ, ме висьтавны ог куж. Сӧмын зӧв водз кутім жӧдзны, а сӧсся ме казялі: Толя воши. Татчӧ-сәтчӧ, некӧн абу. Висьталі мамлы. Быдлаысь корсим, чуксалім — абу. А асья кадыс сы ӧдийӧ котӧртӧ, колӧ нин видз вылӧ

йӧзкӧд ӧтлаын петны. Мамӧ муніс, а ме кольччи да котӧрті сикт кузяла корсыны-юасыны вокӧс. Быд паныдасысьлысь юася, эз-ӧ адзывны Толяӧс. Сикт помын олысь дед шыясис: адззылі пӧ, ичӧтик детинка, кӧмтӧм, муніс кывтыд нюрлань, Визинлань.


«А!?!— кучкис мем сӧк юрӧ мӧвп:— Толя, буракӧ, Визин больничая Ваньӧӧс видлыны муніс?!». Визинӧдз ӧд дас вит верст дай Сыктыв ю вомӧн перевоз, яг кост вӧлӧк зӧв кузь и.

Котӧрті ме да котӧрті Сыктыв ю дорӧдз, ӧдва перевоз виччыси, сӧсся Пустӧшь кузя Визинлань мӧдӧдчи. Сикт помасьӧм бӧрын бара усыкӧдчи котӧрӧн водзӧ, лолӧй тырлӧ да сувтовкерла, бергӧдчыла да бӧрӧ видзӧда, оз-ӧ синмӧ машина усь, коді, гашкӧ, нуӧдыштас Визинӧдз. Оз, машинаяс оз вӧтӧдны.

Коркӧ и Визинӧ вои, а сӧсся и больничая, а сӧсся и Ваня дорӧ лӧдзисны.

Дыр ми варпим быдтор йылысь Ванякӧд, шензим, мый кутшӧм сюсь, небось, миян Толя, дарӧм дзоля — адзӧма туйсӧ Визинӧдз и больничаяӧдз, абу повзӧма. Толя пукаліс миянкӧд орччӧн да сылы вӧлі зӧв нимкодъ.

Ваня пагавлӧма гут кулан тшакъяс сӧйӧмысь. Врач ӧдийӧ бурдӧдіс Ваняӧс. Баба-внука сӧсся микӧд ӧти жырйын кутісны овны, ӧти сӧян дорын, а ми кызд куим вок.



Талунъя Вуктыл

*Висталӱ Е. М. АЛЕКСЕЕВ, народ-
ной депутатъяс Вуктыльскӱй район-
ной Сбвет исполкомса председатель*

Талунъя Вуктыл — газ перйысь-
яслӧн, буритчысьяслӧн, строитель-
яслӧн том посёлок. Дас во сайын
татчӧ воисны медводдза строитель-
яс. Дас во — абу ыджыд кад, но
кымын буртор нин вӧчӧма Печора
бокын озыр му вылас. Лои перйӧ-
ма пӧшти 119 миллиард кубометр
газ да 28 миллион сайӧ тонна кон-
денсат.

Вуктылсаяс кык воӧн срокысь
водз воӧдчисны газ перйӧм кузя
проектной вынйӧрдз да пыр содтӧ-
ны удж ӧдъяссӧ. Таво нин лӧӧ пер-
йӧма кельыдлӧз ломтассӧ 18 мил-
лиард кубометр. Химическӱй про-
мышленностьы тайӧ бур сырьёис
мунӧ Москваӧ, Ленинградӧ, а сідз
жӧ рытыввыв Европаса странаясӧ.

Могъяссӧ бура олӧмӧ пӧртӧмысь
Вуктылса газопромысловӱй управ-
ленияса коллективӧс наградитӧма
Трудӧвӱй Краснӱй Знамя орденӧн.

Паськыда нималӧ тані важ пред-
приятиеясысь ӧти — буритчан уджъ-
яс нуӧдысь Вуктыльскӱй управле-
нияса коллектив. Налӧн буритчысь-
яс Юрченков да Зимин аддзисны
тані медводдза газ.

Кык во сайын котыртчис «Коми-
газпромлӧн» джуджыд скважинаяс
писькӧдысь разведочной экспеди-
ция. Буритчысьяслӧн коллектив, ко-
дӧн веськӧдлӧ Завгородний ёрт, во
помӧдз шуис письменны 5 тысяча
800 метр джуджда скважина.

Бура уджалӧны «Вуктылстрой»
трестса строительяс. Дас воӧн на-

йö вöчисны уджъяссö витсё миллион сайö шайт дон. Коллектив таво мунö республикаса строительной трестъяс пöвстын медбуръяс лыдын.

Кольöм воясас Вуктылын быдмисны паськыда нималысь йöз. На пöвстын — Ленинской комсомоллön премия лауреат, газ перйöм кузя оператор Владимир Скурихин, Ленин ордена кавалеръяс Н. И. Кузнецов да В. П. Коснырев, каменщикъяслön бригадир Алексей Гуренко да мукöд.

Посёлок öдйö быдмö да мичаммö. Öнi танi уджалöны 1320 места вылö школа, ыджыд больнича, кык кафе. Сöмын бöръя кык воён стрöйтöма Культура керка, гостиница, столöвöй, магазинъяс, хлебозавод да мукöд объектъяс. Посёлокын заводитiс уджавны асфальт да бетон вöчан завод, кодi öти часөн дасьтö 25 тонна асфальт. Вуктылын нюжалiсны асфальтөн вевттьöм туйяс, москияс, газонъяс. Таво жö шуöма эштöдны аэропорт, телецентр, клубно-спортивной комплекс, детсад, «Вуктыльской» совхозын скöт видзан помещениеяс.

1975-öд вося мартын Вуктыл лoис выль районлön административной центрөн. Районлön экономической тöдчанлуныс зев ыджыд. Вонас сийö сетö продукциясö матö 130 миллион шайт дон. Вуктылсянь Ухтаö туй стрöйтöм да аэропорт сдайтöм бöрын районлön экономической тöдчанлуныс нöшта (на содас. Республикалön столицакöд да мукöд каръяскöд посёлокöс йитасны öнiя лайнеръяс — ЯК-40 да АН-24 самолётъяс.

Гырысь могъяс сулалöны районса уджалысь йöз водзын дасöд пятiletкаын. Газ перйöм колö вайöдны вонас 20,5 миллиард кубометрöдз. Сидзкö, эм мый вылын уджавны мупытшкöсса юзырлунъяс корсьысяслы.

Ыджыд вермöмъясөн пасйисны районса уджалысь йöз страналысь 60 вося юбилейсö. Вуктыльской газпромысловöй управлениеса коллектив августын на тыртiс вося социалистической обязательствояссö. Юбилейной вося могъяссö бура пöртöны олöмö и мукöд предприятиеяс да организацияяс.

Э Ж В А К А Т Ы Д Ы Н

Висьталё журналист Виктор НАПАЛКОВ

Бөръя воясё ёна матыс-мисны республикалён столицасынь Эжва вожса сиктъясыд. Любёй пёраё ми веськалам сэтчө либё самолётён, либё автобусён, либё теплоходён. Пароходъясён кө Сыктыв-карянь Кулёмдінөдз ковмыліс катны войколысь дырджык, то «Заря» катёдө көкъямыс часён.

Ылысянь на тыдовтчисю пёкатё мегырён моз пуксёём тайё ыджыд сиктыс. Джуджыд зібъяс йылын дөввидзёны телеантеннаяс, берег дорын гырысь грузёвёй теплоходъяс, мотора пыжъяс.


Кулёмдінө ме веськалісэк, кор нин муяс вылысь гидравсисны урожайяс. И дерт жё, окота вёлі тёдны, кыдзи Эжва йылын помалёны страналысь юбилейнёй восё.

Видз-му овмёс кузя районнёй управленнён веськөдлысь Серафим Филиппевич Дёмин — зэв прёстой, йёз дінё сибалысь морт, висьталіс:

— Пятилетка мөд вокежлө районса видз-му овмёсын уджалысьяслөн могъясыс вёліны ыджыдөсь. Тайё могъяссё найё честьён пёртёны олөмө. Октябрь первой лун кежлө нин лон тыртёма госу-дарстволы картофель да град выв пуктасъяс вузалөм кузя кык вося соци-алистическёй обязатель-ствояс. Картофельлысь медея озыр урожай быд-тисны «Усть-Куломскёй» да «Помоздинскёй» совхозъясын — шөркодья быд гектар вылын 242 да 218 центнерён. Йёртөдъясё район таво мөдөдіс матё 6 тысяча тонна картофель да тысяча 400 тонна град выв пуктас. Татшөм вер-мёмсё районлөн история-ын шедөдөма первойысь.

Яй иналөм кузя кык вося план районын мед-водз тыртис «Усть-Кулом-скёй» совхозса коллектив. Ыджыд удж нуөдсё тані продукциялысь качество-сё бурмөдөм кузя. Гы-рысь скөтсё овмёсын сдай-тёны шөркодья 400 кило-грамм сьёктаён. Тайё вер-мёмас ыджыд пайыс на-лөн, кодъяс збыльысь ло-

исны асланыс удж кузя мастеръясён. На лыдын кукань видзысьяс С. М. Тимушева, М. И. Напал-кова, З. И. Липина да му-көд. Кулёмдінсаяс бёрын-ай сдайтөм кузя кык вося заданне тыртөм йылысь рапортуйтисны «Пожегод-скёй» совхозса скөт ви-дзысьяс. Пёсь аттё кывъ-яс колё висьтавыны Вели-



кополье отделениеса ань-яслы П. Д. Шаховалы, Г. И. Трегьяковалы, Т. Б. Пашниналы да мукӧдлы, годъяс быд мӧслысь лысьтӧн куйм тысяча сайӧ килограмм йӧв.

Рӧдиналӧн юбилей водзын медуна йӧв лысьтис—ӧкмьис тӧлысьӧн быд мӧслысь 3 тысяча 400 килограмм — «Помоздинской» совхозса доярка Дина Николаевна Попова. Дина Николаевна кодъ войтырыс чуксалӧны-ышӧдӧны выль вермӧмъяслань мукӧдӧс.

«Помоздинской» совхоз республикаын нималана овмӧс. Ставсоюзса социалистической ордӧнъясмӧн итогъяс серти колӧм во совхозлы сетӧма КПСС ЦК-лысь, СССР-са Министръяс Советлысь, ВЦСПС-лысь да ВЛКСМ ЦК-лысь переходящӧй Гӧрд Знамя.

И быд вермӧм сайын — морт, сиктса труженик, кодӧ пыр содтӧ асьыс тӧдмлуныяссӧ, кодлӧн киясӧ пыр унджык воӧ вынйӧра выль техника. Тырмымӧн пасйыны, мый таво нин районса совхозъяссӧ воис квайтымын сайӧ трактор да кызь автомашина, мукӧд-сикас техника. Дасӧд пятилетка чӧжӧн видз-му овмӧс сӧвмӧдӧм вылӧ районын лоӧ видзӧма 13 миллион шайт — 1,7 пӧв унджык ӧкмьисӧд пятилеткаын серти. Матӧ кык пӧв содасны рӧскодъяс и сиктын капитальной стронтельство вылӧ — кыштасны выль олан керкаяс, социально-культурной учрежденнеяс, гаражъяс, скӧт картаяс. Ыджыд удж водзӧ кутас нуӧдсыны муяс да видзъяс бурмӧдӧм кузя.

Ӧти кывйӧн кӧ, районлӧн аския луныс нӧшта на югыджык да шудаджык. И став озырлуноӧ йӧз вӧчӧны асланыс киясӧн.

Эжва катыдын уна гырысь и посни сикт. Сэтчӧс йӧз олӧны ӧти кӧсейӧмӧн — вӧчны чужан мусӧ шудаӧн и вынйӧраӧн.

Ме волӧ «Усть-Куломской» совхозлӧн Дон отделениеӧ. Менӧ кыксис тайӧ сиктыс. Ме сӧнӧ велӧд-

чи витӧд-сизимӧд классъясын и окота вӧлӧ видзӧдлыны ичӧтдырся сикт да сэкся ёртъяс вылӧ.

Во дас сайын на Кулӧмдинсянь Донӧдз туйыс мунлис видзъяс вывтӧ. Арын автомашинаӧн веськавны сэтчӧ пӧшти вӧлӧ он вермы. Ӧнӧ, медся нийт пӧраас, райкомлӧн «газикас» выль туй кузя вайӧдӧс Донӧдз кызь минутӧн.

Муна сиктӧд. Эг нин аддзы семилетной школарысь керкассӧ, кӧнӧ велӧдчылӧ куйм во чӧж. Эг аддзы и ичӧтдырся ёртъяслысь керкассӧ, кытчӧ рытьясын волывлӧ артавны задачаяс. Уна-уна выль керка, верандааӧсь.

— Тайӧ детсад? — юалӧ ӧти керка вылӧ индӧмӧн воча лоӧм зонкалысь.

— Абу, дядя. Танӧ ми слам, — нумъевкерис сийӧ и киняулас портфельӧн котӧртис катыдлань.

Со тай, думайта, олан керкатӧ детсадысь эг вермы торйӧдны. Да и кызди торйӧдан, кор выль и важ керка шифер вевт улын, унаӧс ортысынысь эжӧма пӧвъясӧн да краситӧма. Сикт горувтӧ сяльгӧ-визувтӧ Кулӧмъю. Сийӧ быттьӧ ляпкалӧма да векъяммӧма, но чужӧмбаныс важ кодъяс — зэв сӧдз. Юыс озыр быдсыма черинас. Сиктса йӧз висьталӧны, мый сьӧкыд воясӧ Кулӧмъю видзис унаӧс тшыг кулӧмысь. И ӧнӧ сылӧн озырлуноӧ чӧсмасьӧны сиктса войтыр. Син водзын ме кутӧ юлысь мичлуноӧ и сӧк, кор чужисны тайӧ строкаясыс:

Абу паськыд ни джумъя,
Гачтӧг вомӧныс вуджан.
Кӧсьян — изъяссӧ

лыдды

Войся кодзувъяс пыдди.

Кӧть и нимыс тай —

Кулӧм,

Сийӧ паськыда тулӧ.

Лӧбзьӧм водзвылас юсыс
Васӧ юлӧны юсыс.

Да, гажанӧ поздысьӧмаӧсь донсаясыд — джуджыд нӧрыс бокӧ. Кышӧдчан нӧрыс йылас и син водзад вӧссьӧ помтӧм-дортӧм парма. Ылын, войвывладорас, енӧжсӧ люкалӧ Парма-чурк гӧра. Уна во сайын сӧнӧ вӧвлӧ олан кер-

ка да пывсян. Овлӧма сӧнӧ Жежимса ӧти вӧралысьлӧн семьяыс. Керкаыс и пывсяныс мича лунъясӧ бура тыдалисны весиг прӧстой снӧмӧн. Асыввывладорас уна рӧмӧн портмасьӧ Дон тылӧн паськыд отыс. Сиктса чери кыйысыс быд во сдایتӧны сэтсыс уна тонна прӧмыс. А ты берегса вӧртъясыс озырӧсь быдсыма вотӧсӧн, зверь-пӧткаӧн.

Унатор вермасны висьтавны Дон сиктлӧн колӧм кад йылысь олӧма йӧз — Григорий Васильевич Кузнецов да Степан Андреевич Нестеров. Кыжнанысь найӧс ме тӧда зэв важӧнсянь. Г. В. Кузнецов вӧвлӧ ветфельдшерӧн, частӧ волывлӧс Жежимӧ лечитны скӧтӧс, С. А. Нестеров — избачавлис и учителявлӧс Жежимын (ӧнӧ тайӧ деревняас Дон отделениелӧн бригада). Г. В. Кузнецов помнитӧ на революцияӧдзса олӧмсӧ. Ачыс косясис Кай-Чердынской отрядын гражданской война дырӧн, дорӧис Советъялысь власть. С. А. Нестеров тайӧ жӧ властьсӧ да мянлысь мунымчӧс дорӧис Великой Отечественной войнаын. Бӧръя война вылӧ Доньыс мунлис 132 морт, а чужан сиктас бӧрсӧ воисны ветымыныс. Морӧс тыр орденъясӧн да медальясӧн бергӧдчисны Михаил Изосимович Тимушев, Иван Алексеевич Кузнецов, Александр Васильевич Нехорошев, Евгений Николаевич Напалков, Ананий Иванович Нестеров, Андрей Григорьевич Кузнецов да мукӧд. Налӧн портретъясыс ӧшалӧны Культура керкалӧн фойеын. А усьӧмъяслӧн нимъясыс сиктшӧрса обелиск вылын.

Найӧ, кодъяс помнитӧны 60—70 восайса олӧмсӧ, тӧдӧны, кутшӧм пемыдлуны да тшыглуны виджыдавлис сиктын.

Сӧмын Великой Октябрь югзьӧдӧс аслас кыӧн медся пемыд пельӧсьяс. Сылӧн югӧрыс воисныськӧдчис и Донӧ. 1927-ӧд воын танӧ первойысь котырчис му вӧдитӧм ку-

зя товарищеской общест-
во. Сёрнджык вощис
лыддысян керка. Комы-
нөд вояс заводитчигөн ко-
тыртчисны медводдза кол-
хозъяс — «Вермасьом» да
«Коми парма». Найө пер-
войсө отувтисны 21 семья-
өс. Сьёлөмсяныы найө
босьтчисны уджө: тулыс-
арын — муяс вылын, тө-
лын — вөр лэдзанинын.
Кызди казытылө С. А.
Нестеров, 32—33-өд вояс
сезонын «Коми парма» ар-
тельса том йөзлөн кер лэ-
дысь бригада республика-
ын босьтөма первой мес-
та. Тайө бригадаас жө
уджавлөма и Степан Ан-
дреевич. Коллективыслы
сетөмаось денежной пре-
мия да гудок, а бригадир
Е. А. Нехорошевы —
часи.

Отарө озырмисны
өтувья овмөсьяс. Кутис-
ны ёна стрөитчыны, вощис-
ны тракторъяс да авто-
машинасы, öзйис электри-
чество. Бура уджаломысь
кыкнан колхозыс вөвлны
Ставсоюзса выставка вы-
лын участникъясөн. Бө-
рынджык найө отувтчис-
ны Калинин нима öти кол-
хозө, а 1965-өд воясьн
тані совхозлөн отделе-
ние. Бөръя сизим вөсө сы-
өн веськөдлө Мария Кон-
стантиновна Нехорошева.
Сыкөд ми төдмасим «За-
ряөн» Кулөмдинө отлаын
кайигөн на. Волөма вид-
лыны Тамара нывсө, коді
велөдчө Сыктывкарса уни-
верситетын.

Унатор йылысь удитім
варовитны Мария Кон-
стантиновнакөд. Медводз,
дерт, овмөслөн сөвмөм
йылысь. Бөръя воясө от-
делениеын стрөитөма
выль скөт карта, овоще-
хранилище, складъяс,
выльмөдөма гараж, Же-
жимса бригадаын вощис
рыль школа. Неважөн во-
ис вынийөра выль пилора-
ма. Сыөн тырмымөн ку-
тасны дасьтыны тьёс-
плака. Сөмын таво отде-
делениелы сетисны кык
трактор да öти автома-
шина. Талун Донса муяс

вылын уджалоны 20 трак-
тор да автомашина. И ме-
ханизаторъясыс уджык-
ыс том йөз. Мария да
Петр Павлоевъяс — гозъя,
кыкнанныс механизатор.
Трактор руль сайө таво
пуксис и налөн нылыс —
Тамара. Отделениеса бух-
галтер Н. Н. Тимушева
артыштіс щөты вылын
механизаторъяслысь тө-
лысья шөркодь удждонсө
да воөдчис 250 шайтөдз.
Тайө — содтөд донъястөг
да премиястөг. Матө
200 шайтөн төлысь бось-
төны и скөт дөзьөритысь-
яс.

Бура уджалө отделе-
ниеса коллектив юбилей-
ной войн. Картупель сдai-
тан плансө вевтыртөма сө
тонна вылө. Овощисө ина-
лөма кык пөв уджык за-
дание серти. Став вермө-
мыс, дерт, йөз сайын.
Торйөн көсийысьсө пасйы-
ны шоферъяс И. А. Тиму-
шевөс да Н. В. Нехороше-
вөс, трактористъяс Д. А.
Тимушевөс да Н. Т. Куз-
нецовөс, скөт видзысьяс
С. М. Тимушеваөс да
А. Н. Павловаөс.

Сикт томмө. Школа по-
малысьяс кольччөны удж-
авны чужан сиктө, а сэс-
ся бара велөдчөны водзө.
Ухтаса индустриальной
институтын öни велөдчө-
ны Надя да Маргарита Ти-
мушеваяс, Надя Липина,
Воркутаса медучилище-
ын — Ангелина Тимуше-
ва, Сыктывкарса универ-
ситетын — Тамара Нехо-
рошева, Сыктывкарса
сельхозтехникумын — Ва-
лентина Ульнырова, сель-
хозинститутын — Альби-
на Липина.

Уна нывка да зонка му-
нисны школаса ветеранъ-
яс Надежда Ивановна
Кузнецовалөн да Анна
Степановна Липиналөн ки-
яс пыр. Народной просве-
щенниеса отличникъясөс
неважөн паськыда ыдж-
дөдлісны культура керка-
ын. Отлаын босьтөмөн на-
йө быдтисны-велөдисны
том поколениеөс 66 во.

Сиктын ставыс вөч-

сьө сы могысь, медым
йөз вермисны бура уджав-
ны и кышыда шойччыны.
Донын нель магазин, сто-
лөвөй, быт комбинатлөн
заказъяс примитанін,
став челядьөс иналөма
сайдй да яслиө.

Рытнас йөз тэрмасьоны
Культура керкаө. Сэтысь
директор Валентина Та-
рабукина заочнөя пома-
лө культпросветучилище-
лысь театральной отделе-
ние. Ыджыд удж нуөдө
Культура керка. Худо-
жественной самодетель-
ностыын ворсөны сө сайө
морт, гырысьяс и челядь.
Фольклорной группаын
кө ставыс олөма йөз, ныв-
бабаяс, то агитбригадаын
томъяс — нывъяс да зонъ-
яс. И быдлаын художес-
твенной руководитель Ва-
лентина Королева, коді
ачыс и баянисталө.

Культура керкалысь та-
вояс программасө пөшти
ставнас снөма Великой
Октябрлөн юбилейлы. Сі-
йө муно «Сиктлөн лето-
пись» ним улын. Некод
оз коль бокө — ни удж-
вывса, ни войнаса, ни пар-
тияса, ни комсомолса ве-
теран.

Быд во культура керка
котыртлө шөркодья сө ме-
роприягье. Сьылысьяслөн
коллектив унаысь высту-
пайтліс республиканской
радио да телевидение пыр.
Сиктса культура керкаяс-
лөн Всероссийской смот-
рын вермөмъясысь Донса
культура керкаөс награди-
төма Дипломөн.

...Сикт весьтө пуксьө
рыт. Керкаясын и улич
вылын öзйоны Ильичлөн
лампочкаяс. Видзөдан
рытъя пемыдас и гөгөр
кажитчө мойд кодьөн —
тасянь бура тыдалоны Ку-
лөмдинын öзйысь бияс.
А енэжас дзодзөг моз тша-
па петөма төлысь ас-
лас дзодзөгпянкөд — ко-
дзувъяскөд. Муяс быт-
тьө оз и торъявлы енэж-
сыс. Гөгөр пунс олөм.
Сөмын ылын, войвылын,
лөня узис Парма-чурк
гөра.

История бергөдчигөн

*Октябрьскöй революцияса да гражданскöй войнаса ветеран,
Краснöй Знамя да „Знак Почета“ орденъяса кавалер
Иван Васильевич ОДИНЦОВЛÖН висът*



Ме чужи Емва бокин, Емдін вөлөстьса Березник сиктын 1897-өд вося сентябрь 27-өд лунö крестьянскöй семьяын. Бать-мамлөн вöлис 14 челядь. На пöвстысь витөн кулисны 5-6 арöсаөн, а став мукöдыс, öкмысөн, быдмим. На пöвстын нель вок: Василий, ме, Михаил да Николай да вит чой: Анна, Марфа, Александра, Елизавета да Ганна. Та ыжда семьясö колö вöли вердны-юктавны, көмöдны да пасьтöдны! А ёна-ö вердис миян му? Ас няньным тырмывліс, зев нин урожая воясö, сöмын выль воөдз, а сөсся ковмис кыскö ньöбны. А мый вылö? Та вöсна менам батьлы — Василий Филипович Одинцовлы — пыр ковмис корсьны плöттичайтан удж кыскö бокусь. А крестьянскöй уджсö ковмис кыскыны менам мамы — Евдокия Семеновналы да миянлы — челядьлы. Квайт арсянь нин пукалі вöv вылын да агсаси, öкмыс арсянь ытшки гөрбуш косаөн, а дас кык арсянь кыскалі кер.

Быдми ме вöсни-посниөн, нэрөн, — ыджыд семьяд нинöмысь вöли паськавнысö. И вöрын уджалігөн кочкис коскö. Муртса эг кув. Бурдöдис менö массажьясөн да турунысь вöчöм кутшöмкö ас лекарствоясөн асланым сиктса пöрысь пöчö. Аттьö сылы. А вот менам Михаил вок тадз жö гөг вужсö орöдис да и куліс. Кызь нель арöса зон. Сьöкыд вöли сөки олöмыс.

Менö ёна кыскис велöдчыны. Но сөкся кадö тайö көсйöмсö сьöкыд вöли збыльмöдны. Оні пöшти быд сиктын среднөй школа, а сөки миян Емдін вөлөстын, кытчö пырліс 15 сайö посни сикт, вöли сöмын 2 церковно-приходскöй да öти земскöй школа, көні велöдисны сöмын лыддысьны да гижны, төдмöдыштисны арифметикаөн, а сөсся дөжналисны енлысь «законъяс». Ме тайö куим класса школасö и помавлі асланым Емдін сиктын.

1913-өд во заводитчигөн семьяын нужда заставитіс менö пырны потребительскöй обществоö удж вылö. Первой вöли рассылнöй детинкаөн, котралі сэтчö и татчö, кытчö ыстасны. А сөсся индисны вузасысьсö да вои магазинса заведующöйөдз.

Тайö каднас öйис первой мирöвöй война. Том йöзöс нуисны армияö. Пöшти быд керкаын бөрдом да ойзöм, курыд синва. Но ещö ёнджыка бөрдисны нывбабаяс сы бöрын, кор кутісны воавны похороннöйяс. Некодлысь нимкодълун эз кыпöдны и найö, кодъяс бөр воисны асланыс гортъясö ки пöвтөг, либö кок пöвтөг. Öд быдöнлөн семья, сйöс колö вердны, а ки пöвнад кыдзи кутан вөдитны видз-мутö?

Кад исковтіс, а войналөн помыс эз тыдав. И миянлы кутісны дөжнавны:

— Воас и тиянлы фронт вылö мунан лун. И ті кутанныд панявны роч сарлысь салдатскöй рок!

Лешöйис мед эськö нуис тайö роксö! Кодлы окота көнкö йöз муын том кадö кувны, либö кынмавны көдзыд да ва окопъясын, вердны сэн тойяссө аслад вирөн? Война некодлы эз вöv муса. Воис öчередь и миянлы: 1916-өд вося июнь 19-өд лунö меным да менам ёртъяслы — Питирим Махавкинлы, Максим Быковлы да мукöдлы вайисны повестка призывайтчыны армияö.

Призывайтчим Яренск карын, став уездсыс том йöз — емвасаяс, удорасаяс, эжвасаяс — 600 гөгөр морт. Яренскöдзыс кывтім пароходөн. Сйö вöли тырöма йöзнас, бергөдчыны он вермы. Но пристаньясысь пыр на сölісны и сölісны призывникъяс. Быдлаын ойзöм, быдлаын синва.

Помнита, мян пароход сувтіс Гам берегө. Лэдзисны трап,— дебаркадерьяс сэк эз вöвны. Трап дорас, медым видзны пöрадок, сувтіс дзирдалан парадной формаа урядник. Уджалысь йöз татшöм начальствосö эз радейтны: Коми му сэки вöліс ссыль-нойяслөн крайөн, и урядникьяс да стражникьяс сьöлөмсяныы служитисны роч самодержавиелы, дзескөдісны народос. Тыдалö, усьöма төд вылас тайö öти зэв ён, вына мускульяса призывниклы. Сійö локтіс трап дорас да кыз тай лöсыштис урядникыдлы, пароход вывесье сійö сідзи и тімбыльтчис ваö.

— Уф, уф! — сәні горзö. — Кутöй злөдейсö!

Но сы мында йöзсьыс кыс нö сійос кутан? Да и призывникьясыс оз вузасыны асланыс ёртьясөн. Кучкыс зонмыс сідзикөн и вошис йöз костас. Урядник прамöя купайтчис, и мянлы вöліс гажа.

Тайö лоөмторйис эз коль некутшöм мератöг. Кор воим Яренск дорö, пароходыс эз берегас сувт, а бергөдчис да сувтіс ю шöрас, якөр вылö. Час кык сәні сулалім. Сәсся берегас тыдовтчис салдатьяслөн вооружённой взвод. Тыдалö, Гамсяныы урядникыд юөртöма, мый пароходас призывникьясыс абу зэв надёжнöйöсь да колö примитны мераяс, мед мыйкö эмöльдзык эз ло. Сöмын вооружитчöм салдатьяс воөм мысти мянöс чечкөдісны берегө да карас (сэтчөдз колö вöлі мунны 4 верст) нуөдісны конвой улын, быттö арестантьясöс.

Яренскын призывникьясöс овмөдны казармаяс эз вöвны. Кыс найö ичöt уездной карлы, көн и керкаясыс пуыс да посниöсь. Та вöсна ми овмөдчим кодi кытчö кужис. Ме жö бать-мамкөд (найö менö колльөдісны) сувті Марфа чой ордö. Сійö вöлі татчö мунöма Степан Федорович Попов, либö Тöчила Степ сайö верос сайö.

Приёмной комиссия став призывниксö, дерт, эз вермы примитны öтпырйö. Та вöсна призывникьяс öчередь виччысян кадсö коллялісны гимнастической горка дорын. Кодi кавшасис потш кузя, кодi видліс киясыслыс вынсö сод кузя каттыссьöмөн. Сöмын öткымынъяс вермисны воөдчыны дасөд кымын ступеньöдз, сәсся эновтчылісны. А колö вöлі кайны сод помөдзыс ставсö 42 тшупөд. И ме кутi тшöтш гыжъявны юрös. А друг на кая помөдзыс? Ог, ог вермы. Серамвыв воа.

Сэк ме казялі: локтö öбед вылыс аслас пыскөд военком. Быттö кодкö йөткыштис меным бокам. Ме уськөдчи сод дорö да кутi ур моз тривкйисьны кияс вын помыс вывлань и нелямын кыкнан тшупөдсö кайи. Военком сувтіс да ме вылö видзөдö,— дарөм пö кое печкан кодь, со мый сійö вöчö! Кияс вын помыс жö ме бөр лэчки медулыс тшупөдöдзыс и думайта: «мудзи эг?» Качайтчыштi кияс вылын, кыла, мый вын эм и мөдыс кайлыны. Кайи öд. Мөдыс да ещö коймөдыс. Ньöти шойчывтöг. Ставлөн паскалісны синьясыс, видзөдöны, шензьöны.

— Вот так морт! Цыркач!

Юрсö дорлөдліс и военком. Сійö весиг локтіс ме дорö да тапнитис пельпомам:

— Шензьөдін öд менö, зонмöй. Ачыд кос, а сöна. Молодеч!

Медицинской комиссия менам ёртьяс пöвстыс Максим Быковос индöма пехотаö, а Питирим Махавкинöс бракуйтöма. Некутчö пö он шогмы — слаб. А меным мый вöзйö рök?

Пыри ме комиссия вылö да военкомлы мыччи повестка. Сійö видзөдліс ме вылö, нюммунис да юалö:

— Здоров?

— Здоров,— ме вочавидзи.

Менö мерайтисны-керисны, сувтөдлісны вески вылö, а сәсся ас костаныс мыйкö шөпкөдчисны и сетисны кутшöмкб лөз бумагатор, дзик талончик ыджда:

— Со тэныд. Верман мунны.

Ме эг и видзөдлы, мый сэтчö гижöма. А ёртьяс юасыöны:

— Но кытчö тэнö? Пехотаö, али?..

— Ме ачим ог төд,— налы вочавидза.— Со мен сетисны бумажка.

Найö кватитисны сійос да лыддьöны: «Флотö. Октябрь 1-й лун кежлö воны Петроградö».

— Видзөд, кыз тэныд везитö! Босьтöмаөсь флотö да ещö сетöмаөсь отерочка! Шуда!

Отерочкаыс меным зэв ёна шогмис. Гөжөмбыд ме отсаси бать-мамлы то пуктыны турун, то идравны нянь да град выв пуктасьяс. Аттьö военкомлы, мый сетис отерочка! Жаль сöмын, мый овсö ог помнит.

Арнас мунім Петроградö. Уна том йöз, кодьясöс вöлі босьтöма флотö. Миянкөд тшöтш мунисны сэтчö Турьяыс — Василий Иванович Некрасов, Раковицаыс — Илья Подоров, Емва Сьöськаыс — Иван Федорович Пудов, Визыс — Николай да Александр Люосевьяс, Часыс — Цывунин да мукөд. Миянös нуөдіс Фөдор Елсуков.

Ачыс Яренскыс. Флотö жö вöли босьтöмась. Став зонъяс вöлины зэв дружнöйöсь да бурöсь. Мен торйөн сьёлöм вылö воис Вася Некрасов. Сийö бура ворсис гудöкөн и пыр вöчис шутка да серам,— сылөн вом дорыс нюм эз куслыв. И кутим сыкöд ми дружитны.

Петроградын мянöс овмöдисны Крюковскöй казармаясö, Николаевскöй пос дорö матö. Койкаяс сэн некутшöм эз вöвны, узылим куш пöвъяс, наръяс вылын дзик заключённöйяс моз. Но вердисны бура. Пöттöдз вöли ставыс тырмö и ещö кольö на. А вот карö эз лэдзлывны, и мый сэн вöчис, ми нинöм эг тöдöй. И газетъяс лыддыны эз сетны.

Мый йылысь ми сэннi сёрнитим ас костын? Дерт, асланым гортъяс йылысь, казъ-тылим тöдсаясöс, матыссаясöс.

Öтчыд Вася Некрасов и шуö:

— Эх, Ваня, ваймам ми танi, тайö пемыдинас, уджтöг, а гортын кöнкö öни мян өртъяс тар лыйöны.

Вася вöлис ичöтсянь кыйсыны радейтысь. А сюрö вöли сылы кыйдöсыс и вöрысь, и ваысь. И öни, дерт, кор казътас гортё, сьёлöмыс ёнтö.

— Эн шогсы,— шуа ме сылы.— Тэ кö он вермы кыйсыны, тэ пыдди кыйсыны вокъясыд. Тэнад воигкежлö кыясны сы мында пöтка, мый тырмас кызь во кезлö,— шутитышти ме.

Вася öвтыштитис юрнас:

— Вöлисны кö гортынöсь, эськö кыйисны. Сёрни абү. Но сыын и делöыс, мый найö абү гортынöсь.

— А көнöсь нö?

— Көнi öни том бур йöзыс? Тышкасьöны немечкöд. Николай — көнкö Карпатъяс дорын, а Ёгор... көнi сийö, ме и ачым ог тöд. Нинöм оз гиж. Да и гижнысö сийö оз куж — велöдчытöм.

— А чойяс эмöсь?

— Эмöсь. Анна да Мария. Налөн верöсьясныс фронт вылынöсь жö. Ме торйөн тöждыс Маша верöс вöсна. Гортас сийö, Турья — Глотова трактлы трасса весалигөн, веськавлис пу улö да воөн-джынийөн садьтöг куйлис больничаян, а петис сэсь — öдва код морт моз ветлöдлö и нуисны война вылö. Воуйтö көнкö Лицк дорын. Вевъялöма нин и ранитчывны. А öни, гашкö, и дзикöдз виисны. Йöй пуляыд öд оз юав, кодöс ытшыкытны.

Вася Некрасов вöлис зэв чувствительнöй да йöз шог кылысь мортөн. Сийö мөвпалис да тöждысис быдөн вöсна. И Раковицаыс Илья Подоров вöлис пöшти сэтшöм жö. Сийö пöгибнитис юнкерьяслөн пуляыс.

Крюковскöй казармаясын ми дыр вöлим карантинын. Сэсся муним медицинскöй өсмотр. Та бöрын мянöс ставнымöс индисны ротаясö. Миян казармаясь унаөн веськалисны Дерябинскöй казармаясö, Васильевскöй остров вылö. Ме коли Крюковскöй казармаясö,— менö индисны писарьяслөн да каптенармусьяслөн 4-öd ротаö. А менам друг Василий Иванович Некрасов веськалис 16-öd ротаö да овмöдисны мян казармакöд воча казармаö, неыджыд канал сайö. Сöмын ротаясö индалöм бöрын мян заводитчис военнöй велöдчöм, Марсовöй поле вылын.

Воём мысти первой кадас кö мянöс вердисны зэв бура, то бöрын шыдным кизьöрмис и кизьöрмис. 1917-öd во заводитчигөн нин мянлы нянь кутисны сетны воддза серти коймöд пайсö, либö öти тув. Öния ногөн кö, 400 грамм. Тайö и гөгөрвоана, армияö вöли босьтöма странаысь 14 миллион мортöс. Кодлы вöли сэн гөрны да кöдзны? Эз узны и спекулянтъяс. Ас кабыр уланыс найö тшöтш кыскисны кутшöмкö пай, медым бöрас кызтыны на вылын зепъяснысö.

Империалистическöй война ставлы вöлис зывöк. Сийö озырмöдис капиталистъясöс да мукöд озыръясöс, а уджалысь йöзлы вайис сöмын жертваяс да шог. Та вöсна странаын помысь помöдз швачöдис важ мирлөн стеньясö революциялөн гы. Стачкаяс да манифестацияяс мунисны Петроградын, Москваын и мукöд гырысь каръясын. Тöдiм-ö ми та йылысь? Ньöти эг. Весиг эз висътавлыны мянлы январь 9-öd лунся Кровавöй вöскресеннö йылысь. Миянöс видзисны казармаясын йöй ыжъясöс моз, кодъясöс кытчö вöтлан, сэтчö и муноны, и некытчö эз лэдзлыны февральскöй буржуазно-демократическöй революцияöдз.

Тайö революциясö ми паныдалим тадз.

Миян ротаным вöли пырö Мөдöд Балтийскöй флотса экипажö, кодөн командуйтитис генерал-майор Гирс, национальность сертиыс немец, ярöй черносотенец. Сийöс ми казармаясысь некодыр эг адзывлöй. Көнi мый вöчис, ми эгö тöдöй, сöмын нимсö да званиесö и кывлывлим. А 1917 вося февраль 27-öd лунö (важ стиль серти) сийö

локтіс мян казармаӊ 9 часын кымын рытнас, петкӊдіс мянӊс плац вылӊ, сувтӊдіс стройӊ да шӊӊ:

— Петроградын бузитӊны рабочӊйяс. Найӊ вӊчалӊны стачкаяс да политическӊй демонстрацияяс. Уджавнысӊ налы дыш да вот и паськӊдӊмаӊс вомьяснысӊ да горзӊны: «Нянь, нянь мянлы колӊ! Вайӊй мянлы нянь!». Ми нянь налы сетӊм. Но и та бӊрын найӊ оз кӊсӊйны миритчыны, станокьяс сайӊ оз сувтны. Мый пӊ найӊ кӊсӊйӊны? Путкыльтны царӊс да котыртны революциялыс власть. А мый тайӊ лоӊ? Россиялӊн катастрофа, гибель. Со мый сӊйӊ лоӊ. Эӊ сетчӊй тӊ рабочӊйяслӊн агитациялы, сулалӊй асланыд подув вылын!

Гирс тшӊктӊс сетны мянлы 25 патронӊн морт вылӊ, сӊсся водтӊдіс лым вылас да сетӊс приказ — сюся видзны казарма ворота бдзӊс, мед мян дӊнӊ сӊт ни бти рабочӊй эз пыр. Мянӊс, том матросьясӊс, кодьяс нинӊм на оз тӊдны, Гирс вооружитӊс, а важ ветераньясӊс разоружитӊс.

Февральскӊй лым вылын ми куйлӊм вой шӊрбӊрса часӊдз либӊ унджык. Пӊттӊдзным кынмим. Ворота дорӊ нӊбти бокӊвӊй морт эз матыстчыв. Сӊсся друг пырисны Черноморскӊй флотыс кык матрос. Найӊ шыасисны ми дорӊ:

— Вокьяс, Петроградын пӊшти став армияяс вуджис революционнӊй рабочӊйяс дорӊ, квайтымын сюрс гӊгӊр морт. А тӊ мый вӊчаннӊд? Абу ӊмӊй тӊ трудӊвӊй йӊзлӊн пилн?

Мыйкӊ дыра ми, пемыд йӊз, кодьяс петӊмаӊс сьӊд пармаыс, эг тӊдӊй, мый вӊчны. Сӊсся воис приказ — винтовкаяс сдایتны цехгаузӊ. Найӊс ми сдایتӊм. А тайӊ каднас черноморецьяс, тыдалӊ, сӊрнитчӊмаӊс мян ветераньяскӊд да сетӊсны приказ: «Ставы вооружитчыны да петны улич вылӊ». Ми босьтӊм винтовкаяс да петӊм. Уличаяс тырӊмаӊс вӊлі йӊзӊн. Сӊн и танӊ митингуйтӊсны рабочӊйяс, автомашина кузовьяс вывсӊн висьталӊсны пӊсь речьяс. Торӊӊн ӊна мен кажитчис кутшӊмкӊ тӊдтӊм нывбабалӊн речыс. Сӊйӊ горзӊс: «Долой войну, долой самодержавие!».

Ветеран-матросьяс мянлыс рота нӊбдӊсны водзӊ. Николаевскӊй пос вывтӊ ми вуджим Нева да воим Васильевскӊй остров вылӊ. Посӊ вуджитӊн Морскӊй училищеладорсӊн мян кузя восьтӊсны би. Ковмис водзсасьны. Уна матрос сӊтчӊ усис.

Васильевскӊй остров вылын, 7-ӊд линияӊдз вотӊдз, мянлы паныдасис легкӊвӊй автомашина. Сӊнӊ пукалӊсны кык штатскӊй паськӊма морт. Кор найӊ тӊдмалӊсны, мый ми мунам Павловскӊй полкӊ корны салдатьясӊс вуджны революционнӊй рабочӊйясладорӊ, автомашинаыс косӊс бӊр да ми кузя восьтӊс пулемӊтнӊй би. Войбыд мянлы ковмис сӊн лыйсыны. Ёртьяс пӊветыс сӊк бура унаӊн усисны сӊтчӊ.

Тадзи ми паныдалӊм февральскӊй буржуазно-демократическӊй революция. Февраль 28 лунӊ власть бердын пукалӊс нин Временнӊй правительство, а роч царь Николай II-й ӊвсис аслас престолыс.

Но гӊгӊрволӊм-ӊ ми Временнӊй правительстволыс могсӊ? Та вылӊ вывтӊ тырмытӊм вӊліс мян велӊдчӊмным. Куим класса начальнӊй школа помалӊм бӊрад, кӊпӊ кызвыннас зубритӊдісны закон божий да тшӊктӊсны сьывны «Боже, царя храни», ылӊ видзӊдны мян вежӊрным эз тырмы. Буретш та вӊсна февраль 28-ӊд лунӊ мян рота веськӊдчис Таврической дворецӊ, медым сетны Временнӊй правительстволы присяга. Но сы вӊсна, мый туй выланым пӊшти быд воськолын атакуйтӊсны контрреволюционнӊй бандаяс, премьер-министр резиденцияӊдз воӊдчыны сӊдз эг и вермӊй. Присяга ми сетӊм мӊд асывнас — важ стиль серти март 1 лунӊ, 26 рота.

Присяга сӊтан церемонияыс вӊліс зӊв аслыс нога. Кодкӊ сӊн лыддис присягалыс текстсӊ, а ми лӊптӊм киясӊн гӊлӊсуйтӊм, — некутшӊм формальнӊй кырымпас ми некуйтчӊ эг пуктӊй.

Но и тайӊ пӊрӊйӊ туйным эз вӊв шыльыд: «Астория» гостиница дорын мянлы паныдасис кутшӊмкӊ нывбаба да висьталӊс:


— Матросьяс, видзчысӊй: «Астория» гостиницаын пукалӊны царскӊй офицерьяс. Мед эскӊ мыйкӊ эз вӊчны.

Нывбаба тайӊс юӊртӊс и мунӊс. Ми вӊчим некымын воськов водзӊ, и сӊк кутӊс киссыны мян кузя свинеча шер. И татшӊм жӊ зӊр локтӊс арсеналладор боксӊн.

Мед юрьяс дзебны пулемӊтнӊй быыс, быдӊн корсим сайӊдӊн. Ме вӊлі Пудовкӊд орчча. И друг сӊйӊ вошис. Ме водӊ кутшӊмкӊ кирпичнӊй ворота сайӊ да тшӊтш восьтӊ враглы воча би. Сӊсся друг кысӊкӊ воис гӊрд броневик да кутӊс резны пулемӊтыс «Астория» ӊшиньяс кузя. Ми атакуйтӊм зданиесӊ да петкӊдӊм сӊтыс 96 царскӊй офицерсӊ. На пӊвстын весиг вӊлісны генеральяс.

Присяга сетӊм бӊрын ми быдса вежӊн эг велӊдчӊй военнӊй делӊ кузя, а ветлӊдлӊм Петроградтӊ да куталӊм «фараоньясӊс». Тайӊ операциясӊ нӊдӊгӊн и пӊгибнитӊс Раковицаыс Илья Подоров. Исаакиевскӊй собор нишаӊ дзебсьӊм офицерьяс

Вуктылса серпасъяс



Газ чукөртанін.



Асья смена.



Том кар кыптö том киясөн.



Войся



Строитель Валентина Карцева.



посёлок.



Буритчсы Владимир Цилибин.



Посёлок быдмө-мичаммө.



Печора берегын шойччан луно.

Снимокъяс
В. Ячменевлөн.

сяркнітомабсь пулемётысь. Тадз мен висьтавліс Вася Некрасов. Сійо сыкөд вёлма орччөн.

Но эз везит и миян генерал-майор Гирслы. 1917 вося март 4-өд лунө ветеран-матросьяс петкөдөмабсь сійөс да полковник Павловөс плац вылө да сәні и помалөмабсь. Эз весьшөрө: революцияөдз найө издевайтчисны матросьяс вылын, а февральскөй революция бөрын нуөдісны германскөй империализмлысь политика.

Олыштөм мысти миян ротаысь матросьясөс разөдісны корабляс вылө. Менө, 15 матрос лыдын, колисны Петроградө, индісны велөдчыны авиационнөй школаын. Вася Некрасов, кодкөд ме пөшти пыр вөлі орччөн, вежалыштис: «Тәныд дивъя! Тә кутан лөбавны».

Но лөбавны меным эз вөв шуөма,— кык вежон мысти приказөсө вежисны, и ме веськалі временнөй олысьяслөн ротаө велөдчыны писарө. Ротанас командуйтис эстонек Лемергирт, большевикьяс дор сулалысь, зөв лөсьыд морт, а старшөй писарөн вөліс Федотьев — дзор дядьө нин. Регыд сійөс лөдзисны гортас, а сы пыдди писаравны коли ме.

1917 вося апрель 3-өд лунө (апрель 16 лунө) локтис ме ордө Вася Некрасов да шуө:

— Мунам, Ваня, Финляндскөй вокзалө.

— Мый сән кутам вөчны? — юалі ме.

— Висьталөны, локтө пө Ленин.

— Ленин? Кутшөм Ленин? Коді сійө?

— Ме и ачым ог төд. Но, шуөны, зөв ыджыд морт пө да сулалө народ дор, войналы паныд.

Ме мөвпыштис да вочавидзи:

— Менам, Вася, уджьяс чукөрмөмабсь, ог вермы.

Сідзикөн ме эг и мун. Сөмын сы вөсна, мый эг төд, коді сійө сәтшөм Лениныс. А Вася мунис и встречайтөма. Лениныс висьталөма броневик вывсянь речь, но мый сән висьталөма, нинөм абу гөгөрвоөма. Кысь пө гөгөрвоан сы мында йөзысь? Матө он сибав.

Но Ленинлөн кывьясыс воисны миян пельөдз. Найөс ми төдмалім большевистскөй агитаторьяс пыр. Найө висьталісны, мый «война и выль, Временнөй правительство дырйи кольө грабительскөйөн, империалистическөй войнаөн». Ленин сетис лозунг: «Временнөй правительстволы некутшөм поддержка!».

Вөлөмкө, со кызди колө дейтуйтны, а ми, пемыд йөзыд, присягайтам кутшөмкө Родзянколы верностьө! Ленинскөй партия чуксаліс миянөс рабочөй депутатьяслөн Сөветьясө. Ми думайтм да, көть и томөсь, опыттөмөсь да пемыдөсь вөлім, век жө гөгөрвоим, мый Сөветьяслөн властыс бурджык. Сәні народ веськөдлө ачыс. И ми мунім большевикьяс бөрся. Өд найө вөлі чуксалөны: «Долой войну!», «Вся власть Советам!», «Опубликовать тайные договоры!».

Мыйся нө «тайнөй договорьяс»?

Вөлөмкө, Временнөй правительстволөн иностраннөй делөяс кузя министр Милуков апрель 18 лунө аслас союзникьяслы көсийсьөма «мировөй война вайөдны решительнөй победаөдз... Пөртны олөмө союзникьяс водзын бөсьтөм став обязательствояс».

Милуковлөн тайө заявлениыс кыпөдіс народ пөвстын помтөм скөрлун. Став Петроград гыаліс уна йөза демонстрациясөн. Найө висьталісны Временнөй правительстволы протест.

Родзянкоөс вештісны. Но Керенский эз ло сыысь бурджык. Зимнөй дворецын пукалігөн сійө сідз жө став гөлөснас горзис: «Даешь Дарданеллы и Босфор». Та вөсна Октябрьскөй социалистическөй революцияөдз Петроград вөліс революциялөн биа вулканөн, Сөветьяс вөсна тышлөн аренаөн. Уна вөлісны сьөкыд да вира луньяс, но ни Корниловлөн заговор, ни казачестволөн да царскөй офицерьяслөн выныштчылөмьяс эз вермыны сувтөдны революция. Сійө вөсьлаліс водзө да кыпөдіс асьыс победнөй знамя.

Дзик мөдар путкыль история бергөдчис 1917 вося октябрь 25-өд (ноябрь 7-өд) лунө. Тайө великөй луныс мездлун шондөн югдөдіс не сөмын миянлысь страна, но и му шарөс ставнас. Сы югөр улын өні киссьөны колониальнөй чепьяс, капитализмлөн нартитан система, да мирса народьяс сувтөны социалистическөй туй вылө.

Зимнөй дворец штурмуйтөмын, көні пукалісны Временнөй правительстволөн министрьяс-капиталистьяс, вөлі и ме.

1917-өд вося октябрь 25-өд (ноябрь 7-өд) лунө 8 час асылын миянлысь рота петкөдісны плац вылө. Быд группалы вөлі индөма аслыс места да быд матрос водзө

сүвтөдөма ассыыс мог Зимнһойос босьтөмын. Ми быдөн төдiм, кытчө и мыйла мунам. Ротаса командир эстонец Лемергирт быдса вежон омөля и волiс ротаө — пыр вөлис көнкө восстание котыртысыас дорын. А кор волiс, мудзысла багатырскөй унмөн узис менам вольпасын. Ме сэк вөли ротнөй матросскөй комитетын секретарөн, а председателялис сэн сибиряк, матрос-ветеран Лукьянов. Лемергирт меным сетiс куим матросөс, менө индiс старшөйөн да сүвтөдiс мог — видзны Мойка вомөн вуджысь пода пос, тшөктiс некодөс не лэдзны ни Зимнһойө, ни Зимнһойысь. Сийө посө ми видзим кузь лунтыр. Некутшөм косьяс эз вөвны. А рытнас, час 8-ын кымын, ми кутiм вооружитчөм өти салдатөс да сдайтiм кытчө колө. Сэсся видзөдам, а Зимнһой дворец дорсянь том нывкакөд локтө генерал.

— Пожалуйста, документ, — ме шыаси сы дорө.

— Менам некутшөм документ сьорысь абу, — вочавидзис генерал. — Ме ола со тани, пöшти дзик орччөн. Быть кө тiяны колө документ, то ветламөй ме ордө, и ме петкөдла.

Генерал сёрнитiс кыдья рочөн. А мянлы вөлис индөд — иностранецьясөс кутны оз позь.

Мый вөчны? Меным сэк вөлис муртса кызь арөс. Дзик на веж. А ми, комияс — честнөйөс да дөверчивөйөс. Думаита, оз вермы лоны, медым ылөдлас генерал. Ме босьтi аскөд өти матросөс и мунiм генерал ордө.

Сийө збыльысь олис пöшти орччөн. Кор воим здание дорас, ми паныдалiм том поручикөс. Воськыд бокас сьлөн öшалiс браунинг. Поручик уськөдчис генерал дорө да юалө:

— Папа, мый тэкөд?

— Нинөм. Ставыс бур, — вочавидзис генерал.

Матросөс ме коли подъезд дорас, а ачым пыри генерал ордө. Переднөяс неуна сулалыштөм мысти генерал мен вайис паспортьяс. Вөлөмкө, сийө польскөй генерал. Ме паспортьясө сылы сетi бөр, петi ывлаө, и матроскөд мунiм асланым местаө. Бөрынджык, кор нин Октябрьскөй революция вөли вөчөма, ме висьтавлi тайө факт йылысь өртьяслы, найө вак-вакөн сералисны да висьталiсны: «Но и балбес! А керкаас кө вөлис быдса банда? Татшөм случаяс честнөй кывьяс ывлө эскыны оз позь».

Пост ывыльысь мянөс босьтiс разводящөй, нуөдiс Зимнһой дворецланы да сүвтөдiс Александрийскөй столп дорө. Зимнһой да тайө колонна костас некымын радөн вөли тэчөма пес чипасьяс. Рытыс вөли ясыд да ыркыд. Бушлатьясөн сулалiг көдзыд ывлаыс тiрөдiс, и гөгөр ломзисны бипурьяс. На дорын ми шонтысим.

Зимнһойөс видзисны юнкерьяс, кадрөвөй офицерьяс, нывбабаяслөн «смерть» батальон да мукөд сьөд выньяс. Кор воим Дворцовөй площадь ывлас, первой ставыс вөлис чөв-лөнъ, некутшөм лыйсьөм эз кыв. Сэсся Зимнһойладорсянь восьтiсны би. Ми кутiм лыйлыны воча. Тайө здукө сынөдсө поткөдiс «Авроралөн» сигнальнөй залп. Тайө залп бөрын кутiсны сёрнитны Петропавловскөй крепостьса пушкаяс. Крепостьсө вөли босьтөма нин кыпөдчөм йөзөн. Куим дүймаа пушкаясысь Петропавловскөй крепость лыйис Зимнһой кузя квайтис либө сизимысь. И штурм заводитчис. Революционнөй рабочөйяс, матросьяс, гөрд гвардеецьяс уськөдчисны Зимнһой ывлө, пырисны сэтчө, и Временнөй правительствоөс вөли арестуйтөма, пуксьөдөма Петропавловскөй крепость. Мөд асывнас нин 1917 вося октябрь 26-өд (ноябрь 8-өд) лунө Сөветьяслөн II-өд съезд примитiс Мир да Му йылысь ленинскөй декретьяс.

Великөй Октябрьскөй социалистическөй революция бөрын ме служитi Петроградын 1918-өд вося апрельөдз. Сэсся лэдзисны гөртө.

Кор вои, мый ме сэтись адззи?

Сэни мунiс миритчытөм классөвөй тыш. Озыр йөз — кулачество да посни торговецьяс эз көсийны сетны ассыныне позицияс. Миян Яренскөй уисполкомын пукалiсны да веськөдлiсны эсерьяс. Найө быд ногыс торкалiсны да бөкө вешталiсны Сөветьяс өнмөдөм кузя центральнөй властьяслысь индөдьяс, земельнөй вопрос решайтiсны кулакьяслы пөльза ывлө. Торйөн нин вельмисны найө сы бөрын, кор первой Мурманскө, а сэсся Архангельскө чеччисны иностраннөй интервентьяс. Тайө лоис и сы вөсна, мый эз тырмы большевикьяслөн влияние, — найө вөлины зэв этшаөнөсь. Уезднөй центрын, Яренскын, большевистскөй организацияыс котыртчис сөмын 1918 вося сентябрь 1 лунө и то сийө вөлис зэв этша йөза.

Но та ывлө видзөдтөг, большевикьяс уджалiсны активнөя да падьявтөг. Уисполкомысь вит эсерөс найө пыр жө арестуйтiсны да на пыдди пыртiсны сэтчө большевикьясөс. Уисполкомса председателён лоис большевик Павел Иванович Покровский. А сьлөн вокыс — Степан Иванович Покровский кутис редактируйтны уезднөй газет. Квайтөд армияса политработникьяскөд өтывв большевикьяс зэв ыджыд удж

нуодисны комбедьяс котыртём да ленинскэй декретьяс гөгөрвоодом кузя. Ме сэки коммунистическэй партия радьясын эг на сулав, но менам убежденияеяскэй дзоньнас вöлисны Советскэй власть дор. И ме, мыйта верми да кужи, тшöтш югдöдi уджалысь йöзöс, висьтавлi налы выль законьяс йылысь, комбедьяс йылысь.

Газетьяс гижисны, мый Архангельскö пырöм мысти иностраннöй интервентьяс котыртöмаёс сэн сiдз шусяна Севернöй правительество да юруоднысö пунктöмаёс Чайковскийöс. Тайö правительстволөн белогвардеецьяс иностраннöй оружиеөн да интервентьясыскöд öтвыв босьтöмаёс Печора увладор. 1918-öд воын пансис гражданскэй война.

1918-öд вося арын вооруженнöй столкновениеяс да бойяс мунисны Удораын. Белöйясөн вöли босьтöма Важгорт, и найö, кулак пьян да неустойчивöй элементьяс тшöт весьтö, содтисны ассыныс выньяс. Бöрынджык став Удораыс лоис белöйяс кыин. Кутiс тыдавны наөн Эжва вылö петан грöз. Та вöсна вöли примитöма срочнöй мераяс, медым бырöдны тайö грöзлунсö. Удораö вöли мöдöдöма: Яренскыс — Елисей Ананьевич Воробьевлысь да Усть-Сысольскыс — Афанасий Андреевич Маеговлысь отрядьяс. 1918 во декабрь заводитчигөн сэтчö воис и Северо-Двинскöй полкыс öти батальон, кодөн командуйтис Питерса вöвлöм рабочöй Иван Степанович Кривенко. Эз кольны бокö и мянöс, краснофлотецьясöс, тшöтш корисны военкоматö да ыстисны Удораö, кöни вылын индём отрядьясысь вöли котыртöма Вашко-Мезенскöй полк. Но матросьяс пöвстысь ми сэтчö Часовоса Цивунинкöд веськалим сöмын кыкөн. Яренскыс Важгортöдз — 300 кымын километр. Став туйсö муним подөн. А ывлаас лыйсис 45 градуса кöдзыд.

Важгортö ми воим 1919 вося февральын. Вашко-Мезенскöй полкөн командуйтис А. А. Маегов. Полкса комиссарөн вöлис Князев, полкса командирлөн адъютантөн — Алексей Петрович Багин. Менö индисны полкса переписчикö. Öттшöтш нуи ревтрибунал тройка членлысь обязанность.

Миян полк тышкасис повтöма. Менам вотöдз на сийö мездис белöйяс улысь, Коптюгаысь кындзи, став удорскöй сиктьяс. А Коптюгаö белöйяс вöли крепитчöмаёс ёна: водзвыв кодьялöмаёс öкопьяс, сикт гөгөрсö потшöмаёс топыд потшысөн, вöчалöмаёс блиндажьяс. Пыр мунимоз татшöм укреплениесö он босьт, — колiс артиллерия, а сийö миян эз вöв. Враглөн жö вöлисны пушкаяс. Та вöсна миянлы ковмис сувтны Чупровоö.

Март помын кутiс нин пöжны шондi, а апрельын — рöспута. Юяслөн да шорьяслөн вөссöмыс миянлы нинём оз сет, а прöтивниклы, вөсьтö парохода туй, мед вайны Мезенысь да мукöдлаысь колана военнöй снаряжение. Та вöсна колö вöли полкнымöс пырысь-пыр жö петкöдны Удораысь Эжва вылö. 1919 вося апрель 16 лунö менö корис ас дiнас полкса командир А. А. Маегов да сетис пакет, кытчö пельöсас вöли гижöма: «Совершенно секретно». Сетис и шуис:

— Тэнад мог — нуны тайö пакетсö Важгорт сиктö да сетны полкса командирлөн отсасысь Анигимов ёртлы.

Кызд бöрынджык лоис мен тöдса, сэнi вöлис Эжва бассейнö полкöс эвакуируйтём йылысь приказ. Та вöсна бöрсö ме эг Важгортö лок, а Ертомö. Миян полклөн штабыс вöлис нин сэн.

Эжва вылö ми петим Удораысь кык туйöд. Полклөн öти юкөныс, кöни вöли и ме, эвакуируйтчис Буткан пыр, а мöд юкөныс — Глотово да Турья пыр. 1919 вося май 19-öд лунсян июль тöлысьöдз миян полк сулалiс Емдiнын, а бöрас сась шыбитисны Северо-Двинскöй фронт вылö. Танi миян Вашко-Мезенскöй полкөн кутiс командуйтны Кривенко.

Северо-Двинскöй фронт вылö ыстём мысти ми веськалим Верхне-Тоемскöй районса Горки сиктö. Тан ме лой вöла разведчикьяслөн командаын переписчикөн. Подразделениеөн командуйтис Иван Павлович Обухов — Устюжанин, а полкөн — Иван Степанович Кривенко. Полклөн штабыс сулалiс Горки сиктын, Войвыв Двина веськыд берег вылын.

Фронт вылö воём мысти прöтивниккöд некутшöм активнöй действиеяс эз вöвны, сöмын öткымын участокьясын корсюрö неуна лыйсьыштисны. А август заводитчигөн прöтивник вельмис. Тайö этша на, август 10-öд лунлы паныда воын сийö мунис вөрьясти да кытшалiс мянöс Войвыв Двина кыкнан берегас. Тайö кытшысь вермис петны миян сöмын öти батальон. Кужис петны и миян вöла разведка, полкса адъютант Алексей Петрович Багин, 1-ой батальонса командир Вагапов да ме. А ставыс мукöдыс веськалисны пленö. Веськалисны сэтчö и полкса командир Кривенко да комиссар Князев.

Кызд бöрынджык висьталiсны, Князев вöли сьöкыда ранитчöма да куйлiс лыз

вылын. Медым интервентьяслы не веськавны, сійо косьома асьо лыйны, но кыис абу уджалома. Та вьсна кык кымын сутки сійо куйліс лыа вылас вир пын сөйтөг ни ютөг, а сөсся босьтомаось сөсь сиктса олысьясыс. Налы сійо висьтасьома абу полкса комиссарон, а красноармеец Грязевон. Но, кор аддзасны крестьяна ордысь, интервентьяс оз пощадитны и «красноармеец Грязевос», — пытайтөм да мучитөм бөрын лыйласны. Кривенкоос смертнөй казньон жө вөлі судитөма, пощадитөмаось — наложник пыдди нуомаось Англияө. Сөтысь, пленнөйяс вылө вежөм бөрын, сөмын 1920-өд вося майын бөр воас Россияө.

Тайө страшнөй бой бөрас, көні ми зөв уна воштим, водзө наступайтны эгө вермөй. Передөвөй вылысь миянос босьтисны да мөдөдисны Верхнөй Тоймаө. Сэн сетисны выль салдатьясөс, выль пөв формирутчим и бара муним наступлениеө. Тайө раз миян наступление мунис зөв бура. Но наступаитөгөн воис приказ кольны Северо-Двинскөй фронт да мунны Петроградскөй фронт вылө Юденичлы паныд.

Муним ми сөтчө зөв өдйө. И некымын лун мысти ми вөлимөй нин Детское селоын (өнi Ленинград бердын Пушкино кар).

Юденич локтис зөв ыджыд вынөн да грөзитис Петроградлы. Первой кадсө сійө сөтшөма личкис, мый миянлы лоис бөрынтычыны Пулковскөй высотаяс сайөдз. Но сөсся, Александрово нима өти местаын, ми сійөс асьо кутим зөлөдны. Сылөн водзө мунөмыс тшөкмунис.

Неуна сэн ми сулалыштим, кыз шуасны, өтарө ни мөдарө өта-мөдөс эг вештөй, а лыйсим сідз, ас местаяссянь да өта-мөдлы сетим төдны, мый ми огө узьбөй. Но лыйсим эг прөстө сідз, ворсөм ради, — кык вежон чөж укйисны Юденичлөн да миян пушкаяс, трачкисны пулемөтьяс да живакылісны минаяс. Война вөліс позиционнөй, но муыс сюрьясөн кыпталис вылө. Юденич зөвтис став вынъясө, но водзө мунны лолыс вөлі петөма. Та вьсна ми 1919 вося октябрь 28-өд лунлы паныда войн кыпөдчим окопьясысь да артиллерия би вевтас улын муним атакаө. Юденичлөн ылөдөм да медалөм салдатьясныс эз выдержитны миянлысь атаканымөс, — кутисны пышйыны. Ме сәки вөлі Багин подразделенияын. Александрово местечко лоис босьтома. Тайө местечкосө босьтомысь республикаса реввоенсоветлөн приказон вөлі миян полклы висьталөма благодарность да быдөнлы, код вөліс тайө бойын, сетисны төлысья уджон.

Тайө миянос зөв өна кыпөдис, содтис вынъяс, и водзө прөтивникөс ми вөтлим сө кымын километр сайө да босьтим Ямбург кар (өнi Кингиссеп). Татшөм ногөн ми воим Нарва ю дорөдз.

Ми эськө нөйтим и нөйтим Юденичлысь войкасө, но Юденич пышйис Эстонияө, а Эстония кырымалис Сөветскөй Россиякөд мирнөй договор. Та вьсна водзө наступайтөмным помасис.


Юденичкөд тыш помалөм бөрын неуна шойччыштим, а сөсся 1920 вося февральын менө мөдөдисны Петроградө, Балтийскөй флот штабө. Сэни служити Балтфлотлөн Петроград районса связь службаын июль төлысьөдз, а сөсся сетисны гортө отпуск. Сэн неуна шойччышти, и Яренскөй военкоматсянь бара воис повестка. Менө ыстисны Архангельскө, сөтчөс флотскөй полуэкипажө. Сэн мыйкө дыра вөлі писарон, а сөсся менө бөрийсны политпросвет комиссияө освобождөннөй секретарон. Тайө должность вылысь и демобилизуйтчи гортө 1921 вося август төлысьын.

Гражданскөй удж вылын ме уджалі уналаын, но кызвынсө торговля юкөнын. 1944 воын пыри партияса членө. Өни пенсия вылын. Менсьым удж да боевөй заслугаяс вылө донъялісны партия да Сөветскөй правительство. Менө наградитисны Краснөй Знамя да «Знак Почөта» орденьясөн.

Висьталөмсө гижис Федор Щербанов.

Василий ТОРОПОВ

ЖЫДАЧ ПОЗТЫР



Жыдач позыын вöлі квайт кольк.
Энь пöткa, дерт, кадсö лыддыны
эз куж, эз тöд, мый тырö стöч нель
векон колькьяс вылас пуксьöмсянь,
но став пытшкöснас кыліс: буретш
талун петасны вöля вылö ловгөнөн
гыöртчöм ёкмыльяс. Сы вöсна
и сутш кежлö энöвтис позсö. Тöлысь
чöжнас, гашкö, пöттöдзыс эз и сёй-
лы, гыркпытшса став шоныднас пö-
жис кельыдлöз чутьяса колькьяссö,
бергöдліс бокысь бок вылö, дорса-
яссö кадысь-кадö быгльöдліс шöрас.
Лым на петалис, сёки сійö кык лун
чöж эз чечыв места вывсьыс.

Войыс вöлі лöнь. Утка тэрмасьö-
мөн кокаліс муртса на мыччысьыш-
тöм небыдик турун йывьяс, нырнас
лöсьöдалыштіс морöсвывса торк-
сьöм гөньяссö, мавтыштіс найöс
госөн. Öвтчыштіс бордыснас, быт-
тьö көсийс лыбöдчыны ва вылысь,
но тадз сійö пыркöдіс изöймитöм
вир-ййсьыс мудзсö. Сэсся гөгөр ви-
дзöдлöм бöрын петіс берегö да мö-
дöдчис кузь турун пытшті тальöм
векныдик туй кузя тöдса бадь улö,
коді быдмис васынь воськов дас са-
йын.

А тыдорса тайö бадьыс жыдач
позьялы важысянь тöдса, помся не-
кымын во тан найö пöжсьöны. Оз
жö, дерт, тöдны, кымын во да кы-
мын ас кодьыс жö утка лон быдтö-
ма тайö каднас, а бадь кустыс тöд-
чымөн вывлань нюжаліс, сөдіс-
паськаліс.

Быд тулыс пöткаяс чукөрьясөн
лэбöны лунвывсянь ас чужан места-
ясö. Кутшöм сикас утка сöмын абу
котырас: гордаяс, крохальяс, сьув-
чöжьяс, сьöдьяс и турун рöмаяс,
пань вороп кодь паськыд и шыла
йыв кодь ёсь ныраяс, гырысьяс и
поснияс. Чукöрыс сэсся вочасөн

чинö — кольчалöны тöдсаиньясö.
А кор казяласны жыдач гозья ас-
сыныс тысö, первойясөн из моз
сатшкысясны помас, тöдса бадь
куст дорö, көть сёки сійöс ванас гö-
гөр ойдöдöма.

Бадь дорö вотöдз на эннь жыдач
кыліс сылы сöмын тöдса шыяс: тип-
тип-тип. Сьöлöмыс вöрзыштіс,
кокьясыс тэрыбзисны, но бадь улö
пыртöдз косыньтіс юрсö öтарö-
мöдарö, лов шысö сувтöдліс — озö
кодкö кышöдчы кос турун пöв-
стын — да вöлись тюркнитіс позьяс.
Кымынкö выльөн петöм пи варгы-
лясисны кольк кыш торпыригьяс
ыввті. Öти юрсö чургöдöма, нöйтчö
мый вынсьыс, лон ыдждöдыштны
петан розьсö. Бөрья колькыйс вöлі
дзонь на, но тöдчис — вöрыштö,
жыдач мам кыліс пытшсяньыс
игöдчöм: «Кöсья жö петны, да ог
вермы». Кор нырнас розьöдіс кольк-
лысь кызджыкладорсö, сесь пыр жö
мыччысис дзöрысь виж ныр, ачыс
нин жугліс кышсö. Утка мам шуда
видзöдö ноксысь пияныс вылö.
Дзик ставыс öткодьясь! Сэтшöм
мичаось! Вомсö муртса восьтылö-
мөн — мед не повзöдны аслас гора
гөлöснас — гусьöника герчйöдліс.
Кольк кыш торьяссö бокö шыбла-
лöм бöрын пузгыртчис, нырнас той-
лаліс пиянсö ас улас, порыштчöм
гөн улас...

Час-мöд-коймöд бöрын жыдач
петкöдіс ассьыс котырсö ва вылö.
Кадыс вöлі водз, вöртас сайысь
шонді эз тыдав, асыввымыс пуяс
костöд муртса на ломзис алöйгöрд
рöмөн. Кывзысьыштіс, видзöдліс
гөгөрбок, мелі гөлöсөн гетшсь-
гетшсь шуис — вöтчöй пö ме бөр-
ся — да пöлыньясьöмөн мöдöдчис ту-

рунпытшса туйод, кодi кажитчис ичотик шорлон косымом воргаон. Вывсянь ко видзодлыны, нином оз и тодчы. Вочас кымынко воськов, сувтлас, бергодлас юрсо мышлань, герч-герч шуас, водзо мододчас. Поснияс гузыгоны-вотчоны борсьяс, тэрмодлоны ота-моднысо, усьоны-чеччоны турун заясо крукасыллом борын. Сидз жо и мамыс борся сьорсьон-борсьон ылкнитчисны-пырисны вао. Отилон тай падмыломыс дырджык лон берегас, но гораджыка гетшнитом кылом борын тодлы-тог тшмыльтчис бок вылас, сувтис пырысь-пыр, быттьо пробкаысь вочом таб. Утка пиянлон кокьясыс оз судзны муодз, а васо куралоны бура, пелысьяс моз. Быттьо колькьяс пытшкас велодомны найос уявны, некутшом поллом абу. Кузь эжор да зоридз потшоны ты помсо, джодж пасьта кымын йор кодь артмодоны. Тани ваыс абу джуджыд, туруна и быдсяма гапйыс шотома. Ичотьяс первой лунсянь жо октоны ва вылысь сеянсо, сюрас ыджыд-джык да чорыдджыктор, бор гылодоны вомсьыныс. Разодчасны ко йор пасьтала, пыр жо шыасяс мамыс: гетш-гетш-гетш — юз на по позь разодчыны. Квайт письыс кыкон торьялоны, найо ыджыдось-джык, жыдач тодо: быдмасны да голя гогорыс налон веж атлас лантаысь вонь лоо, син вевдорьясас еджыд визьяс... Найо оз кутны пожсьыны. Видзодо мамыс, любуйтчо петасьяснас, но бура тодо, мый тождлуныс они сылон содис, ковмас борд выло лыбтодз видзны-дозьоритны. Сийон и юрсо часто чатродло, дзорго гогорбок. Тодо: яг дор берегыс кынмомнас бертчома валань. Сэн, отка кос пу вылын, быд лун койвидзо ягварыш, быттьо кынмомма места вылас, оз ворзьодчы, пу йогон и думайтан первойсо. Но сулало вугыртны не кадо — юрто воштан. Кольом пожомо борд выло нин лыбом борын оти пилысь лэчыд пуртон моз сылисо орөдис крукыля гыжнас. Модос ньылыштіс нитшяллом сарог юра вугралысь сир. Куш видзодласыс весьопортө — синьясыс былкнитчомны ортсыо, ваакань лист пасьтаось. Сюран ко сэтшом-

ыдлы, горшас он инмодчыв. Вот и вугралысь — ньов моз усьласьо.

Дыр-о тан тольдчисны утка пиян, а кадыс восьлаліс лунлань. Шонди торйодчис пу йывьясысь, ты сайын көк лыддис кодлыкө вояс, а виддза берегын, муас, гораа кравзисны ракаяс, кеслісны горшьяснысо, тыдалө, зык сорон юкисны чери кыйысьяслон сеян колясьясон. Жыдачлы став серпасыс ты гогор тодса: кон коді олө, кор коді водө да чеччө. Төдө сийө и ты йылын олысь горда уткаос, некымын во жо сэн пөжсьө. Но жыдач оз сыкод өртась, өна нин модыс ыкша моз асьсө кутө, казялас да ылысянь на бергодчө, юрсө гогора моз чатөртөма. Жыдачыд та понда юз майшась, не сыөдз. Быд лунья олөмыс өні сылон — челядь вөснаыс вийсьөм. Од кымын лөк син видзодо жебиникьяс вылад.

Жыдач-мам кокьяс вылас мыджсьөмон сувтліс ва веркөсас, негораа гетш-гетшвөчис — тырмас по өні кежлө — веськодчис берегань, гыон вундис-поткодис васө морөснас. Борсьяс, мамыс туйод, гузыгисны-кывтісны гон өкмыльясыс. Модысь найос петкодас восьса ва вылө рытья ромыднас.



ТУРИ ЙӨКТӨ

Видзьяс вөлі весалам тувсов ваон вайом лөп-өгысь. Портсянь ылын да сэн и узылім турунасян керкаын. Водз асылө пыжөс веськоді курья вомө, Катыд нюрлань, коні, висьталөмьяс серти, казявлөмны турияслысь йөктөмсө. Ваыс ыджыд, кодж вомон веськыда визувтө, нуө пыжөс сынтөгыс.

Бадь сайсянь казялі — полөкалө моз кодкө шевкийсысь курья йылас. Ай тури асьсө песө, быттьо балерун сцена вылын. Чеччыштлас вывлань, кузь голя помсьыс юрсө ляскылас мыш вылас, лажыньтчылас то оти кок вылас, то мод вылас, то кыкнан вылас друг. Мулань голясө

лэдзлас мегырö нюкыльтöмөн. Сэ-ся друг бергавны мөдас места вы-лас, быттьö дурпоп. Бордьяссö аньбордьяс моз шевгöдлас, паш-кыртлас пач лыс кодь бöжсö, кузь сiясыс сэк уна рöмөн дзирдыштас-ны шондi водзын. Сэсся, тыдалö, мудзас да, мед ловсö öлöдыштны, мөдас тшапа осьлавны бөрö-водзö кокьяссö вылö шыблалöмөн.

— Но и артист!— шензя,— кужö тай, оз ков и велöдны. Дерт, зiльö тадзисö пöдруга водзас, энь тури водзас, медым петкöдлыны — со пö ме кутшöм мича да мастер. Но пö-


лыс сулалö вөр дорас да шоча ви-дзöдлö йöктысь вылö, мыйкö гур-йысис-перйысис вомсьыс, пидзöс вевдорöдзыс гөнтöм коксö юр весь-тас лэптöмөн. Сэсся мөдöдчис нюр шөрлань. Айыс сы бөрся жö весь-көдчис. Но мунiгас бара на петкöд-лис асьсö: то ордйöдлас водзын му-нысьöс вутшкысь-вутшкö чеччалö-мөн, то паськөдлас да бөр шымыр-тас бордьяссö. Талун асыв, тыдалö, виччысис нин пöдругаыслысь воча кыв. Гозйөн овмöдчöм йылысь. Ли-бö бара на ковмас йöктыны! Лок-тан асылö?..

ЙӖЗ ОЗ ВУНӖДНЫ СЫЛЫСЬ НИМСӖ



Тырис 100 во
Михаил Николаевич
Лебедев чужӖмсянь.
Уна бур да мича ги-
жӖд козьналіс ыджыд
мывкыда поэт коми
войтырлы, сьлӧн не
этша кывбуръяс лои-
ны народнӖй сьы-
ланьясӧн, оперетт-
каяссӖ ӧні на ворсӧны коми сиктыясын.

ПоэтӖс казтылан рытьяс вӧліны Сыктывкарса университетын, КӧрткерӖсын, кӧні дыр кад чӖж овліс да сӧні и кувсис М. Н. Лебедев. Тани поэтлӧн гу вылӖ лои сувтӖдӧма гранитысь памятник.



Революция да гражданской война темаяс коми литератураын

*„Чолөм тэныд, муса вöля!
Чолөм, югыд шонди!“*

В. САВИН.

Великой Октябрьской социалистической революция югыд шондиён дзирдыштіс и Коми парма весьтын, мездіс коми уджалысь йöзöс увтыртöмысь, нартитöмысь, вайис коми народлы, кызди и миян страна-са мукöд народгыяслы, мездлун, шуд, вöсьтіс ыджыд культураö туй.

Но миян страна эз дзик пыр вермы заводитны пöртны олөмö социализм стрöйтöм кузя программасö. Революцияөн путкыльтöм классыяс лёкысь водзсасныс, найö панысны гражданской война. Империалистической державаяс котыртисны Совет странылы паныд интервенция. Куим во чöж том Советской государство нуöдіс вир кысьтана чорыд тыш, медым дорйыны Октябрьлысь вермöгыяссö.

Став тайö сьöкылдуныс, коді усн том Советской государстволөн пельпомыяс вылö, эз вермы не тöдчыны культура, литература сөвмöмын. Но такöд тшöтш тöдчанаён лö и сійö, мый и тайö сьöкыд воясас Коммунистической партия тöждысис культура да литература вöсна.

Великой Октябрьской социалистической революцияöдз комияслөн эз вöв ни письменность, ни литература. Этшаён тöдісны сэки Иван Куратовöс. И буретш гражданской войнадырся сьöкыд кадö вöлі лöсьöдöма медводдза коми алфавит. Тайö бушкала воясас жö чужö печать да литература. 1918 вося июнь 10-öд лунö петіс «Зырянская жизнь» газетлөн медводдза номер. 1920 воын котыртчö Коми издательство. 1921 вося январь 1 лунсянь заводитö петны коми газет «Удж», коді бöрынджык лои «Югыд туй» газетөн. Тайö печатной органъяслөн тöдчанлунис сыын, мый найö кужисны котыртны литератураö воыс том гижысьясöс. Гражданской войнаён сьöкыд воясö став том гижысьяс сувтісны революция дор, асланыс гижöдыясын сьöлөмсяныс чуксалісны дорйыны сійöс. Революция

да гражданской война темаяс сійö кадö вöліны писателяс творчествоын медшöрьясөн. Тайö вунöдлытöм темаясыс бöрынджык сетісны писателяслы ыджыд материал, медым гижны гырысь эпической произведениеяс.

Советской властылөн медводдза воясö газетъясын петöны уна кывбурьяс да мукöд гижöдыяс, кöні авторьяс пöся чолөмалöны революция, чуксалöны дорйыны сійöс, стрöитны выль югыд олөм. Мед тайö кывбурьясыс эз вöвны колана вылнаын форма боксянь, но налөн вöлі ыджыд революционной пафос, найö ыджыд лöглунөн вештісны бокö став важсö да чуксалісны мунны югыдлань.

Водзö! Водзö! Вунöд тэ ставсö,
Эн бöрынтчы, эн повззы некодысь,
Матыстчы век надзöник югыдöдзыс,
Коді тыдалö век водзын —

чуксалö Н. Шахов аслас «Водзö» кывбурын, кодöс вöлі йöзöдöма 1918 вося июнь тöлысьын «Зырянская жизнь» газетын.

Автор тани эскö, мый народ венас став сьöкылдуньяссö, воас югыд олөмöдз.

Кызьöд воясö Коми муын паськыда нималісны гижöдыясыс В. И. Лыткинлөн (Илля Васылөн). Сійö заводитіс гижны революцияöдз на, но зумыда пырис литератураö гражданской война кадö.

В. Лыткин пöся радейтö чужан мусö. Аслас гижöдыясын сійö петкөдлö коми йöзлысь выль олөмö зильöмсö. Революция тема босьтö сы творчествоын тöдчана места, поэт сьöлөмсяныс ошкö революциясö, зильö вöсьтны сылысь серпас:

Гыис Петроградын войтыр,
Чеччис-кыпöдчис став голь.
Йöзөн уличаыс ойдіс,
Петіс том морт, петіс пöль...

Шковгём «Аврорасянь» кыліс,
Зимной дворецбердса бой...
(«О к т я б р ь»).

Революция темалы поэт сиё и «Революция», «Коми йозлы», «Ыджыд төлөн», «Октябрь лунё», «Шапкато порчылыёй» да мукөд кывбурьяс.

«Революция» кывбурын поэт зильё петкөдлыны революциялысь пытшкөссө, сылысь вынсө.

Тэ — би!
Лёк олём пазодысь,
Пемыдсө разодысь,
Дзирдалан, югьялан би...
Тэ — чер!
Паныдөн сувтысьсө кералысь,
Важысянь вежатор сералысь,
Медьюгыд, медлэчыд чер!..

Сэк жё поэт чуксалё йозсө смела тэчны выль олём.

Сувталёй, коми йоз, чечёй,
Ёна нин узим ми дыр,
Выль олём аслыным вөчөй
Правдалы веритігыр.
(«К о м и й о з л ы »).

Революция чужтіс поэзияын да прозаын эпос. Татшөм сяма гижөдөн лоё В. Лыткинлөн «Мунёны» поэма, кодөс поэт снис Октябрьской революциялы дас во тырөмлы. Фронт выло мунёны витөн, медым тышкасны белогвардеецьяслы паныд, тышкасны югыд олём вөсна. Поэт петкөдлө народлысь вынсө, сылысь зильөмсө вермыны врагөс. Революция садьмөдіс народной массаысө: мездлун, югыдлун дорйөм могысь мунёны оз өтка йоз, а мунёны «сёөн, и сюрсөн, мунымлы перйыны бурсө». Поэмаыс лонс революциялы гимнөн, ставнас сійө йнджтысьөма рөднөй муёс, сылысь ывла вывсө да йозсө пөся радейтөмөн. Поэмалөм гражданской мотивьясыс топыда йнтчөмаөсь ыджыд лирической чувствояскөд. Авторской отступлениясын поэт сетө коми вөр-валысь, сэтчөс йоз олөмлысь уна мича серпас.

Лөсьыд поэмаыс и ритмика боксянь, кодй вежласяө поэтической интонациясылы зөв лөсяланаа да быттьө петкөдлө дугдывтөг мунөм. Мунө водзө олөмыс, водзө мунёны йоз.

Кызьөд воясө сьөлөмсянныс уджалісны литератураын М. Н. Лебедев да В. Т. Чисталев.

В. Чисталев — поэт-лирик. Аслас гижөдьясын сійө бура петкөдлө революцияөдз важ курьд олөм, велөдө лыддысьысьсө мустөмтны важсө да радейтны выль олөмсө.

Мед дорчыськөд гөрысь
Өтвылысь олас!
Мед чарла да мөлөт
Өтлаө кыяс!

(«Д о р ч ч ы с ь я с »).

1927 воын В. Т. Чисталев гижис «Му вежандыр» поэма, кодөс снис Октябрьской революциялөн 10 во тырөмлы. Кызди и

В. Лыткинлөн «Мунёны» поэмаыс, «Му вежандыр» — эпической поэма, коні гражданской, публицической мотивьяскөд орчөн юргө лирической интонация.

Поэт танй петкөдлө империалистической война, Октябрьской революция, гражданской война да советской йозлысь народной овмөс сөвмөдан удж. Поэт нимкодысь, мый сэтшөм өдйө вежсьө мян олөмным, мый «Мянь өнй муыс — мирын вексө лоё том».

Гражданской война воясө революция йылысь, выль олөм тэчөм йылысь гижлісны сідз жө А. Маегов, Е. Қолегов, Ф. Попов, И. Чисталев да мукөдьяс. Но медгора сэк юргисны В. А. Савинлөн кывбурьясыс. Аслас гижөдьясын сійө медпаськыда петкөдіс Коми крайын мунысь революционной событияысө, народ олөмын вежсьөмсө. В. А. Савинөс, кызди поэтөс, чужтіс революция, и сылөн став уджыс да литературной творчествоыс йнтчөма ськөд. 1918 вося август төлысын «Зырянская жизнь» газетын сылөн петө медводдза кывбур «Гөрд звөн».

Төварыш! Тэ кылан, кызд корө
Мича слава выло ыджыд звөн?
Тэ кылан, он, кутшөма горзө
Гөлөс муса йозлөн, вокьяслөн?
Чеччы, төварыш, да пальөдчы,
Ассьыд вөлятө дорйыны лөсьөдчы.
Лөк йоз мянө матыстчө,
Муса чужан му босьтны көсьысьө.

Тайө кывбурыс, кызди набат, чуксаліс уджалысь йозөс дорйыны революцияөн шөдөдөм вольной олөм. «Гөрд звөн» бөрын тайө жө газетас вөлі йозөдөма «Ыджыд бөрдөм», сөсся «Чолөм» кывбурьяс.

В. Савин творчестволөн тематикаыс паськыд. Аслас гижөдьясөн поэт шыасьліс гырысь төдчанлуна быд событие выло. Уна кывбурын сійө петкөдлө коми уджалысь йозлысь важся сьөкыд да увтыртөм олөмсө, чуксалё зіля уджавны выль общество стрөйтөмын, выль олөм да культура лөсьөдөмын. Но медтөдчана места сы творчествоын босьтөны революция да гражданской война темаяс, революциялөн образыс лоё поэты быттьөкө символөн.

Ыджыд шоглунөн поэт гижө на йылысь, кодьяс олөмнысө сетісны революция делө вөсна. Коми литератураын В. Савин медродз петкөдіс коми народлысь героиня, повтөм партизанка Домна Каликоваөс, кодөс мучитісны да лыйлісны белогвардеецьяс. «Ыджыд бур мывкыдөн гөль вөсна петін тэ... Варыш моз лөбалін...» Поэт оз сөмын шөгсы Домна кулөмысь, но и надейтчө, мый сылөн кулөмыс бурджыка котыртас уджалысь йозөс врагьяслы паныд тыш выло.

Кызьөд воясө поэт вөлі не сөмын публицистөн, лирикөн, песенникөн, но и сатирикөн.

Гражданской война воясө поэт ыджыд сарказмөн гижліс белогвардеецьяс да международной капиталлөн представителясыс йылысь. «Губернятөм губернаторөн» поэт нимтө коми уджалысь йозлысь палач Степаи

Латкинѳ, кодѳ гражданскѳй война дырѳн англо-американскѳй интервентъяс отсѳгѳн волѳс Усть-Сысольскѳдз да ойдѳдлѳс Коми муѳс уджалъс ѳѳз вирѳн. Поэт кын сатираыс вѳлѳ ѳь оружиеѳн не сѳмын гражданскѳй война воясѳ, но и бѳрынджык.

Коми литератураын В. Савин медводз выступитѳ и драматургия жанрын. 1919 воын на гижѳ сѳйѳ революция тема вылѳ «Шондѳ петѳгѳн дзоридз косъмис» пьеса. Колѳ шуны, мый ѳтша коми сиктын ѳз пукльвны тайѳ пьесасѳ, кодлѳн став серпасыс ѳнджытсѳма сы ѳылыс мѳвлѳн, мый колѳ путкыльтны важсѳ да стрѳитны выль олѳм.

Коми литератураын кызѳд вояс заводитчѳгѳн вевтыртъс жанръясѳн вѳлѳны поэзия да драматургия. Тайѳ жѳ воясѳ чужѳ и проза, но сѳйѳ быдмѳ и сѳвмѳ нѳѳжѳйджык. Кызѳд вояс помын В. Чисталев ѳѳзѳдѳ некымын висът, кѳнѳ сѳйѳ зѳльѳ петкѳдлыны гражданскѳй войнадырѳя некымын событне. «Тшыг воѳ» висътын писатель петкѳдлѳ 1918 вояс серпас, кор коми ѳѳз ѳна тшыгъялѳсны. «Шог асыв» висътын сѳйѳ гижѳ сы ѳылыс, кыдзи белѳй бандаяс гражданскѳй война дырѳн уськѳдчѳсны да грабитѳсны ѳти сикт.

Тайѳ воясѳ жѳ прозаѳн заводитѳ гижны И. Сажин. Унджык висътъясъс сълѳн вѳлѳны бытѳвѳй темаяс вылѳ. Тѳдчанаджык гижѳдѳн сълѳн лои «ѳн тыш» висът, кѳнѳ писатель петкѳдлѳс гражданскѳй войнадырѳя серпасъяс: белѳй бандаяслъс Коми муѳ локтѳм, налыс зверствояс, сѳсъя бѳр мунѳм. Висътыс кѳтъ и бура ыджыд, но писатель ѳз на куж ѳитны петкѳдланторсѳ ѳти сюжетнѳй визѳб.

Неуна бѳрынджык драматург Н. Попов (Жугыль) гражданскѳй война тема вылѳ гижѳ «Ая-пиа — коммунистъяс» пьеса да «Сѳмсѳд кымѳр моз» висът.

* * *

Великѳй Октябрьскѳй социалистическѳй революция лоис сѳйѳ лышкыд да озыр мунас, кѳнѳ чужис да водѳѳ сѳвмис коми литература. Кызѳд вояс помын да комынѳд вояс заводитчѳгѳн литератураѳ локтѳс том писателяслѳн котыр, кодѳ озырмѳдѳс сѳйѳс выль тѳдчана гижѳдъясѳн. И. Пыстин, Г. Федоров, П. Доронин, В. Юхниц, Я. Рочев, И. Изъуров, В. Елькин, А. Размыслов, Г. Фролов, С. Попов, И. Вавилин да мукѳдъяс активнѳя участвуйтѳны литература сѳвмѳдѳмын. Шѳр теманас вѳлѳ социалистическѳй строитѳльство. Асланыс гижѳдъясън петкѳдлѳсны сиктын да карын муныс классѳвѳй тыш, став сѳйѳ выльсѳ олѳмыс, ѳѳз кост отношењясъс, кодъяс лѳсны социализм стрѳитан кадѳ. Торѳѳн нин тайѳ темаяс паськалѳ да босътѳ тыр тѳдчанлун комынѳд воясѳ. Такѳд тшѳтш том писательяс син улыс ѳз усъны сѳтшѳм темаяс, кыдзи революцияѳдз олѳм, революция да гражданскѳй война.

Комынѳд вояс шѳрын тайѳ темаяс вылас первѳйсъ петѳны коми писателяслѳн гырыс гижѳдъяс, мый висъталѳ писателяслѳн идейнѳй сѳвмѳ ѳылыс, налѳн мастерство содѳм ѳылыс.

1936 воын коми поэт Н. Фролов ѳѳзѳдѳ

«Домна» поэма, а 1939 воын В. Елькин «Шуд вѳсна» поэма. Тайѳ лоис коми литератураын поэтлѳн ѳтапнѳй гижѳдѳн. «Шуд вѳсна» поэма ѳщѳ ѳтчыд казътылѳ лыддъысъяслъс, мыйта вын да лов пуктѳма сы могыс, медым дорѳыны революция, сылыс вермѳмъяссѳ.

Поэмаыслѳн нѳмыс ачыс нин висъталѳ сълѳн идейнѳй содержание ѳылыс — народлѳн шуд вѳсна революциялѳн врагъяслы паныд коммунистъяслыс героическѳй тыш. Поэмаын шѳр образыс — коммунист Павеллѳн образ. Павел сѳлѳмнас эскѳ революциялы, предан сылы, и тайѳ сѳѳ сылы ыджыдыс-ыджыд вын повтѳг мунны врагъяслы воча, сѳйѳ дасъ сетны народлѳн шуд вѳсна ассыс том олѳмсѳ. Павеллѳн повтѳмлуныс, партиялы эскѳмыс ышѳдѳ кѳсъ вылѳ сылыс ѳртъяссѳ. Белѳйяс нуѳдѳны лыйлыны коммунистъясѳс. Павел ѳѳся шыасѳ ѳртъяс дорас:

**Мед, ѳртъяс, талун кулам ми,
Но тайяс ставнымѳс оз венны
Нин регыд локтас сѳйѳ час,
Кор ѳѳзыс лоас мян шуда.**

«Шуд вѳсна» — лироѳпическѳй поэма. Сѳтыс ми аддзам не ѳтша лиричическѳй да авторскѳй отступленеяс. Драматическѳй событнеяс, зельд сюжет да кужѳмѳн бѳрѳѳм мѳча серъяс вѳчѳсны поэмасѳ коми литератураын зѳв тѳдчана гижѳдѳн.

Бѳрынджык поэт Ф. Щербаков гижѳ «Домна Каликова» кывбура драма, «Октябрлѳн алѳй стяг», «Даръя Кочанова», «Кѳдзувъяс оз кусны» кывбуръяс.

А. Размыслов аслас югыд да сѳстѳм «Праздник асылѳ» кывбурын шуѳ:

**И ми казътыштам
Мыйтаѳн сѳк,
Революция асылын, петлѳсны
Смертнѳй кѳсъ вылѳ
Вѳльнѳя мед
Налѳн пѳяныс му вывтѳ ветлѳсны.**

Комынѳд воясѳ активнѳя уджалѳ Октябрьскѳй революция да гражданскѳй война темаяс вылын писатель П. Шеболкин. 1929-ѳд воын сѳйѳ лѳдѳѳ ассыс медводдза книга — «Партизан Ваньѳ», повтѳм детинка ѳылыс неыджыд висът. Шѳр теманас сы творчествоын лѳѳ Рѳдина, партия, народ. Но поэт оз вунѳд и на ѳылыс, кодъяс сетѳсны ассыныс том олѳмнысѳ Сѳветскѳй власть вѳсна, сы вѳсна, «мед олѳмыс вѳлѳ пыр югыд да бур».

Комынѳд воясѳ коми литератураын бура сѳвмѳ проза. Социалистическѳй строитѳльство тема кыдзи, коми писательяс асланыс гижѳдъясън кыпѳдѳны революцияѳдзса олѳм да гражданскѳй война темаяс. Журнальясън, газетъясън, торъя книгаясѳн петѳны висътъяс, очеркъяс, повестъяс. 1932 воын петѳс Н. Шаховлѳн историческѳй очерк «Изъва ѳывса крепость», кѳнѳ писатель петкѳдлѳс белогвардецъяслы паныд Изъва ѳывса партизанъяслыс героическѳй тышсѳ. Та бѳрын Уляшев вокъяс ѳылыс, налѳн подвиг ѳылыс гижлѳсны и мукѳд писателяс.

Великой Октябрьской социалистической революциялы 40 во тыригкежлө П. Доронин сідз жө гижис исторической очерк — «Изва йывса партизанъяс», а И. Потолицын — героической драма «Изва йывса крестость».

1935 воын Коми ГИЗ лэдзис И. Пыстин висьтъяслысь медводдза сборник — «Запань». Дас вит висьтысь куймсо вөлі сибма гражданской война темалы. «Мылдинса кулакъяслөн восстание», «Кырнышъяс гыж улын», «Вир кистана лунъяс» — висьтъяслөн нимъяссыс нин висьталöны налөн содержание йылысь. Но медтöдчана гижöдыс И. Пыстинлөн — «Еджыд во» повесть, кодi петис торъя книгаөн 1941 воын. Повесть подулын — гражданской война кадся исторической факт, Мылдинса кулакъяслөн контрреволюционной мятеж. Шөр гөрöднас танi вөлі Ляпинса нянь, код гөгөр гартчöны событияссыс. Советской власть кöсiйö петкöдны тайö няньсö тшыгыялысь народлы. Медым торкны вöчны тайöс, кулакъяс да вöвлөм офицеръяс кыпöдöны мятеж, виалöны коммунистъясöс, паськöдöны йöз пöвстын ылöдчана сёрни, быттьökö Ляпинысь став няньсö да печорасаяслысь став скöтсö, эмбурсö Советъяс петкöдасыс Эжава вожö, а Печорайн ольсыяслы нинöм оз коль, найö куласны тшыгла.

Мятеж дырйи мужественнöя асьнысö кутöны коммунистъяс, найö помöдз сулалöны революция дор.

Повестьсö гижöма документальной материалъяс серти, та вöсна событияссö сетöма хронологической, мый вöсна писатель эз вермы тэчны öтувъя сюжет, типизируйтны образъяссö. Но, та вылö видзöдтöг, «Еджыд во» повесть асьсыс тöдчанлунсö эз вошты öнöдз.

Комынöд воясö Сыктывкарин котыртчö Коми национальной театр, кодлы репертуарас ковмисны тшöтш и коми пьесаяс. Уна пьесаяс гижöны Н. Дьяконов да С. Ермолин, И. Пыстин, В. Юхнин, Г. Федоров да мукöд. Найö кыпöдöны асланыс пьесаясын сiйö кадся медъес темаяс, такöд тшöтш öткымынөн на пысь выльысь и выльысь кыпöдöны Комиын Советской власть вöсна тыш тема. Н. Дьяконов да С. Ермолин öтвылысь гижисны гражданской война йылысь «Кырнышъяс» да «Домна Каликова» пьесаяс, кодъяс пырисны коми театрлөн репертуарö. Но тайö пьесаясас уналаын тышыс петкöдлысьсö романтической ореол ради, абу психологической джудждалуныс.

1949 воын И. Пыстин гижö «Бушкала вояс». Основной теманас сэнi лöк кулакъяскöд, белогвардейской бандаяскöд да иностранной интервентъяскöд коми народлөн тыш.

Великой Октябрьской социалистической революция, кодöс Коммунистической партия веськöдлөм улын пöртис олöмö мян народ, нэмъяс кежлö колö тышын да уджын ярыгуд символөн. Со мый вöсна революциялөн образыс ышöдис да кутас на ышöдны писательясöс, художникъясöс, композиторъясöс.

1941 воын писатель В. Юхнин лэдзö «Алöй лента» роман. Тайö вөлі коми лите-

ратураын медводдза романөн. Ветымынöд воясын писатель паськöдö романсö да выль-изданиеөн лэдзö 1955 воын. «Алöй лента» лонс лыддысьсысыяслөн радейтана книгаөн. Роч кыв вылын романсö лэдзöма некымынысь нин. Тайö романыс йöзлы вöб сёлöм вылас сы вöсна, мый авторцыс кужис пыдiсянь, ыджыд художественной вынөн петкöдлыны коми крестьяналысь революцияöдзса олöмсö, налысь революционной сознание кыптöмсö да революцияö локтöмсö. Писатель петкöдлö, кызди большевистской партиялөн идеясыс революцияöдз на писькöдчисны царской Россиялөн ылi пельбiсясö да чужтiсны выль сикас йöзöс, кодъяс кужисны дорйыны не сöмын асьнысö, но и уджалысь гöль йöзöс. Романыс ставнас йиджтысьсöма мөвпөн, мый революцияöдзса сикт — абу нин лөн патриархальной сикт, мый крестьяна абу нин дзик увтыртöм йöз. Налөн гөлöсыс вочасөн гораммö, найö дасьöс нин ыджыд бушкоч кежлö.

В. Юхнин кö петкöдлö революцияöдзса коми сиктсö кытыськö лунвылысьджык, то Я. Рочев аслас «Кык друг» трилогияөн лыддысьсысыясöс нуöдö ылi войвылö, Печора бердса сиктъясö.

Я. Рочев чужлис войвылын, сэнi велöдчис да уджавлис. Уджалiгас чукöртис материал, медым петкöдлыны кольöм олöмсö ыджыд художественной произведениеын. Тайö материал вылас сiйö гижö «Кык друг» роман, кодi торйөн петис 1951 воын. 1958 воын петö романлөн мöд книга — «Изва гызьö», и 1967 воын коймöд — «Му вежöм». Куйманн книгаыс йитчöмаöсь öтамöдныскöд öтувъя темаөн да идеяөн, öти и сiйö жö геройясөн. Трилогияыс дзоньнас — коми народ историяысь ыджыд эпопея, кöнi писатель паськыда петкöдлö Печора бердса крестьяналысь революция кадся сир курыд олöмсö, налысь асьнысö мездём вöсна да революциялысь завоеваниеяс дорйöм вöсна тышсö.

«Кык друг» роман лонс лыддысьсысыяслөн радейтана книгаөн. Роман петис и роч да украинской кывъяс вылын.

Я. Рочев аслас романын правдивöя да паськыда петкöдлö Печора бердса крестьяна олöмысь сiйö кадколастсö, кор увтыртöм массаяс ясыда гөгөрвоисны «царөн да снмөн сетöм оласногсö», кор крестьяналөн кыпалö самосознаниеыс, да найö заводитöны тышкасыны асьнысö мездём вöсна. Тайö исторической кадколастсö бура гөгөрвоöмыс сетис авторлы поэянлун паськыд художественной полотно вылын серпасавны уна пöлöс образъяс, характеръяс. Роман лыддьöм бöрын син водзö сувтöны гöль крестьяна да батракъяс, рабочей-сезонникъяс да кадрöвöй рабочейяс, профессиональной да рабочей революционеръяс, мироед-кулакъяс да иностранной капиталлөн представительяс. Но основной теманас лöк крестьяналөн революционной сознание кыптöм, революцияын участвуйтöм да народлысь власть котыртöм.

Романысь мы лыдым уна ловъя сценаяс, серпасаяс, кодъясын писатель ыджыд художественной вынөн петкöдлö Печора

Сердын крестьяналысь олөмсö, националь-
ной обьчайяс.

Революция да гражданской война тема
вылө коймод ыджыд эпической полотнойн
лоб Г. Федоровлон «Кыа петигон» роман.

«Кыа петигон» роман сима коми народ-
лон верной ныв, гражданской война
героиня Домна Каликовалы. Но такод
тшотш «Кыа петигон» не сөмын Домна йы-
лысь роман, сийо тшотш и народлон судьба
йылысь, народ да революция йылысь гижод.
Романын автор петкодло исторической кад-
коласт, кодй тыр ыджыд тодчанлуньяса со-
бытияесон — империалистической война
бодзвывса олөмысь серпасьяс, ачыс импе-
риалистической войнаыс, революция, граж-
данской война.

Революция тема — бырлытом тема, сийо
век кутас водзö ышодны выль и выль пи-
сательясö.

Кыпыда юргоны мян луньясö С. По-
повлон кывбурьяс, кодьясö сийо гижис
квайтымынд воясö нин. Партиялы
гимнон лон «Партия йылысь кантата»,
кони поэт славитö Коммунистической пар-
тиясö, сылысь вежбрасö, чествасö.

Зев пося поэт гижö Иван Зарубин да сы-
лон ертьяс йылысь баллада «Тани вöли чор-
ыд бой».

Комиин гражданской война йылысь ги-
жодьяс видлалигон оз позь бокö кольны и
С. Поповлысь «Щугорса зон» да «Варыш
Еась» поэмаяс, кони автор кужомон пет-
кодлис ыджыд ен тышын не сөмын верстыö
йöзлысь героизмсö, но и сийо кадся быд-
мысь поколениелысь, кодьяс олөмысьö жа-
литтöг тшотш жö дорйисны революция.

Паськыда тодсаось да нималоны И. Ва-
вилинлон революция йылысь кывбурьяс.

«Тэ эн на вöв. И дыр на му вылө эн чуж,
А партияным шуд нин дорис тэныд..
И сэк жö тэкöд тшотшьяяслы удж
Тэ быдмигкежлö дасьтис мян Ленин».

(«Октябрлөн тшотшьяяслы»).

«Ленин Комиын» поэма да мукöд кыв-
бурьяс лонны революциялы, партиялы, на-
родлы гимнон.

Хрестоматийной кывбурон лонис и Г. Юш-
ковлон «Изъваса зон» кывбур. Кывбурас
автор петкодлис героической поступоксö
зонлысь, кодй эз кöйы терпитны бело-
гвардесцьяслысь издавайтчөмсö да ачыс
чеччыштитс йорданö.

«Октябрь — абу сөмын руд кымöра

енэж,

Октябрь — сийо чуймодан кад,

Октябрь — сийо Смольнойсянь

веськодлысь Ленин,

«Авроралон» вунлытом залп»,—

гижö поэт А. Ванеев.

Аслас кывбурьясын поэт уна висьталö сы
йылысь, мый сетис Октябрь Войвывлы,
тшотш и Коми мулы да коми йöзлы:

«Тэ быдөнөс козьналин шудон...

И косья ме тодны, Октябрь.

Дас сизимод воын сэк кутшом

Тан, Комиын, сулалис ар?

...И век меным мөвп сэтшом волö,

Мый вöлй сэк шондйа ар.

Кыз шондйа мича став олөм,

Мый йöзыслы восьтс Октябрь...»

(«Шондйа Октябрь»).

Тайос водзö восьтö аслас кывбурьясын
В. Попов:

«А ме, Октябрь, сэк эг на вöв,

Но шудсö сэк нин меным койин.

Нева ю дорысь свежой төв —

И татчö, войвылö, тшотш воис».

(«Тэ мусö вельмөдин»).

«Авроралон» залпыс югдодис не сөмын
мянлысь паськыд мунымсö. Сылон лыйö-
мыс кылс му шар пасьталаын:

«Кык кыа костö юковтис «Авроралон»

Пось лыйöмыс — и кылс сийо ылын...

И сэксянь лыйом шыыс эз на оравлы:

Век унджык сьлөм садьмö му шар

вылын...»

(«Сэки»).

* * *

Тайо обзорной статьяс лон кутшөмакö
видлалöма сийо произведениеяссö, кони коми
гисательяс кыпöдисны историко-революци-
онной тема. А темаыс тайо збылысь
ыджыд, помтом. Колö чайтны, мый коми
писательяс вылысь и вылысь кыпöдасын
тайо темасö, сетасын мян лыддысьысь-
яслы выль бур гижодьяс, код серти öнйя
том йöз тодмаласын, кызни налөн дедьясыс
шедодисны шуда олөм, пуктисны комму-
низмлон югыд зданиеö медводдза изьяс.
Народ вöчис революция, писательяс кутас-
ны тэчны выль гимньяс.

„Мунёны“ поэма петёмсянь 50 во

Таво тырис ветымын во Илля Васыльс (В. И. Лыткинльс) «Мунёны» поэма йёзёдёмсянь. Тайё поэмасо сійо гижис Венгриянь, кор велёдчис Будапештской университетын, и лэдзис торъя книгабн Коми книжной издательствоын. Сійо жё каднас Москваын роч кыв вылын петісны В. Маяковскийлөн поэма «Хорошо!», А. Фадеевлөн повесть «Разгром», А. Толстойлөн роман «Восемнадцатый год», Малой театр сувтёдіс К. Треневльс пьеса «Любовь Яровая». Став тайё произведениеяссё вёлі сійома Великой Октябрьской социалистической революциялөн дас вося юбилейлы да лонсны тёдчана тшупёдъясён вель советской литература совмоын.

Зэв тёдчанаён лон коми литератураын и «Мунёны» поэма. Сійо шензьёдіс лыддысьсысьясёс аслас вельлуннас. Та йыльс висьталёны критикьяслөн сэкса пасйёдъяс. Сідз, «Ордым» журнал 1930 воын гижліс, мый поэмаас «артмома Коми мулысь став мичлунсё петкөдлём». Сы йыльс висьтавліс и критик А. Забоев, коді тёдчөдіс, мый поэма «ёна водзё тойыштё коми литература быдмём». «Мукөд дырйныс,— пасйыліс А. Забоев,— Илля Васылөн кывбурьясыс быдсён чуймөдöны... Тайё кывбурьясас зэв ыджыд фантазия».

Поэт тайё произведениеын первойыс паськыда сёрнитё революция йыльс, шөр геройнас поэмаын лон вель морт— красноармеец, кодёс петкөдлёма тышын, белöйяскөд косьын. Тайё гижөдас медводдзаясь коми литератураын коми крестьянинёс петкөдлёма кыдзи геройис.

Окота тёдчөдны: асьыс геройяссё поэт босьтіс олөмсыс. Сійо тышкасис гражданской война фронтъяс вылын и аддзис, ку тшөмөн вермё лоны морт, коді сувтіс революция дор. В. И. Лыткин висьталё, мый сыкөд тшөтт северной да польской фронтъяс вылын тышкасисны уна национальности йёз, и кор сійо гижис асьыс поэмасо, син водзас кутіс тайё войтырсё, налысь смеллунсё да кыпыдлунсё. Сідз, поэт бур кывйён казтылө боецьясёс да командирьясёс— штаб батальонса связной Юшковёс, коді чужлөма Красное сиктын; полкөвой комиссар Михайловёс, томиник комвзводаёс, кодёс сунис белöйяслөн пуля. Торъя ыджыд героизм белöйяскөд косьын петкөдлісны пулемётчикьяс, кодъясён вескөдліс Алексей Надеев. Сійо вёлі крестьянинлөн пи, бöрынджык лоё прапорщикён. Революция бöрын том офицерёс бөрйöны салдат-

ской комитетса председательён, а регыд сэсся пырö большевикьяслөн партияё. Гражданской война вылын повтёмлунысь Алексей Николаевич Надеевёс вёлі наградіома Красной Знамя орденён. Тайё йёз-ыс и лонсны поэмалөн геройясён. На йыльс и мөвпалё поэт.

Аслас поэмаын авторыс восьтё красноармеецьяслысь характерсё сэтшөм ногён, медым петкөдлыны налысь повтёмлунсё, нравственной да духовной совмомсё. Автор тані бура висьталё асьыс мөвпьяссё чужан му да революция йыльс, аслас кад йыльс и водзё кежлө коми йёзлөн став Совет мукөд öтвылысь революция туйөд мунём йыльс.

Ставыс тайё озырмөдіс поэмалысь стильсö. И медся тёдчанаён сэні лон эпоейность— Коми му паськыда петкөдлём. Медся первой серпасыс нин шензьөдö аслас джуджданас:

Дзирдалан асывлөн чужöмыс нюмъялö,
Ва дор йыв нöрысын эзысьён лöсталö,
Му вылын эшкыныс — кын,
Кельдылöz шöвк рöма гын.
Мунёны туй кузя витён,
Мунёны вөр туйөд, ягөд.
Зумыда тувчалö кокныс,
Мунёны... мый бара могныс?

Поэмалысь стильсö медся нин озырмөдö сійо, мый поэт кужөмөн вөдитчö став художественной форма элементьясён, торъя нин, эпитетьясён да глагольной формаясён. Колö тёдчөдны, мый тайё отсалö поэтыслы пьдісянь петкөдлыны геройяссё, восьтыны налысь образьяссё. «Мунёны» поэма йыльс статьяын Забоев гижліс, мый Илля Вась образьяссё тэчö коми ног. Сылөн пö образыс абу фольклорысь босьтöма, а сöмын фольклорын моз тэчöма. Поэт, öти-кö, босьтö сложной эпитетьяс («ва дор йыв нöрыс», «вель олөм тулыс», «сөдз шонді югөр», либö «шабді сөдз юрсна Öльö», «чөдлач лöz синьяс», «нор сёлöма мамьясöй», «шевгөдөм морöса серам», «лöz роч ной эшкын» да сідз водзö); мөд-кö, эпитетсö сійо ещö на вынсьөдö-ёнмөдö («сё муса вок», «сё муса югөрьяс»), либö ачыс лöсьөдö («öмидзвир нывьясöй», «лунморöс аньясöй», «кельдылöz шöвк рöма»).

Поэмаысь ми аддзам уна изобразительной глагол. Со, кöть тайё строкаясас:

Видзёдлэй: лөзалан Сыктывным
нюмъялө,

Гож водзё луд вылө водёма Эжваным,
Видзёдлы, став Коми му,
Шлывгө, кызд Печора ю,
Из вомён чечалө Изва,
Сөдз вийён визувтө Емва,
Шуньгөны, ворсігыр рама
Мезень, Луз, Иньва и Кама.

Вайөдөм строфаас глагольяссыс зэв выразительнойось, босьтам кө найөс весиг мукөд кывъястөг: нюмъялө, шлывгө, чечалө, визувтө, шуньгө. Глагольяссыс поэмаын оз сөмын действие петкөдлыны, но и ворсөны эпитетъяслысь рольсө.

Поэмаын аслыс ногөн петкөдлөма и бывла выв. Сийө быттьө ловъя, вежөра, сылөн мичлуныс уна рөма да пыр озырмөдө. Со некымын пример: «Тшөк ланьтис став коми му», «Нюммуні шонділөн югөр», «Ворсөны лым чирлөн синъяс». «Гусьёс ош чургөдас юрсө», «Лэптөма вылө көр юрсө».

Со кутшөмөн аддзө поэт төвся лун:

Здук кезлө төвся лун восьтыліс
синъяссө,
Видзөдліс сикт вылө — пышйис бөр
сьөд вөрө.
Паськыда шевгөдіс сой
Пармасынь быгыльтчысь вой.

Природасө ловзьөдөм, коми мусө, кызд ловъя лолөс петкөдлөм, поэмаислы сетө аслыспөлөслун. В. И. Лыткин пыртө поэмаас сэтшөм образъяс, кодъяс вылө позьө видзөдны кызд символъяс вылө.

Сідз, поэма заводитчө зэв югыд праздничной картинасянь, коді петкөдлө бывла вывлысь мичсө. Но поэт бывлаыскөд тшөтш кутө төд вылас и мөд мич — мич, коді воссьө йөзыслы, кодъяс мунөны белөйяскөд тыш вылө.

Шондіыс вөр сайсянь медводдза
югөрсө
Меліа, вежаа, шензигтыр мөдөдіс,
Ыстыштис, көсийөдіс: «Мун,
Вөч, восьты му вылө лун».

Поэма заводитчө вөр сайысь ичөтик шонді югөр мыччысьөмөн, а помасьө югыд шондіа лун петкөдлөмөн. И став поэмаас

шонді лөө быттьө ещө өти геройөн. Выразительной петкөдлөма шонділысь образсө уна отрывокъясын, а гижөд помас сылөн югыд мичыс өтлаасьө гөрд советской флаглөн да революцияөн озырмөдөм йөзлөн мичкөд. Тайө серпасас поэт оз дзөб ни йөзлысь югыд чужөмъяссө, ни шонділысь дзирдсө, ни гөрд флаглысь рөмсө. Найө өткодя донаөсь гижысьлы. Сідз, дон шевъялысь флагы, коді босьтө став вынсө шонділысь, лөө медся төдчана пасөн поэмаын. Та йылысь поэт гижө:

Шондіыс дзирдалө,
Енэжыс лөз.
Мунөны туй кузя,
Мунөны йөз.
Выйөрыс көрт кодь,
Көсийөмыс ён:
Киясас гөрд флаг
Шевъялө дон.

Символөн лөө и поэмалөн нимыс — «Мунөны».

Авторыс петкөдлө тані белөйяслы паныд кось вылө мунысь йөзөс. Сийө восьтө поэмаас выль геройөс, петкөдлө, мый коми войтыр мунөны сийө жө туйөд, кутшөм туйөд мунөны став советской йөз — революцияөн восьтөм туйөд.

Илля Вась зильө төдчөдны, мый вит герой-красноармеецсыс вөліны выль туй писькодъсыясон, мый найө туйөд мөдөдчисны сөөн и сюрсөн, мый став советской оломыс — сийө ыджыд туй водзө. «Мунөны» кывйын, — төдчөдө филологияса кандидат В. Попова, — революциялөн выныс да сылөн народной характерыс, чорыда эскөм сыө, мый выль олом дор сувтөм йөзөс оз вермы бергөдны некутшөм вын, некод оз вермы пөдтыны революция».

«Мунөны» поэмаын поэт ошкө революция. Сийө петкөдлө, кутшөм мичаөн, вынаөн лонсны йөз, кутшөм ыджыдтор найө кужисны вөчны, кутшөм ярюгыд мич восьтис революция став мян оломын. И ставсө тайөс поэт кужис пыртны аслас гижөдө да петкөдлыны поэмалөн сюжетын, геройяслөн образъясын, стильын. И өнөдз поэма кольө мян вежөрын кызд памятник коми йөзлы, кодъяс став советской йөзкөд өтвылысь тышкасисны революция вөсна да вөчисны чуймөдана мичаөн ассыныс чужан мусө.

Книгаясын—талунъя морт

Алма-Атаын вöли коймöд Ставсоюзса научно-теоретической конференция «Уна национальность талунъя литератураын художественной корсысьсöмъяс» тема вылö. Пасъям, мый царской Россияын книгаяс петлисны 14 кыв вылын, а öни миян странаын лэдзöны литературасö 76 кыв вылын. Советской писательяслысь уна гижöдъяс тöдöны мир пасьян.

Литературоведение кузя вöчöма ыджыд удж — лэдзöма «Уна национальность советской литературалысь история» квайт книгаöн. Авторъяс лыдын и коми учёнойяс — А. Вежев, А. Ванеев, П. Доронин, Б. Латышева, А. Федорова, В. Демин. Тайö уджсö нöбöма Японияын, Скандинавияын, Бельгияын. «Уна национальность советской литература» книга лэдзисны и ГДР-са учёнойяс.

СССР-са народъяслöн литература кузя исследование нудöны рубежсайса уна учёнойяс Коми литература кузя диссертация дорйис Англияын Д. Коутс, «Удмуртской литературалысь история» лэдзöма Венгрияын.

Москва, Ленинградса, союзной да автономной республикаясса учёнойяс конференция вылын лыдисны матö 80 доклад. Финно-угорской литература кузя сёрнитисны Ижевскысь В. Ванюшев да З. Богомолова, Сыктывкарысь И. Ванеева да В. Пахорукова.

СССР наукаяс Академияса член-корреспондент Г. Ло-

мидзе аслас докладын пасйис, мый öтувъя социалистической культура бура петкөдлö миян обществолысь исторической сöвмөсö, а сідз жö кыпöдö нравственной проблемаяс. Талунъя мортос петкөдлöмлы сиисны ассыныс докладъяссö филологияса докторъяс Н. Надъерных (Москва), П. Дюбайло (Минск), А. Садыков (Фрунзе), М. Хасенов (Алма-Ата), а сідз жö Азербайджанса, Украинаса, Калмыкияса, Якутияса учёнойяс.

Кутшöм миян современник? Сійö — активной, делöвой морт. Талунъя литератураын сэтшöмъясöн петкөдлöма Потаповöс (Гельманлöн «Премия» пьесаын), Чешковöс (Дворецкийлöн «Человек со стороны» пьесаын), Алтунинöс (Колесниковлöн романъясын) да мукöд произведениясын.

Литературалöн мог — петкөдлыны талунъя мортос паськыда да пыдисянь, кодй эськö сьёлöмсяныс ныртчис коллективлöн олөмö. Татшöм геройсö корсысьсöм тöдчö и коми литератураын. Позьö казтыштны Борис Шаховлöн «Лунтö ошкырытъяныс» повестысь строительной трестса парт-орг Деминöс. Сійö кыпöдö сёрнитанторъяс, кодъясöс олөмö пöртöмысь тöдчö государственной план тыртöм; кыпöдö сідз жö и нравственной вöпрöсыс.

Миян современниклысь мөвпяяс да чувствояс бура петкөдлöма Иван Тороповлöн да Иван Мининлöн повестысын. Авторъяс пет-

көдлöны ассыныс геройяссö воськов бöрся воськов и синьяс водзад сувтö личность сөвман туй.

Öни миян литератураын ыджыд места босьтö сикт йылысь проза. Збылысь йöз пöвстысь петöм геройяссö петкөдлöма Геннадий Юшковлöн, Петр Шаховлöн повестысын да висъясын. Асланыс гижöдъясын коми писательяс пыр частöджык кыпöдöны морт да вөр-ва йылысь проблема. Вөр-ва динö матыстчöмнас гижысьяс восьтöны мортлысь нравственной пытшкöслунсö. Татшöм гижöдъяс лыдас пырöны П. Шаховлöн «Мыйла олам, мыйла колам» повесть, Г. Юшковлöн «Пьяна ош» повесть да «Висар» висъя.

Зэв тöдчана проблемаяс кыпöдö Г. Юшков и «Медся сьöкыд витöд во» да «Тöлысь карын» висъясын. Бөръя висъяс писатель петкөдлö математика кузя учитель Турковлысь пытшкөсса мирсö. Тайö висъясö вöли вылö донъялöма критик Б. Анашенковöн. Колбöм вося «Октябрь» журналын сійö гижлис, мый «автор оз осуждайт», оз эрдöд, а исследуйтö геройыслысь характерсö.

Коми литература восьла-лö уна национальность советской литературакöд öтвыв. И коми писательяс водзö кутасны петкөдлыны миян современниклысь яръягуд образсö.

В. Пахорукова,
филологияса кандидат.

Техн. редактор *И. Оплеснин.*

Адрес редакции: 167610 г. Сыктывкар, Дом печати, комн. 26.

Телефоны редакции: 2-47-52 (редактор), 2-51-52 (отв. секретарь).

Сдано в набор 24/X-1977 г. Подп. к печати 11/XI-1977 г. 70×108¹/₁₆. Печ. лист. 4. Приведенных печ. листов 5,6. Тираж 6172 экз. Ц02268. Заказ № 6255. Цена 20 коп.

г. Сыктывкар, Республиканская типография Управления по делам издательств, полиграфии и книжной торговли Совета Министров Коми АССР.



20 коп.

Индекс 73069

